


Литература Дагестан

16+

ISSN 0235-0149

Гъалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



Дядуда
Вяхидовлис

75
яц

№ 1/2016

январь - февраль

Тъалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Правительство Республики Дагестан.

БЕКІ РЕДАКТОР

Мурад Гяхимадов

ЖАВАБЛА СЕКРЕТАРЬ

Т.Зургъалова

РЕДАКЦИЯЛА КОЛЛЕГИЯ

Х. Къурбанов (*журналла редактор*)

Къ. Мигърабов

М. Хямидов

Т.Сягидов

ЖАМИГІЯТЛА СОВЕТ

А. Гіабдулманапова

А. Каймаразов

И. Ибрагимов

Х. Хішибова

Х. Юсупов

И. Магомедов

1
—
2016

январь - февраль

Кел базли гъачам
дурабулхъан

Выходит один раз в два месяца

1952 ибил дуслизиб
аклахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:	
ПРОЗА	
Мяхіммад ТАХСУРМАНОВ.	Даргала поэзияла дуҳури.....3
ПОЭЗИЯ	
Айдимиран КАЙМАРАЗОВ.	Сагати назмурти.....15
ПРОЗА	
Хадижат ХІЯБІБОВА.	Гъашибил даршдуслы гъигъ.....24
Гіябулла ВЯХІДОВ.	Хіябал хабар.....33
ДРАМАТУРГИЯ	
Расул БЯХІЯММДОВ.	Дигай ва хія.....45
ПОЭЗИЯ	
Тавсултан СЯГІДОВ.	Донничіб беркіб дуги.....61
НУШАЧИВ ГІЯХІЛАДЛИ	
Мяхіммад ГІЯХІМАДОВ.	Назмурти.....63
ПРОЗА	
Къасум-Бег МИГЪРАБОВ.	Шахли дигубути къар.....65
САГАСИ ЖУЗ БУЧІУЛИ	
Тавсултан СЯГІДОВ.	Даргантала уркібази виур.....69
ПРОЗА	
Мяхіммад КЪАРАТОВ.	Марти хабурти.....75
ПОЭЗИЯ	
Аминат ГІЯБДУЛМАНАПОВА.	Назмурти.....79
Шамхал СУХЪАНОВ.	Назмурти.....84
ПРОЗА	
Мяхіммад КЪУРБАНОВ.	Биаб илкъайда.88
ПОЭЗИЯ	
Хамис МАЛЛАЕВА.	Назмурти.....92
ФОЛЬКЛОР	
Шяхі МЯХІЯММАДСЯГІДОВ.	Буралаби.....95

Журнал зарегистрирован Федеральной службой по надзору в сфере

связи и массовых коммуникаций.

Регистр. номер ПИ№ТУ5-0023 от 21 мая 2009 г.

Типография: Издательский дом “Дагестан”

Адрес типографии: 367018, РД, г. Махачкала, пр-т Насрутдинова, 61

ГЬАЛМАГЪДЕШ №1 2016 г.

На даргинском языке

Выход в свет 10.03.2016 г. Тираж 325 экз.

Заказ № 0204 Цена свободная.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367025, РД, г. Махачкала, ул. Даниялова 55.

Электронный адрес редакции:

litdag@mail.ru

Проза

**Мяхіммад
ТАХСУРМАНОВ**



ДАРГАЛА ПОЭЗИЯЛА ДУХУРИ

Даргала пагъумучевси поэт, прозаик ва тилмаж Гъазим-Бег БяхІяндов Къурбанович акІубси сай 1940 ибил дуслизив Лавашала районна МикІхІила шила Советлизи кабурхуси Глайсала къякъ биклуси махъилизив, минала хъ-убзар Къара БяхІяндла хъалибарглизив.

Зумали чөлкүти заб-маркалис, къириливан гъундури кадуцибти миль-би-дяхІурбас мутІигІекІили, гъар бархІи Глайсала къякълизивад МикІхІи, МикІхІивад Глайсала къякълизи лагра катхІелра вашули, гъар бархІи 15 ки-лометрла гъуни ихъули, Гъазим-Бегли 1959 ибил дуслизиб МикІхІила урга даражала школа таманбариб.

9-10-ибити классуназив нуни учІахъули калунсири Гъазим-Бег.

Поэзияла майдайчи гъала-гъала гъуни гъеббурибси учитель сайхІели, нуни иличи халаси пахру бирулра:

МикІхІила урга даражала школализив учІухІели, илини поэзиялизиб сунела пагъуму ахтардибирес вехІихъиб.

Гъалар-гъалар делкІунти назмурти делчІахъес, илдачиле пикри бурахъ-ес челябкълала гъуланачил набчи зумали ваши ил. Илала гъалар-гъаларти назмуртазир шалати пикруми, ГлайхІти къасани, челябкълаличила хъулани, поэзияла цІилцІилагуни дагъеслири.

Кел дус нуни учІахъули калунси ученикла гъямруличила ва творчество-личила бурес лайнили чебиулра. Гъазим-Бег назмурта лукІес школализив учІухІелил вехІихъиб. Илди районна газетализи кадирхъутири.

Шилизивад вакІиси жагыил дурхІя «Ленинна байрахъ» газетализив узес вехІихъиб. Редакциялизив узухІели, Гъазим-Бегла назмурти районна ва рес-публикала газетабазир, миллатла журналтазир дурадулхъесдяхІиб.

Клинайс илди «Литературная газета», «Советская Россия», «Правда», «Известия», газетабазир, «Октябрь», «Халқынана гъалмагъдеш», «Юность», «Вожатый», «Пионер» ва цархІилти журналтазир урус мезли шурдатурли дурадулхъесдяхІиб.

Илала назмуртани бучІантачи жявли гъуни баргиб: бучІантас илди лер-гіер ГлайхІизур.

Гъазим-Бегла жагали чебакIибси поэзияла хъи, лукIнила устадеш, пагъму пикрилизи касили, ил Дагъиста писательтала Союзли литературный институтилизи керхахъес маслигIятвариб. 1962 ибил дуслизив Горькийла уличилси литературный институтилизи керхур.

Ишав жагъси поэт Срветунала Союзла, дурала улкнала классикунала машгъурти произведение бачил тянишиуб.

Институтилизив ил тянишиуб илаб бучути поэтуначил, писательтачил, тилмажуначил.

Илдани жагъси ва лукIес гъаргъси поэтичи халаси асар барив, Гъямули-чи илала художественный хIер бугабариб.

Москвализир урус мезлира илала назмурти дурадухъун.

1967 ибил дуслизив БяхIяндовли институт таманбариб. Илала Гергъи Гъазим-Бег декIар-декIарти хIянчурбачив узули калун: «Ленинна байрахъ» газетала редакциялизив, Дагъучпедгидлизив, телерадиокомитетлизив, ДР-ла писательтала Союзлизив, Комсомолла Дагъиста обкомлизив.

Гергъити дусмазив Гъазим-Бег Къурбанович БяхIяндов Дагъиста писательтала Союзла литературно-художественный журналла бекI редактор сайри.

Дахъал жузи делкIи, халати гонарти кайсули хъалли, халаси давлаличи хъулхIейкIи, урхIла гъарбизунаци, мас-давлаличи, кIялгIначи, машинтачи къясхIейри.

БяхIяндов – дев бугаси, пикри мурхъси, гъякълу-дагъри шалати, халаси пагъмула вегI, урхIмешуахIенси поэт сайри.

Илини сунела назмуртази, далуйтази, поэмабази, прозализи буцIарси уркIила гъирара, бяхIясагарси цАкъра, дуцIрумла берхIигъуна ванадешра, Гъямула опытра, инсанти бархъдешличи, хIялалдешличи, адабдешличи жи-бирути къиликъунира минадирахъули.

«Даргала литературализи Гъазим-Бег дубурла варачанван, бурямван хъ-ярхъли ацIиб – уб илгъуна анцIбуку биубси ахIенри».

Поэтла «Нура дубурлан сайра» бикIуси жуз 1966 ибил дуслизив дурабухъун.

ИлхIейчирад авторли дарган мезли ва урус мезли шуцIалицац жуз дурабухъун.

Лебтанилра лерилра жузала уми, илди дуракаити дусми хIедални ба-гъандан, илди гъандурши:

«Нура дубурлан сайра» – 1966 д. «Дила маxыкан лагъя» – 1969 д. «ХIярхIя» – 1968, «ГъяхIял» – 1972., «Дудешла някъби» – 1967 д., «Савгъят» – 1979 д., «Баркалла» – 1974 д., «Муэрти» – 1986 д., «Дигайла багъя» – 1982 д. «ЧердикIибти» – 1990 д. , «Ассаламу Гялайкум» – 1987 «Закон» – 1988 д. , «Тарлан» – 1973 д., «Анкъила цА», «ВатIан МяхIкамбарай» – 1977 д., «Ара-дешлис, ГъяхIдешлис» – 1981 д. , «Мукеки» – 1975 д., «Айгъиртачир акIуб-ти» – 1977 д., «АрхIя» – 1992 д., «Манкъуш» – 1982 д., «Цаличи вяхIгъавли» – 1988 д., «УмцIулра хIебаргибси девличи, хIериулра акIубси тугъличил» – 1991 д., «Кунак» – 1976 д., «Булбул чатIа ва имиала» – 1974 д. , «ХIела у» – 1976 д., «Жайран» – 1970 д., «БегIла Гергъиси гъай» – 1997 д., «Дузабди-хан» – 1983 д. – повесть, «Ахир наслу» – 1988 д. – роман ва цархIилти.

Гъазим-Бег литературала, поэзияла белкунси гъуйчивад ватхIейхъиб.

Илгъуна хІядурси, белкунси гъуни хІейгахъи илис. Поэзияла сай вегІси дя-
къличивад умутчевли ватихъиб.

Гъазим-Бегла назмурти, поэмаби, далуйти, дезни дусличи дус, жузли-
чирад жузличи илди лукІанна устадеш дугадикІниличил, Гіякълу-дагъри
мурхъдикІниличил, давлачerti ва зайдикІути мезличил, сагати ранганачил,
поэзияла журабачил, пасихІдешличил, саркъибдешличил, мурхъси мягІна
бухІнабуцнеличил, сунечи хости устадешличил халкъла мухІила пагъму
пайдалабирниличил, гъарил дев кагили балбикниличил, телла гиван зайд-
икІудешличил, гъайкІариван дучІудешличил, гъайбатдешличил, поэзияла
лямцІличил декІадулхъули сари.

БяхІяндовла назмурта сихІрула цакъ бухІнабуцили саби: гъарил дев
учанна уркІилизи алтІули саби ва илала минабибули саби.

Сабур кахІеберхахъес
Санга шурми деркунти,
ХІи гъалакли дужаҳъес
Варачанти держиби.

* * *

Авлахъла буряmtала
Гъалакдеш асибири,
Шандангъунти шурмала
Чумадеш асибири.

* * *

Гъяштала гъалар ахъти,
Ахътала гъалар гъяшти,
Ута бухъесгу или,
Руржули хІяндиубти.

* * *

Вайти халкъ лебти ахІен,
Халкъ лутІанти саб вайти.

Щахти халкъ лебти ахІен
Щах агарти саб вайти.

* * *

Пляхъикили убкІаси,
ХІериалри ахІерси,
ШулгІир агарли хъалли,
ХІила тумазир лерси.

* * *

ДучІас нуни далуйти
Заб кадилзна кайзести,
ВатІан гъанини дургъести,
Къукъуван кІухдикІести.

ХІуша дихуси дунъя
Балтаси тудяхъили,
ХІебиалри ил тІашси
Нушачи хъарбяхъили.

Илис бикъридеш дирули сари «ГъяхІял» – (1972д.) бикІуси жузли.
Иш жузлизир авторли дубурлантала ГъяхІтигъунти къиликъуни гапдиру-
ли сай, ГъяхІти къиликъуни калаҳъес, илди гъатІиралра имцІадикІахъес ул-
гули сай, илди къиликъунас диргалабулхъути хІрамзибас ургъули сай.

Булъалли хили булъаб
Адамтала умудеш –
Буалли сявкли булъаб
Адамтала паргъатдеш.

Сунечи хости бархъдешличил ва гъабзадешличил Гъязим-Бег убяхІти,
усалти адамтачи къаршили дураулхъули сай:

**НягІнара даршна нягІна
Хулби хІердикІахъули,
Къалпдеш пужхІейрантачи,
Къалпли хІербрантачи.**

Гъазим-Бегла жузала хасдеш саби даргала халкъла мухІлила пагъму, хасданра микІхІентла, ил хости устадешличил пайдалабирни; поэтла далуйти макъамтачи ва музыкалиchi гъамадли далдиркни; дубуртасра дубурлантасра мардеш, гІяхІси ибси гІебисни, бархъдеш ва хІялалдеш маслигІятвири, адаб ва адамдеш черяхІдирни, гІямру ункъли, чедетаахъили ва гъар шайчирад дални; гІямру-хІяквикъат сари лерсиван – гъарли-марли чедиахъни; чичилра-селичилра хъархІердеш агни, дарган мезла жагали дучЧути, зайдикЧути дугъби ва дугъбала цалабикуни далцІес бални; дудешунала ва хала дудешунала бузери ахъли къиматла бирни, даргала халкъла дурхъати гІядатуни гапдирни ва илди хъумхІертурли дузахъес маслигІятбирни

**«Амма дубурлантани
Душманти даршубири,
Душманта халкъла гъалар
Мардешлис хъями дира,
Ва дунъяла адамти,
Къалабадикира!**

**Душмандешла цІалиуб
Лебну цІумбикІутира.

КъидадикІути улкни
Даршахъя даимлис,
Дараҳъили хъямира
Гъалмагъдешлис мардешлис».**

Ламартдеш, убяхІдеш, кІибяхІяндеш, рушбатчидеш, чурхдеш, ялавкардеш, хІяяагардеш, хамдеш дукелцІиличи дирхъни, илдас лягІнатикІни.

**Хъу дегІи бекІдарайчи
ГъанкI хІебакІбси усес,
Дег дергили ибгайчи
ГъанкI хІебакІбси усес.**

**Хъямчибазиб гІяламла
ХІебатес хазна, ари,
Хъя барибти уршиби леб
ГІязиз ВатІа баари.**

**Хъябладирхъули хъалли
Хъя къянахІебарибити,
Бихърилизи дергайчи
Тяп цаван ВатІайс марта.**

**НягІнара даршна нягІна,
Хулби хІердикІахъули,
Къалпдеш пужхІейрантачи,
Къалпли хІербрантачи.**

**Кайзурси гъабзализиб
БекІлибиубси бегІла, –
Адамли кални саби
Ажал даайчи вегІла.**

**ХІярамсицуун буканти,
ХІярамсицуун уданти,
Баэси хІебиантин –
Ну душманра хІушала.**

Илала произведение базиб гІямруличи бирхауди леб, дубурлантала гІамрула тимхъ, шалати пикруми, гІяхІти къасани, заманаala тІалабуни лер.

Поэтли сунела лерилра цІакъани, мурхъси пагъму, жагъти гІямру, бузерила опыйт ВатІайс, халкълис къуллукъличи каиб.

«Ватлан багъандан алхес!»
Хъул ахIекIуб илгъуна...
Ватлан багъандан алхес, –
Хъул акIайчи илгъуна.
Вирус ну хIечи ваэс
ДягIван гъалакли, Ватлан,
Ну хIейэсли хIербиэс
ХIед гIядаббулхъусиван.

«Ну дубурлан сайра» – 1966 ибил дуслизиб дурабухъунси цаибил жуз саби. Цаибил жуз дурабухъни ил поэтла хIулбукIри саби. ЛукIнила усташла хIялумцIни саби. Гъазим-Бегли халкъла дурхъати гIядатуни ахъдуцили, илди хъумхIертурли дузахъуси ил гъарли-марли дубурлан виъни, дубурлан ибси дурхъаси уличи сай лайикъни виъни кабизахъур.

Ил жузлизиб авторли дудешунала, хала дудешунала, шантала, халкъла гIурмат-хатирла даража ахъбуцахъес маслигIяттирули сай. хала бегIтала гIяхIтигъунти къиликунира гIядутунира гаптирули сай. Ил жуз авторли халкъла мухIлила пагъмуличи хъараҳъили белкIи сай.

Поэтлис дудешуначи мешуикес, илдала дурхъати гIядатуни дузахъес, ил-дас марсили виэс дигули сай. Илди дубурлантас маслигIяттирули сай.

Дудешуначила гъайикIули, шягIирли лукIули сай:

Ахъри агу илдала
ХIяндеш дигIянадарес,
ЧIигIяла чирчалиур
Я чурха къапПалиур.

Гъазим-Бегла назмуртазир, поэмабазир гIамруличи бирхауди, дубурлантала гIамрула тимхъ, шалати пикруми, гIахIти къасани лер.

Гъазим-Бегли даргала поэзияла майдан гъатIира бягIубариб, тIинтIебариб, цIакъбариб, мягIиналашал мурхъбариб, журабалашал давлачеббариб, дахъал ранганарбариб, поэзияла лямцI имцIабиахъубли, ил лигIиматла ахъанайтачи абацIахъиб.

Ил биалли даргала поэзияла майдайчиб сархибси халаси гъунар саби:

ДучIас нуни далуйти
Заб кадизна кайзести,
Ватлан гъанни дургъести,
Къукъуван кIухдикIести.

Дудешли къяш кабирхъна
Уршба бурги кархъуйхIив,
Нешли къукъа убирхъна,
Уршба жан кадирхъуйхIив.

БягIяндов назмула къянязирти тугъи хъатра дамраван уржакъили дал-кадиркахъуси, илди рифмала ритмалашал жагали зайдикIахъули, дучIахъули далкаркахъуси, дарган девла мягIана гъаршайчибад мурхъли гъаргбарес, гIячихъбарес, дугъби учIанна уркIилизи бурбуниван атIесли зайдикIахъес, дучIахъес бажардиикибси, урхIимешуахIенси пагъмукар поэт сайри.

Илис бикъридеш дирули сари ишди гIергъити тахтабани:

**Хъябладирхъулихъалли
Хъя къянахIебарибти,
Бихърилизи дергайчи
Тяп цаван ВатIайс марти.**

* * *

**Агъ, вахъ хIейгахъурагу
ХIая хIегъти адамтас,
ДезаикIни багъандан
ХIаяла гъалаб мартас,
Гъарли-марти адамтас.**

* * *

**ГIур селра хIейгахъаси,
Ца секIал дигахъира:
ХIчрад адулхъаъес
Ванал БерхIира Бацра.**

* * *

**Дамус-хатир агарли
ХIая хIегъли, хIеб цIябли
ХIербирути хIяжарти
Бурцаб бархIили хIябли.**

Гъазим-Беглизиб тIабигIятли бедибси пагъму лебри. Ил дакIура булхъули саби лебилра творчестволизиб.

**ШяхIрумар шанда шушкни
Хъахъли дугадиранти,
Битавтас лутIи-гIябул
Хъат някъба адирхъянти.**

**ЛямцIла ламиличибад
Къалиян улкахъанти,
ХIярхIяличил хIярхIяла
Дяхъи гъалабиранти.**

**Тупангла хIяралабад
ХIяйран далай бучIанти,
БехI бугаси турличир
БехI гумлачир дулхъанти.**

**Хабар халал, у дурхъал
Дагъистайс талихI хибти,
УркIби цIала, яхI шанда
Даргала партизанти.**

ХIераягу ца, поэти сегъунти тяп диндаличир гимиван далгунти, гъай-кIарван зайдикIути, адам дарган мезличи, илала имкантачи гъяшикирахъути, уркIи пахрули бицIести, учIанна уркIилизи агIести дугъба цалабяхъилил иш «Даргала партизанти» бикIуси назму, сабира халкълис бахъ дигахъуси ва далаильчи шурбухъунси.

Иш назму белчIунси адам хIяйранирар, гIурра... гIурра белчIес иштихI-дулхъан, гъар бархIи бучIалра анцIхIебулкъан. Ишар гъарил дев, гъарил тугъ чула мерличир сари, лацлизи келпичуниван далдикили сари. Ишаб цалра балхIебикибси, имцIаси дев, хIярп агара. Гъазимбег девла битIакI дурусли балуси поэт сайри, ил мезла чевухъунси устара сайри.

Тема, мягIина, каргъни хIясибли – дебали саркъибси ва зайдикIуси назму – далай саби. Иш назму даргала поэзияла ахъанай саби, ахъ хIурхъ саби, даргала лукIантас исла, мисал, гIибрат, саби.

Иш назмулизиб чебаахъили саби дубурлантала тIабигIят.

Сабухъчебдеш, – «Сабур халбаахъес, санга шурми деркунти», «Хи гъалакли дузахъес, варачанти держунти», устадеш ва цакъ – «Бидавтас лутIи-гIябул хъат някъба адирхъянти», душмайчил давилис хIядурдеш, – «ШяхIрумар шанда шушкни хъахъли дугадиранти», яхI – «шанда», гъаб-задеш, – «ХIяралличил хIярхIяла дяхъи гъалабиранти» ва ц.

Ил саби гъарли-марси поэзия!

Илгъуна поэтла поэзиялис «Даргала поэзияла жавгъар духури, даргала поэзияла ахъанай, ахъ хIурхъ саби или эс Чумали вирхули вирап! Даргала поэзияла байрахъчи сай викIалра хатIахIеркур.

Амма дебали деңгеси, хәйгеси баркүди саби илгъуна пагъмучевси, машгүрсі ва хабардерхурси поэтла творчество лайкылы кыматлахieberни – илис Дағыиста халқыла поэт ибси хұрматла у хебедни.

Дила гъанбикли, Дағыиста хәяким-каримти иличила пикрибулхъан ва лайкыси хұкму қабабули! Марлира, ил секіл – баркүди сеннира барес чебиркур!

Сепайда, илгъуна урхімешуахіенси пагъмукар поэт вахъ жавли вебкіиб къадин: бегілара пагъму берхъибси, гәкълу бугабиубси, бикүрсі ва ахъси даражаличи абикибси, пасихідеш тінгіли дақідухұнси, Гәмрула ва бузерила къадри – мяғіна тінгіли ва мурхыли дағыурси замана.

Гәзим-Бег бархъдеш, хәялалдеш дигуси, халқыличи, Ватайчи уркі изуси, Ватіа чедибдешуначи, халқыла эркіндешличи разиикіуси, илди уркіи-дулеківан дигуси поэт сайри... амма поэтли СССР бехъни – хараббарни, хұрматагарбарни, хъям-қыацібарни, адамтала яшав вайтібикни, илди мұчлаагарбійни, гашахіебекіес, хъалибарг баҳес бағындан хәянчилигіб къяцібикіни дебали деңгели, халаси деңгеличил чекасиб. Илди лайкыагарти хъям-қыаціла баркүдлумани поэтличи вайлашал халал асар баріб.

Илди деңгел-анңіквили, шишимти-дарданани диңгібти, уркілис паргъатдеш хөлугути, дяғіла шившигіланван дургъути пикруми сунечи хасты устадешличи назмуртазир образуначил юморла тяхіярли чедаахъиб.

**Хәялалсилис хәябгъуна,
Хәярамсилис хәебгъуна,
Дяхі шалати шавласи,
Дяхіягартас шаласи.**

**Гәяжаибси замана
Леб нуша демжахъурси,**

**Гәрмукас алжангъуна,
Гәрибтас жазаъгъуна.**

**Тамаякікар талихічевли,
Пасихікар махличилсі...
Гәяжаибси замана
Леб нуша хөрдируси.**

Шаяирлис цәкъли деңгагиб давлачебси ва эркінси пачалихъ камтани хъямбірни, дунъяла халқынан ургаб хұрматагарбарни, хъямчиби, мезду-куни, хәярамзадаби, хәялагарти баҳъбаъни, такъсирчиби азадли къунзбікіни.

Илис бикъри саби 1972 ибил дуслизиб белкіунси «Цацабеңітас» бикіуси назму. Ил «Гәхіял» бикіуси жузлизиб саби. ил дахъал къалмакъарличил дураибсири. Итхіели илгъуна назму белкіес урекилари, амма Гәзим-Бег урехи, гәбзадешличи чәмбіруси, чичилра-чизилра хъархіерагар гәбза сайри. Ил назму 7 тахтализибад қалабикили саби. чумал тахта гъаладирхұулра:

**Унрубачира шадир
Машинтачир дашанты,
Вамсурси гъункъя гъунчив
Ватурли ардашанты.**

**Даршна урхіліс дурибты
Дугъби даршна дуранты,**

**Гүлму хөделчіхъалли
Гәялимти детаурти.**

**Буркъаси чехілгъанты,
Сагаси исхіейсанты,
Биха или сайсанты,
Ха или бихахъанты.**

**Гъяштала гъалар ахъти,
Ахътала гъалар Гъяшти,
Ута бухъесгу или
Руржули хъяндиранти.**

**Коммунизм хъелушули,
Хүшаб къялгъина лушанти,
Уркъбазив ахъи Ленин
Кисализив виханти.**

Машгъурси, пагъмучевси поэт Маяковскийли «Гъуцличил перо цугбуцес дигулра» или белкъунсири.

Алагълис малайкван, поэзиялис марси даргала пагъмучевси поэт Гъазим-Бегра Маяковскийла гъайлис марсили увухъун. Сунела пасихъти жузазиб Бяхъяндовли хъямчиби урхъла къияничиб хъербиэс диганти, чебкад хъербикъанти, ялавкарти, хъярамзадаби дакъу-гъаргли пужбирули сай, илдачи гъимиличил хъерикъули сай, илдачи Маяковскийли къайда, бугаси гъуц бяхъчишили сай, сунес ureхи бирниличи хъерхъеили, къукъу-рэмкълизи виркни балукъира:

**Чебяхъиси – чебяхъбарес,
Убяхъиси – убяхъбарес,
Ил саби дила чебла,
Ил саби дила къибла.**

*** * ***
**Асил гъубзинала ургар
Мез думжахъу уряхъти.
Душманбиру цалис ца
Унруби булан гъяхъти.**

*** * ***
**Лев нуша – ургав угъраш
Нясти питнала уста.
Хъялалли хъериахъес
Шан я дурашан хъелта.**

**Ца шайчибад жуликунар
Ца шайчибад жалладунар,
Ца шайчибад шилтахъчибар
Ца шайчибад ламартчибар.**

Хъякъикъат саби лебсиван чебиахъуси гъарли-марси поэт сайри, ил хъялалсили калун вебкъайчи. Заманаala тимхъличил къячла-къяш чъумали кацъили вашуси поэт сайри Гъазим-Бег.

Гъазим-Беглис неш-дудешра, дурхъядешра, сай акъубси юртра, махъира, шира, шантира, мер-мусара дебали цъакъли дигахъи.

Поэти илди дардличил, бисаличил гъандуршули сай, хасданра урцабиуси юртра, бебкъибти неш-дудешра.

Гъазим-Бегли сунела лерилра гъямру Микъхъила шантас, даргантас, дубурлантас багъишладариб, илдала разидеш, гъалмагъдеш, бархъдеш, хъялалдеш, яхъ-намус, децъ-анцъкъи, шишимти-дардани, рухълашалси давла гъар шайчирад, сари лерси тяхъярли чедаахъиб:

**Вари хъедцун ахъенра
Учъуси ну, ахъерси,
Даргазиб ши агара
Ну гъяшикли ахъенси.**

Амма, бегъла гъергъиси гъигъличи бикайчи ил вамсхъемсурли микъхъис далайикъи, шилис дезнаиркъи. Ил вебкъиб шила шанти баҳъ дигули, илдачи ваҳъ хъясратли, ваҳъ карцъли.

Гъязизлира вахъ нура
Ишцад гъялам ахъерси...
Гъямру ахъерлихъалли,
Хъейгулихъалли вебкъес
Шантас хъяжатбикалли,
Гъямалагара хъебкъес.

* * *

Дила агри биаб хъед
Бегъла халаси агри!
Мабакъаб хъечи, Микъхи,
Ну хъумартеси агри.

* * *

Дахъхъиван чехъеасли
Дила шантала хъябри,
Хъянудули мурхъдикъар
Хъяран уркъила хъянби.

* * *

Гъар хъу гъанбикъибхъели,
Гъигъ ташбилзан уркъила.

Хъу агнаб гъанхъерцуси
Убкъалри, ну убкъира.

* * *

Хъейраси ну гъанкъикъес
Шанти агнав, ши агнав...
Гъар хъу гъанбикъибхъели,
Гъигъ ташбилзан уркъила.

* * *

Игит шимала ургаб
Дила бегъла игит ши,
Игит уршбала ургаб
Бегъл игит хъела уршби.

Хъела хъябрала дайла
Гечайчи вебкъили
Къайиркуси ахъенра
Микъхъент гъанни лукъули.

Гъе, Гъазим-Беглис Гъязиз жанван дигахъи сунела шанти, дарганти, дубурланти.

Ватъла тема поэтла уркъила дайлаб саби. Илис Ватълан уркъилизи кабихъесцад дигули сай. Илис Ватълан неш-дудешван Гъязизли саби. Илис дахъал назмурти, далуйти, дезни хъябкути делкъун. Ватълан уркъилабли вебкъес хъядурси сай поэт:

Сенкъун наб дила Ватълан
Гъизиси саб цахънабли...
Усалас хъябла ухънав
Ил уркъила бухънабли!..

Ватъайчи сегъунти дигил поэтла?! Ватъайс нешлис урши къайда улгули сай.

Дила чедибдеш, дигай,
Дард дила, пахру дила.
Дила жан, дила далай,
Зубартар Ватълан дила!

* * *

Хъед дезаикъус, Ватълан,
Вебкъайчи нешла мезли,
Гъебшни къарла къапъиван
Беръайчи къаклаб лезми.

* * *

**КъяртІа бухІна турван
Дила уркІилабри, хІу
Мажарлизиб хІярхІяван
ХІу дила хІулбазибри.**

* * *

**Амма ВатІан, адамдеш
ДихІеная мяхІкамли,
ХІейрутину гІур асес
Сари гъачам дицалли.**

Авторли сегъунти мез жагадирути гІягІниахълуми пайдаладирилил ВатІан чебяхІбарес, дурхъабарес, гІязизбарес, ахъдешличи абацІахъес!

Гъазим-Бегли уркІи хІялалти, хІял умути, халати ва мурхъти яхІ-сабурла, сегъунти-дигара къиян-жапа, балагъ-къадар, мусибат, гІязабти дяхІиути, улка давлачеббириути, ва эркинбирити хъубзурас, сай хъубзарла дурхІя сайлин, хъубзарла бузерила тІем-тІягІям дагъурси дубурлан сайлин, дахъал назмурти, далуйти, дезни, поэмаби делкІун.

Хъубзури ва илдала бузери чебяхІбурили, Гъазим-Беглицад произведениеби делкІунси поэт, мажахІят, леввиэс.

Хъубзара гъар мурталра ва гъар чинавалра дурхъасили, чевяхІсили, духу-сили, дигичевсили, сахаваатсили, сакІубсили, урехиагарсили, къацІ-шинван бузери дигусили, ВатІан давлачеббарес, халкъла яшав эркинбарес къайгъи-чевсили, ВатІайчи, халкъличи, балагъ-зугІяла, мусибат лагдизурхІели жан дедес хІядурсили чайахъули сай. ЦархІилтас гІибратли гъаладирхъули сай. гъар чинавалра ва мурталра махикІули, насихІятуни, гІякълума, гІеббурта угъули, гъар мерличив бажардикибишли – гІяхІличира вайличира музайл-хъусили чайахъули сай.

Илала уркІила дайлабси пикри ца саби:
Халкъла, ВатІа усурби ризкъили дицІахъни:

**Урши вики хъубзарли
Някъ буцили сунечил,
Дураз бихи хъубзарли
Мурталра хъуцІарличиб.**

* * *

**Хъябхъя карки, хъубзара
Хъуличила щумикІи,
Дургъби думжи... хъубзара
Хъуличила щумикІи.**

* * *

**Бемжурси дергъла дайлаб
КъукъмусхІебикибири,
Хъатгъуна хъула гъалаб
Къукъмуцбикиб чуйнара.**

* * *

**Дудешуни – букІуни!
Дудешуни – хъубзури!**

**Бяхъяни дяхІяурти
ДяхІхІеэсти убзали!**

* * *

**Хъу дерхъили дакІалли,
СяхІбатуна диранти.
Дег дергили ибгибмад,
Къагъдайчи дулхъантни.**

* * *

**Гъаман гъели делгІули
Хъат някъби гъардикибити,
Ургуба къунзбарили,
ЛутІи къяшми дурдибити.**

**АЗИР ХЪУБЗАРА ХЪУЧИБ
БАЛБИКИЛИ ГЪАЙБИКІАР...
ХЪУБЗУРИВАН УЛКНИРА
ДАЛДИКИЛИ ГЪАЙДИКІАР.**

Севан духуси, мурхьси мягІнал ишди тугъала! Гъазим-Бег викІуливан, хъбузуриван гъайдикІалли, хердиралли улкнира, дунъяличиб даршудешра бирап, дургъби детарнила урехи хІебирарап, дургъбас миллигІядруни харжди-рес чехІевкъар.

**Дунъяла дяхI дарсдирул,
Дила чевяxIси хъубзар,
ХIела дургIела дублаб
Гъар дус абулкаб къяbzар.**

**Закир ракетабира
Урхъначир гамурбира,
МиъдиргIур хапли дураз
Ташбизалли хъубзарла.**

БяхІяндовли хъубзарла гІямру чедетаахъили далули сай, илис багъишлабариби произведенияла гъарил тугъ ванадешли, дурхъадешли лямцІбикІули саби, тугъни зайдикІули сари, хъубзарла питат образ гъалабирхъули сай «Марзали хъат белкунси, гъели сури белкунти», «КъирбитІлизиб гъаб халал, гъабличиб гІянжи гІявал».

Поэтли хъубзара мургъи-арцличивра дурхъасили ва чевяxIсили чейули сай. УркIи гъяраили, илала дайла кайхъессад дигули сай.

Хъубзара дунъя тамаша-хІайранбирахъуси гъунарти сархуси зяхІматчи-ван чейахъули сай «Дунъяла дяхI дарсдирул, дила чевяxIси хъубзар», «Дунъя сунна къацІличи, даим хъарси хъубзара».

Гъазим-Беглис дигули сай дунъя къацІли балхуси, гІялам халкъли хъя «Хъубзарличира» или бирули, гъунчив къаршиикихIели хъубзарлис къапI-ни черисули.

ПОЭТ ВА ДИГАЙ

Гъазим-Бегла творчестволизиб лебгIеб халаси мер буцили саби дигай-личила делкIунти далуйтани, дезнани, назмуртани. Дигайличила белкIунси бутІа гъарилрара-серা назмулизиб леб.

Гъазим-Бег БяхІяндовлацад дигайлис багъишладариби назмурти, да-луйти, дезни лерси поэт, Батирай хIисабхIералли, даргала поэтунала ургав, мажахІят лев виэс.

Гъямулики карцIси, дигайли кепварибси, карцIайли гІяшикъварибси, дигайла къадри-мягІна – хІял мурхъли далуси, илди чІямдарибси поэтлис дигайли сесад гъанкI бемцАхъур биалра, бекI мурхъти пикрумази гІелаби-кили, шинкъала урхамван жургъбухъахъун биалра, къаркъайс паргъатдеш хIебедиб биалра, дигайлисデザикIес, дигайлис икрамикIес бекIлил умсули ахIен.

Умскъалли чина умсуси, илди черяxIдарес, дурхъадарес, уктемдарес, уркIи-уркIилавад, къапIара чебасили, къукъмуцра икили, икрамикIули сай. Гъазим-Бегла поэзияла лирический игитла дигай – марты, хІялалти, бутІа-тугти, умути, дурхъати, жагати, азадти, мурхъти хІяланала, марты уркIбала сари.

**ХIу чериули лерай
ГушхIейрус, миллигхIейрус,
Гъайла иргъули лерай,
УхънахIейус, хІянхIейрус.**

Дигайли адам я гуширахъули ахIен, я милигирахъули ахIен, я ухънави-ахъули ахIен, я хIянирахъули ахIен.

* * *

Ухес умули илцад
ХIейри урми дубрити,
Ил хIела хIулбазирад
ХIедиалри дарибти.

Зубрала зубартазир
Дила нурла зубари,
ХъянцI урхъула шинбазир
Дила мургъила бялихъ.

“Даргала поэтунала ва писательтала сияхI чебицIахъиб шягIирла гIевду-хълизиб тамай валкайкиби, назмуртас убзаличир дебш дарес сунечицуn хости устадеш лерси Гъазим-Бегли»,

*Сулайбан Рабаданов,
Дагъиста халкъла поэт.*

«ЧевяхIси поэт, халаси пагъмула поэт БяхIяндовла поэзияла зубари биши ахIен. Ил чеалкIуси наслулис шалабикIар».

*Амирбек КъадибяхIямаев,
поэт, писатель, гIялим.*

«Гъазим-Бег тикрархIейруси поэт сай, нешла мезла дев луцIнила халал уста сай Кавказлисра дайм Тилбайла халал гъигъли кавлан», –

*Ильяс ХIясанов, даргала
пагъмучевси писатель.*

«Даргала литературализи Гъазим-Бег умутчевли саркъибси тIамаличиш ухIанаикиб ва бекIсигъуна мер буциб», «Сунела халаси тIамаличиш бучIуси шарабла урунж Миллатла пахрули ветаур»

Амир Гъази, даргала пагъмучевси поэт.

ОПРОВЕРЖЕНИЕ

Уважаемые читатели!

В третьем номере нашего журнала (май-июнь 2015) был опубликован материал не прошедший через редакционную коллегию. Работник журнала «Гъалмагъдеш» Тавсултан Саидов исполнявший обязанности редактора даргинского выпуска по причине болезни Хабиба Курбанова, разместил в номере статью под названием «ХIехардешлис дарман лебара?» содержащую заведомо клеветнические сведения в адрес работников газеты «Замана».

В статье опубликованы недостоверные сведения, порочащие честь и достоинство известных и уважаемых журналистов Дагестана.

Приносим свои извинения семье недавно ушедшего из жизни члена Союза писателей России, заслуженного работника культуры РД Газимагомеда Юсупова, а также главному редактору республиканской газеты «Замана» Арсену Юсупову, работникам республиканской газеты «Замана» и в частности Патимат Курбановой и Магомеду Рабаданову.

Подобные публикации являются недопустимыми для любого издания. Тавсултану Саидову объявлен выговор в связи с произошедшим.

Редколлегия

Пoэзия



Айдимир
КАЙМАРАЗОВ

САГАСИ НАЗМУРТИ

ХЪУМАРТУРЛИ САЙ...

Гъалаб архIяли бashi
Багълати умхIачибра,
Унцала уркрачибра,
Юргъала урчачибра.

Биусири замана
Мурад барес гъарилла,
Биусири баҳълис пай
УркIбазирти дигила.

ИшбархIи гъундурачир
ДягIван сари машинти,
Ласли сар гъаваличир
Дахъал айрипаланти.

Амма агу замана –
Гъарил сай къанирули,
Ца бархIили верхIцIали
Мурад дарес дигули.

Мурадунира чула
Сари хIялалдеш камти,
Пачалихъ ва адамти
БиргIябиргнилис хасти.

Юх! Агара замана
УркIила гъаргдеш бурес,
Хъумартурли сай инсай
Сай акIубсил се барес.

ДИЛА КIЯЛГЯ

Агара наб авара
МиъяргIибси чиллала,
Чилла бумжахъути ца
Лерну хIела хIулбала.

Седариша аргъили
Далуйти наб булбулла,
Булбулти шипIидиргIяхъул
ЛебхIели тIама хIела.

Себариша наб анкъи
Азир лигIимат духIнаси,

Дила даймси лигIимат
ЛерхIели хIу – шаласи.

Себариша наб урунж
ПарчбикIуси шурмазиб,
Наб урунж ретаурли
ЛерхIели уркIилизир.

ХIу бара пишряхъядли,
Наб шаладиркули сар.
ХIу бара гъимрукIадли,
Наб бархIиихъули саб.

Иш дунъяла къакъличир
Кел мер сари наб лерти:
Ца – хIу лерси – шаласи,
Ца хIу агарси – цIябси.

ХIу агнаб уркIи бирарап
ХъянцI беcIван авбикIули,
ХIу лернар вавни алкIан
Варъали тIемдикIули.

ХIу агарти мер-муса
Сари уркIилис бялгIя,
ХIу сарри ну хIериул
Дила гIямрула кIялгIя.

Ургубалаб зурхIябван
Лерри хIу биркIантазир,
Щудхъурла варачанван,
КIух ретаурли набзир.

КРИЗИС

Кризис бакIили саб
Гъанна нушачи авна,
Булъули уркIбала гъав
Чумилра миллионна.

ХIябилра мешуси леб
Кризис гриппличи,

«ПемчбикIули» саби ил
Улкала мискинтачи.

Ил даршна бакIаллира
ХIякимтас се авара,
Дикахъили чузирну
Тахра, арца, давлара.

ХIЕРЛИ КАЙЬНИ

ВиштихIели улгира
Хъярхъли шаладикахъес,
Савли зилантачил барх
Гъаргалаб хIяз bemжахъес.

ЖагъхIели дуцIикIира
Аблизив гъалав вакIес,
Мурталра гъуцIикIира
Къябала чеди ацIес.

Даршна чевяхIухъунра
Щурла Къинжишурличи,

Житаван ну айцIира
Ахътерекла хъарличи.

БархIехъ хIерликайрира
Нешла хинкIи делхъайчи,
Гур гъаргала калхъира
ХIерикIес зупартачи.

Гъаман хIерликайрира
ХIуни къапу абхъайчи,
Цуб арца къянарличил
ГинзиряхI гъайриайчи.

НЕШЛИЧИВ

Гъалавван гъаввакIира
Шилизи ну нешличи,
Раргира гъаргалар ил
Паргъатагар къунзличир:

«ГIяхIси гIяхIялваналра
Шилизи сен хIешулри,
Неш лерна гъавхIейкIули,
ХIу чинавяхI вашулри?

ХIябилра лехIли лерра
ДурхIинала ганзла аргъес,
ХIулбала шала лебай
Илдачи хIерванрилзес...»

Нешла илди дугъбани
Зерзерварра мерсливан,
Нешла гъалав кайзурра
Ну декIси такъсирчиван.

Дахъал къиян-жапали
Держиб нешла жагадеш,
Къисматла декІси махли
Хъярхъли дакІахъиб хІяндеш.

Нуша диштІали лерай
ДакІиб иличи цундеш,
БегІла гІягІниси бархІи
Иха арякъун дудеш.

Дардлира шишимтара
РерІили ил рацІахъиб.
Дугурбазир картІути
Нургъбани ил рерІахъиб.

Жагъдешла хІеблизибал
Биши талихІла ури,
Байрумти ва далуйти
ЧехІедаиб илини.

Нешличи чедуркъубти
ЦархІилтас чемадуркъаб,
Иличибадван хъярхъли
Игъбар шалгІебмабухъаб.

ДурхІнала тІама саби
Гъанна нешлис дигуси,

ДурхІнала девцун саби
Гъанна нешлис дурхъаси.

Нешла анкъи-къушлизи
ГъардикІеная дурхІни,
Рухъна нешлис бегІ декІти
Сарину цунти бурхІни.

Седируги нешанаас
Унза-улкъай сукъурти,
ДурхІни гъабхІебикІалли
Щябдешлизир кавлути?

Нешани разибарес
Къандиадалли дурхІни,
Щакъли пашмандиубти
Ляркъян хІушачи бурхІни.

ДурхІна гъимрукІахъибси
Нешла дард халал бираар,
Гъайэс дугъби хІедирап
Рисес биса хІедирап.

Берцахъая нешани
Алжан илдазиб сабну,
ХІуша гъанни бацІили
Илди белгъули сабну.

САГЪХИЕБИРУСИ ИЗАЛА

Сегъуна биаллира
ВатІан ил вегІла саби,
Илис марли хІерирни
Гъарилла чебла саби.

Амма дила ВатІайзіб
Хъулкни имцІабикІули,
Сабурагарбиубли
ҮркІи саб щумбикІули.

Бахъ-бахъал леб хІякимти
Бикъурли дямбизурти,
Даим тухрашиб калес
Дергълизи кабизурли.

Лер хъуми аваданти,
Лер вацІурби зумати,
Лер даршани законти,
Лер ярагъ, леб бургъанти.

Дунъяличир агара
Нушалацад мягІдунти,
Агара нушалацад
Аваданти майдунти.

Сепайды, лерил секІал
Изули сар ца изай,
Гіямру эркинхІедирап
ВатІан изули лебай.

Арилизиб саб Ватлан
Халахарти хъулкнала,
Улкала лебил лебдеш
Хъулбауб саб илдала.

Гъар гъямзила баили
Щакъбикюли саб рушбат,
ДецI агара рушбатчис
Душадра азир лягнат.

Бахъал саб халахарти
Гъявали гъайбикюти,
Шайтюнти «хъердиахъес»
Зурба къялгюни делшунти.

Бири гъалабла хъулкни
Маза, къял, унц дилгюти,

Ца гъяргюя бигъяллира,
Буцили бухинайтуи.

Леб ишбархюла хъулкни
Законти чяртдирути,
Даршал унц асес хазна
Ца бархюли билгюти.

Хъисхъала душилизиб
Тентлан саби хъялалти,
Щумлизиб хъербиубли
Шалал дунъя балтути.

Давлачертги диалра
Россияла ванзурби,
Сепайда, гъаргли сари
Хъулкнаас Ватла унзурби.

ХАСМУШЛА БЕБКИА

Хасмуш, деркюри гъяму,
Рушбатуни сайсули,
Чини се лебхул хъерли,
Дугурбазив хъевсули.

Зулмуличил сархибити
Арц уркали вебкюри,
Такъсиртала декюси мах
Хъечил барх арбухири.

Бакюб ху хъятивхъес
Хасмушуни хъугъунти,
Бухълухъуниван урхюла
Хюли саби белкъунти.

Хюела бекюдешла удиб
Сабри илди «бузути»,
Илди танбихюлизибад
Хюнири балтахъути.

Гъянна ташлири илди
Муръаличиб урухли,
Туснакъла духинакаэс
Хапли аркура или.

Азир гъязабберюли,
Бучили давла халал,
Вебкюри, аммаки ху
Чини валтарив хъялал?

ДАЛАЙЧИ, БЕЛЧИЕН ДАЛАЙ...

Далайчи, зайдикюхъен
Урхагарты далуйти,
Дуческаа гъайбатли
Ши-алавти дубурти.

Дура дугъби умути,
Байрахълизи делкюести,
Ишбархюла жагътала
Уркюби хъяйрандиэсти.

Белчиен далай мардешлис,
Арадешлис, гъяхюдешлис,
Чузир къясдеш агарти
Уркюбала шаладешлис.

Далайчи, белчиен далай
Бархъдеш чебяхюбарили,
Къяшмауб сабну ил
Ишбархюли чяртбарили.

БелчIен, гъарил ламартчи
Жагъаннабли варгесли,
КИбяхIянтала уркIби
Далайли даргаэсли.

Далай а, къайдикесли
Къукъу-лямцI бургъантала,
Кунби пякъсадикесли
Хъямлизиб белкъунтала.

МабучIад хIуни далай
Арцлис тухри асибтас,
Ахълабадли ГIяшлабтас
БуйрухъбикIути умхIас.

Гуштас, гаргтас, ятимтас,
Жагъаннаб абиқъуртас,
МабучIад хIуни далай
БебкIайчи тах сархибтас.

Вари, мабучIад далай
Уктемтас, къяркътас, гъаргътас,
Итира камти ГIямру
Чуни цIудардирутас.

Ахъли арцахъен далай
Дигай мяхIакмидирутас,
КарцIайла марси лами
Анкъилаб ухахъутас.

АДАМТАЧИЛА

Адамти ГIямрулизиб
Ванзала галгуби саб,
Илдазибад цабехIти
МицIирли берубли саб.

Галгубас жан лугути
Шин, ГIянжи цадехI сари,
Галгубани лугути
Цедеш ранг-рангла сари.

Сунела вяшатIайзив
ДекIарулхъули гъарил,
Иш дунъяла адамти
Цагъунти ахIен лебил.

Леб нушачиб адамти
Варъала дармангъунти,
Гъаман-гъаман адамти
Чучи хIяжатбиркути.

Леб нушачиб адамти
Щакъси изалагъунти,
Лерилра ГIямрулизиб
Кавлуси балагъгъунти.

Щали chir руржути шин
Ща детаэс хIедирар,
ЧаяхIдиубли чуни цIа
Кункли бишахъес дирап.

Сецаду, кIибяхIянти
Вавназир занзбигъунти,
Шинни цIаван гъамадли
Чуни диги дилшути.

Сецаду, бугътанчиби
Душмандеш адилкъути,
Тяп хIелхъала къйрукъван
Лезмуни дузахъути.

Агъ, хIябилра бахъал леб
Дунъя, ахир дультути,
Назикти хъуцIрумачиб
Къаркъубала маҳгъунти.

Халкълис ГIяхIдеш бирути,
Чусра ГIяхIдеш дигути,
Илди саби адамти
ГIяламлизиб ГIягIинти.

ГЯЛИМТАЧИЛА

Леб Гялимти нушала
Гилму шинван балути,
Ил бархъли балниличи
Умутличил бирхути.

Илди саби Гялимти
Гямрулизиб Гягнити,
Нушаб Бархила нурван
Гъарил бархил ухути.

Леб гъатира Гялимти
Чуни Гилму балути,
Амма пайда хехули
Лехкахъили буути.

Гялимлизиб илгъуна
Гяхиси хебирар лехдеш,
Заяли аркъяхъуси
Чуни Гилмула Гяхдеш.

Леб Гялимти нушала
Гилму балхебалути,
Амма Гилму хебални
Чуни балхебалути.

Леб Гялимти тяйдили
Батес саби Гягнити,
Балулра Гилму или,
Чус дугли гъанбиркути.

Гялимдешлизи хамдеш
Леб чули дархашибти,
Чули дирхедирудти
Урхличи хъардирудти.

Чеббалкунти саб илди –
Чула игъбар бахъ камти,
Чучи саби тамаша
Биубли гъайбикүти.

Леб Гялимти ишбархил
Бацбуркъла дугигъунти,
Доллартачил, тухрачил
Гялимти бетаурти.

СунтИбаресалра чузиб
Гилмула тлем агарти,
«Профессортира» или
Халкъла гъалаб бикүти.

АДАМ САЙ ГЪАЗАЛИЗИВ

Адам сегъуна саял
Вагъес ху хулухъадли,
Пикрилизи камайсид
Илис дурути урхли.

Цархилти адамтас ил
Сейкүлил ху лехизи,
Сай сегъунал иргъахъу
Илала гъайли хези.

Адам ил талхияна сай
Ухнавадли вицлибси,

Бараван вамкъахъадли,
Духнарты дурайуси.

Паргъатли уусира
Хелтули Гямрулизив,
Мякълабти убяхибрес
Адам сай гъазализив.

Илисгу дигили ца
Гъанна ламхебикүси,
Узис Гяхи биубхели,
Узи Гясинкүси.

АЛКІУЛИ САЙГУ АДАМ...

Алкіули сайгу адам
Ахіекіубли калеси,
Сай валуси гъар инсан
«Адам ахіен» викіеси.

Кібяхіяндеш, вершадеш
Арц гъанни вяшдируси,
Гъямултира макрура
Хилизир ласдікіуси.

Илини мез дуцідиру
Тахличив ахъсиличи,
Усалси биаллира,
Гъяваси саб ил хіянчи.

Хіякимли асибхіели
«Хаммер» яра «Бробус»,

Илинра исули сай
Сунес биштіал автобус.

Сенкіун лампа ушканис
Камбируси ахіен «хъимс»,
Илгъунас бикіули саб
«Бухари бугуси имс».

Гъяштас гъяхідеш биалли,
Иличи хіял чебашар,
«Лампа бушкес» бикалли,
Халкъ-ургав хамли вашар.

«Лампа» ушкниван ахіи,
Ил хіешкни гъяхіси саби,
Рахли вайтіа бушкалли
Илра бялчуси саби.

УРКІБИ ДИСУЛИ САРИ

Бетіили саб адамтас
Баркъагар рушбатчиби,
Гъай уктемти «тупчиби»,
Зулмукар гъарачиби.

Хіябилра анцібуқыи леб
Бугътанчиби, къалчиби,
Гъар гъямзилаб сакіубти
Дяхіагарти дергъчиби.

Нушачир ахъти тухри
Арцліс исули сари,
Иман чузиб лебтала
Уркіби дисули сари.

Хіяжатли саби рушбат
Ишбархілизив акіес,
Учіес ва хъайчикайэс
Сагъиэс, хіятта – вебкіес...

Леб нушазиб ихтияр
Багъа агарли дүзес,
Дахъал арц лерсилиса
Къиянни саби усес.

Лерил дурхъадикіули,
Гъямру дурғіедикіули,
Дунъя саб гъятіяркүули
Гъямулти ціакъдикіули.

Азир къарцинбарили,
Лушули сари кіялгіни,
Тах, арц ургадикили
Дахъдикіули сар бялгіни.

Хіилизіб ва нургъбазиб
Адамти «куртібикіули»,
Къияма сар нушачи
Челис-че гъамдикіули.

МАРЗЛА УРШИ АКІУБТАС

Ветааб марзла урши
Шанті шалабареси,
Уркіларти дигили
Гъялам ванабареси.

Умматла Идбаглаван,
Хіял-табигіят умуси,
Батирай икіуливан,
«Даршлизи ца ухъеси».

Камалул Баширлаван
Жагадеш пархдикIуси,
Гъямарла Батирайван
Пагъмули парчикIуси.

Кларахъян Шамиллаван,
Гъабзадеш лямцIикIуси,
Салила Сулайбанван
Чархлизив къуватчевси.

Поэт Гъямар Хайямван,
Девлизив пасихIкарси,
Хурхъазиб дугIла унцван
Зантси ва ара-сагъси.

Исламла нурла шала
БиркIантазиб ухуси,
Хиялалсицун букули,
Умусицун удуси.

Сабур барес балуси,
Уктемдеш хIедалуси,
УркIецили, дигили
Адамтас чархъикIуси.

Урши сагъли айкъахъес
БегIтира сагъли калаб,
ДурхIни абилкъул анкъи
Алжанничи шурбухъаб!

Амин!

«КЪАКЪ» ЛЕББИАЛЛИ ДАГЪРИ СЕДИРУТИ?

Занзиятла мурулла
Хиянчи саби юристла,
Хъубеш дудеш биалли
Прокурор сай шагъарла.

Хъубеш неш судья сари
Жинжирагъван сакIубси,
«Ха» или бихахъуси,
«Биха» или сайсуси.

Хъубешнешла узира
Полковник сай урибси,
Рушбатунала «чайник»
Сунесцун руржахъуси.

Лев мурулла узира,
Судла пристав сай илра,
Мурулла лер рузира,
Адвокат сай илра.

Мурулла къариган лев –
Думализив депутат,
Халати хIякимтачил
Букуси тухъси дуббат.

Занзиятла багъуди
Хиябал классла саби,
Ил кIантIил уталичир
Жавабла хIяким сари.

Дипломтала бегIти саб
Арилиуб илала,
Дазу, кабиз агара
Занзиятла хамдешла.

ИшбархIи баҳъбаили
Саби «Занзиятуни»,
Я багъуди, я гъунар
Агарти «игитуни».

БЕЛКИЕС ДИГУЛРА НАЗМУ

Кайсулра нуни къалам
Пикри леб ца шаласи,
БелкIес дигулра назму
БерхIила нур гъудурси.

Назму саб ца хIечила
УркIилизив алкIуси,

АкIубли гIергъи набзиб
ПархбикIули кавлуси.

Ну игул лами саби
Алки хIела хIулбазиб,
Бурямлизиб урхъуван
Бургъули михъирлизиб.

Дунъяла ва ахирла
Дарданани бицИбси,
ҮркИи ряхИятбируси
ХIела хIер саб калунси.

БирцIули саби нурли
Чинар риадра ил мер,
ХIябилра къалабали
Аркъули гIямрура лер.

МИЦИРСИ БОМБА

Кахти хIедургар, марли
ШайтIунти шурмазирти,
Даршиали кахти сари
ХIела уркIилизири.

Урехила дирутив
ВацIала жаниварти?
ХIябра урехила лер
ХIела хIяланазирти.

Агъу цIакъси саб, бикIар
ЧичIума дурайуси,

Цакъси леб хIела загъру
Гъар бурул девлизибси.

ЛямцIис гIергъи къукъуван
Мезлизир кIухрикIуси,
ХIу мицIирси бомбари
Тротилли рицIиси.

Датурли жаниварти
Пукъназир хIердирути,
ГIягIнили сар гIяндакIес –
ХIела уркIилизири.

ИЛДИ КЬУРГБИ БИЙНИ

Илдани хIукуматла
ДигIунти керисулри,
Улкала халкъ хIербарес
Даршал дусалра дии.

Нушала Дагъистанра
Леб тамашала хIяйчиб,
Яшав барес адамти
Ласли саб даршал шайчиб.

Бузес хIянчи агарти
Кисмазиб дягI бургъути,
Мекъ биаб, муръа биаб,
Цумлизиб саб хIялалти.

Бузути мискинтас леб
Шел азирла алапа,
ИлискIун асес хIейрар
Ца мадарлара шляпа.

Берк-бержла багънира лер
Челис-че ахъдикIули,
Гъар мерлаб хъулкнира леб
Гъар бархIи баҳъбикIули.

Халати алапаби,
Дихути рушбатуни,
Къумуртазир – гъархIели
ВерхI-рангла дуббатуни.

ХIярхIуби ахIелтIути
Къуватчerti машинти,
Ярагъли бегIбиубти
ДяхIягартi охранти...

Гъар секIал лер ишбархIи
БилгIути хIякимтала,
Илди тухрашиб лебли
ДяхI датхIелхъан нушала.

„Проза“



Хадижат
ХИЯБИБОВА

ГЪАИБИЛ ДАРШДУСЛА ГЫГЬ

(хъараҳъуд)

Диркъаличибад чарбухъунти Къайыпбеглисра Залбеглисра Патух дяхI-шалали гъуниваиб.

Залбегли гъаннаван гIяхIси замана чехIебаиб сунела уркIиличибси аргъахъес.

– ХIушала рурсиличила хъарбаэс гъалавра дигули левсиригу, амма цархIилти гъай ургадашули калунра.

– Султанатличилав, гъари? Ил 15 дусцун сари риубси, – Патухли бурси бусягъят аргъиб.

– Балулра, ил дусмачи ахIераъни. Дилара гъанна мекъ барес пикри агара. ГIисабегра 18 дусцун сай виубси. ХIушанира балули, ХIяштархайзив учIули сай. Тухтур ветаахъес, гIурра белчIуди дaimбараахъес дигулра.

– БелчIуди дaimбарни гIяхIси саби. УчIес нушала ГIябдуллатIиплисра дигули сай. KaxIедурхути хIянчили мугълат лугули ахIен.

Къайыплис Патухли белчIудиличила гъай барни гIяхIебизур, амма селра xIеиб.

Залбег гIурра дамииуб: – Дунъя гъаман барсикIули саби, ца тяхIярли селра кавлуси ахIен. БелчIуди сегъуна-дигара дунъяличи балбиркур. Багъудила вегI мурталра ахъли вирап. ГIямрулизиб нуни багъуди гъалаб чебиис. Дила бегIити, неш-дудешла узби гIярабла делчIунти сабри. Къадни биалра, чула дурхIини урус мезла школализиб бучIахъули саби.

Къайып лехIкахъилри. Патухли лехIдеш буун:

– XIу уршила уркIиличиил гъайикIултив яра xIела пикри сабив?

– Юх. Ну дила шайзивад гъайикIес, наб карируси ахIен ил.

Залбегли чула рурсилис гъайбарни Къайыплисра гIяхIебизур.

ИтхIели дубурла ва диркъала халкъ, абзурли Дагъиста халкъ саби-ургаб татар мезли гъайбикIултри. Татар мез дебали мештуи сари къумукъ мезличи. Дубурла халкъли илди мез гIяхIил дала. Залбегра илди мезли умули гъайикIултри. Илала дудешлира илди мез дали. Залбегли дудешлизи чуйнара-сера хъарбаисири Къайыпхъали чинад багъурти гIяхIли сабил. МяхIяммадлис уршилис жаваб бедес къияннири. Гъар ил суал бедалри, илис Къайыпбегла узи ГIябдуллатIип гъанирки. Ил кавшила дигIяндеш балуси чIянкIли МяхIям-

мад сайри. Дербентла мякълаб цубабачи къаршиси дявлизиб Хайдакъла, Муирила, Сирхъяла ва цархъилти шимазибад бахъал мурул адамти лебри. Гъярнули халаси сайли хъалли, Мяхъямадра илав къаршикибсири. Цаличи ца дяхъчили гъужумлизи аркъулри. Илхъели сунела гъалав вашуси гъабзали цубабачи ахъи, цархъил шайчи ласваняхъили, тупанг игъуб. Чичи игъуба ишини или, Мяхъямадра ласяхъиб. Гъараҳъиван вашуси ахъси къаркъа вегъ жагъил мурул кайкиб. Игъубсила гъалахъи, ил игъубси чи саял хъеръиб, ила-ла хъулбази хъулби дархъдизур. Игъубсини биалли, илди цашайчи ласдариб. Мяхъямадли уцили ил тымхъвариб ва дарган мезли иб:

– Чис игъубри хъуни? Илкъун нушала отрядла сай.

Игъубсини селра хъергъиб, гур Мяхъямадли татар мезли тикрарбариб.

– Хабарагарли бетаурсири, – жаваб бедиб илини, някъбазивад ватухъес дигули.

– Хабарагарли бетарапу, хъу нуни гъалавра чеири их адамличи лишанисули. Мяхъямад хъелусиличи, хъулбира алкахъи, чевхъун. Къалмақъар мурхъхъедикахъиб, Мяхъямадла цархъил шан чевакъили. Илини Мяхъямад уциб. Игъубси, някъбазивад ватухъи, вебшиб.

– Чехъейултив? Игъубли икъадам кавшиб.

– Белики хъебагъури урги, яра сунес се-биалра бариси урги. Уркухъан иличи шуряхъиб. Игъубси адам, гъяшси къаркъа, гамса дяхъла вегъ, Мяхъямадли гъяхъил хъисабвариб. Илала дурабад, къянъла мякълаб чинтъра лебри.

Келра уркухъан кайкибиличи гъамбиуб. Ил вяхъили левалри. Уркухъантани хъарбаиб, ил чи саял. Мажалислизовадси къумукълан сайри. Илис Гъябуллатип бикъулри. Гъергъила бархъи учала пургъумличив вакъили, Мяхъямадли Гъябуллатип Мажалислизи ваахъиб. Цубабачилси дявлизив вяхъиб, – викъулри Мяхъямад. Ил секъал Гъябуллатиплира марбариб.

– Нушани ил секъал хъумхъертехъе, – иб Салихъили, унцла мукукурачи гъая дебабибули.

Мяхъямад урузиуб:

– Наб хъушазибад селра гъягъили ахъен. Дила уркъили къабулхъебариб, къияндикиси адам вархъватес.

Мяхъямадлис илаб дуги беркъес чебикиб. Гъябуллатиплис бетаурси бархъли чизилра хъебуриб. Мяхъямад гурра баззадхъи Дербентла мякълав калун, амма ил гъяшси къаркъа вегъ, гамса, дигъяй игъубси гур къаршихъейкиб. Къакъгъавли кайзурли гъяшси къаркъа вегъ чеалри, бусягъят ил сай или, дяхълизи хъерилзи.

Гъябуллатип гъачамичив-гъачам усаликъулри. Тухтуртания илис гъяхъи-деш хъебариб. Ил хъули кавкила дураухъес виубли ахъенри. Бара ахъванирули калунси, бурушлав тамай диркъиуб. Гъябуллатип вебкъили или хабар ба-къили, Мяхъямад бялгъяличи вакъиб. Хъа гъалар урцул кадихъили кабиибити мурул адамтази алхъямра белчъи, яргали някъбира дурцес вехъихъиб. Хъери-къалли, илав игъубси мурул!

– Вяхъ! Марли ил сая или, сагадан хъеризур. Тяп ил сайри: гамса-гамса, назик-назикти чарх-бекъличилси, къянъла мякълаб чинтъра сайра. Цархъил-тала някъби дурхъелира, Мяхъямадла хъер иличиб сабри. Марлира, ил сай. Къайыплизи гъамиубли, баягъти ил кайиси чейахъули, хъарбаиб, чи саял:

– Нушала унра сай. Сен хъарбиулри?

— Ца иткъи. Чинав саял чеибсиван билзули, хъарикIусира, — иб МяхIяммадли.

— Нушачи вашухIели, чеили ургуд. ИкIди хъулразив хIериуси сай. Узи хIяриирхъухIелира леври. ИшбархIира нушачивад гъарахъхIейкиб, савличивад хъули вякъи ахIен. Дугира леври. Нушала бебкIала халаси хIурмат барив илини.

Илала хIяяагар бяхIлизибад се-биялра белчIес дигусин, МяхIяммад илала мякълав кайили, хIерикIулри. ГIай къурумсакъ! Буилигу цацабехI муйли. Сепайда ишди някъба ГIяндушес! — МяхIяммад гъачамичив гъачам гъимили вирцIулри.

«Улас, сен кавшибара? Се-биялра ламус-секIал лебрира ишдала ургаб? ХIебиалри кахIерши. Кавшиб. ГIур сен ишав кайбси? СенкIун гъанна ишдала хIила душман сай. Чула ургаб селра хIебиубсин кайили сай. «Дугира леври. Нушала бебкIала халаси хIурмат барив илини» — илдала ургаб ламус биялри, Къайып илкъаяда икIив, гъатIи?»

ХIябал бархIи МяхIяммад илала бялгIяличив калун. Ил адамра илавад ветхIехъиб. Дугелира Къайыплизи МяхIяммадли ил адамличила хъарбаиб:

— ХIела унруби ГIяхIти балан, хIечил децI буртIули кабииби?

— Вайти ахIен. Бурули бираргу, мякълавси унра гъамси сай, гъарахъси узиван ахIи, — Къайыпли селра иргъуси аги. МяхIяммадра къайгъилизив сайри селра хIергъахъес.

— ИкI баягъи нуни чеахъибси унра, къалмакъарчи ургар, чеэс илгъуна сай, — ГIурра ал авуухъун ГIяхIял.

— Сунела ГIямранизив жаниваралра тирхъбухъахъунси ахIен, — жаваб бедиб Къайыпбегли. — Сен викIуда?

— Нушала шан лев икIичи мешуси, дебали къалмакъарчи сай.

— Юх, юх, ХIямид урухкIуси сай. Сай ваталли, уар, — ГIевуциб Къайыпли унра.

— Ил хIела ГIямрула ургар.

— Сай. ХIямидличила илцад сен хъарикIусирив хIу, МяхIяммад? — хъарбаиб Къайыпбегли.

— Ца иткъи, ил чинав саял чеибсиван билзули саби, — буреси балули ахIенри МяхIяммадли.

— ХIямид вайси адам ахIен, — даймиуб Къайыпбег, — ГIягIнихIели, нушачи вашули, кумекикIули вирап. Нуша сунечира дашутира. Дебали даршуси адам сай.

МяхIяммадлис гъатIира тамашабизур, ХIямидли ГIябдуллатIип кавшни. Сегъунти- биялра сувалти хъардиули, Къайыпбег ташмишъайзи викахъесра дигули ахIенри, дакIу-гъаргли бурили, илдала ургар душмандеш адикъесра вирули ахIенри. Ил гъабзала хIянчи ахIен. ХIямидли бариси убяхIдеш гъаргбаресван, дигIай батесра къияннири, сенкIун ГIябдуллатIип кавшесцад кабикибсира агарсири. Багъана агарси адам кавшиб. Белики, бурги се-биялра? Сен-сен хъарбиуси Къайыпбеглизи?

— ХIушала жинслизир чила-биялра душмандеш лертирив? — лехIдеш буун МяхIяммадли.

— Лерти ахIенри, нуни балули. Иличила дудешлизи хъарбиис. Сен хъарбиулри хIуни, МяхIяммад? ХIуни дигIянбируси лебсиван саби. Бура дяхIлизи. Набзибад селра дигIянмабирид. Дила узис хIуни бариси нушани дебкIайчи

хъумхIертехIе. XIу гIяхIгъабза уилри, – вехIихыиб Къайыпбег. – ИтхIели хIечил нушала цалра шан агив, гъатIи?

– ХIебалас, Къайыпбег, нуни хIушала шанти балули ахIенри. Къаршиби-кибыи биалри, кумекбири.

– ВяхI, узизи ил секIал хъарбаэра бекIлизи хIебакIиб, – Къайыпбегли бекI сурбариб, сунени сунечи гIайиб бирусибан.

Дудеш хъули ухIнауххъунхIели, Къайыпли хъарбаиб:

– Дудеш, нушала жинслизир душмандеш диубтив, гъатIи?

– АхIен. Сен хъарбиулри? – СалихI дурхIяличи тамашаиуб, ваххIи хIе-рикIескайиб.

– Ил хъарбиуси МяхIяммад сай. Нушала ГлябуллатIиплис кумекбарили, нушачи ваахъибси. Къайыпбегли, гъарахъливан кайиси МяхIяммад чеахъ-иб.

– ХIела пикри хIясибли, ГлябуллатIип душмандеш багъандан кавшибси сай. XIуни валули нушала душман левли сай, – мурхыикиб СалихI.

– Юх, юх, – уркIухъахъун МяхIяммад СалихIла гъайли. Нуни иткъи хъар-баибсири.

– Иткъи хIед нушала душмандешличила хъарбаэс гъанхIебирки. Бура нушази, чили кавшибал ГлябуллатIип? – къяркъли хъарбаиб диванчиливан СалихIли.

– Нуни гъалабра бурирагу, – вехIихыиб дяхIлизивад варсиубси МяхIяммад, – цубабачил биубси дергълизиб илис тупанглизибад игъуб. Нуни ил каркули чеира. Ламус атхIебаиб ил ватес.

– XIуни илис игъубси чехIеирив?

– Душманти бахъал лебри. Чили чис иргъулил багъес гъамадли ахIенри. Юлдашуни гъалабяхI дуцIбухъун. Душмантас бяхъ чегахъиб. Иличила сай ГлябуллатIиплира, вакIиммад, бурисиригу. XIушани хъумартуррав? Бета-урси илини бархъли буриб. XIуша ташмишдикIесил селра агара, – викIулри МяхIяммад. Амма багъеслири серил дигIянбира.

– Нунира хIушази имцIаси бурес хIейрус, – гъай тамандарес бигулри МяхIяммадлис.

– Наб хIуни нушазибад се-биалра дигIянбирусибан билзули саби, – иб гIурра СалихIли.

– ДигIянбируси селра агара. Душмандешличила нуни иткъи хъарбаибсири. Селра вайси гъанмабиркахъидая. ГлябуллатIиплис къадин гъалмагъунани чеббицIиб. Лебилра къирбариб. XIушала душман мицIирли хIергар, сенкIун вебшахъес чилра хIетур, – сунени дурибти далдикниличи къабуллири МяхIям-мад. Гъанна ишдала ташмишдешра суалтира кадурхар или.

– Дудеш, ГлябуллатIиплира бурибу нушази цубабачил дяхI-дяхIли де-рълизи кадухъунхIели, хIярхIя чегиб или, – гъанналис халати гъайбикIухIели, ца гъаялра хIеибси Къайыпли гъандикахъиб ГлябуллатIипли дурибти.

– Буриб ГлябуллатIиплира, амма дила уркIилис гIядабли саби. Нушала душман левсибан билзули саби, – СалихI чIумали кайзурлири

МяхIяммад СалихIла гъайли дяхIлизивад варсирахъулри, ГлябуллатIиплис игъубси сай сайхIеливан. МяхIяммадла гъайличи СалихI гIурра вирххIеур. Сунела Глямрулизиб къяна хIебурибси гъабза сайри МяхIяммад, амма бурес чебикиб. БегI гъалаб бурибси къяна балбикахъесра къияннири. Душмандеш

Ташаэс бурибси къяна марличиб дурхъали биэс гІягІнили саби. Мар буралли, къалмакъар дехІдирхъур гІурра душмандеш.

— Вирхесра хІерхесра хІела къуллукъ саби. ГІур нуни селра имцІабарес хІейрус.

КайхъунхІелира МяхІяммад пикрикІулри. Суалти дахъдарасли, набра суалти дахъдиур. Ца гІяхІдеш ит секІал цархІилтани хІебагъни. Сунечил варх левси уркухъай ил секІайчи халаси-декІар пикри бяхІчихІеиб. ИтхІелил МяхІяммадлизи викІулри: «ХІу хатІаикилри, цІубабани игъубси хІярхІя сабри чегибси» МяхІяммад иличил жалхІевхъун, амма цІубабала хІярхІя шайзи чегес хІебири – ца, кІишибилра, илини гъалавра ил адамлис лишанасили хІясибварилри. Игъублира чеилри. Сегъуналра ташмишдеш аги. ХъарбаибхІелира, «цІубабачи иргъусири, хабарагарли бетхІеур. Наб ил якъинни саби. Амма лацла бяхІгъуна жагъил мурул сен кавшибисил МяхІяммадли балули ахІенри.

Къайыпбек гъайикІухІели, чулара унрубалара ургаб селра вайси лебсиван ахІенри.

«Сунела гІямрулизив жаниварра тирхъбухъахъунси ахІен», – вайли валулри хІуни, Къайыпбек хІела унра. Ил вагъахъесра хайрихІебирар, ишдала ургар халати къалмакъар детарап. Тахличи кайхъунси МяхІяммад чуйналра ласухъун. Усаэс хІейрули, вахххІи калун. Ахирра усаун ва савлила дехІибала далли къандариб. ГІяхІял сай чеваргъайчи, хъа бегІтани адхІейзахъур. Ил бархІи уркІиличиб арзес къиянси гІяндличил МяхІяммад хъули чарухъун. Дусра хІебикили, МяхІяммадлис неш ПатІиматла муръаличи вакІес къадарбиуб. ПатІиматли уршила бебкІа чекасес хІериуб. Дебали децІрикІули, ребкІиб.

МяхІяммадли илдала унра ХІямид ил балгІяличивра ламусуна виркули чеиб. ИлхІелира ташмишра валли викІескайиб. Белики, ишини хІерги ит кавшибиси? Юх, ишини сайри. Иш хІейрару? Илала цІивдизурти хІулби, диштІати дяхІ, къянкъла мякълабси чинтІ... хатІа ахІен, ил сайри.

МяхІяммад илдачи чумал дус хІекІиб. МяхІяммадла урши Залбег аркъулявкъухІели, Къайыпхъайчи хъуравири. ГІяхІли бетаур. ХІятта маза далли дарх хІердирескабииб. МяхІяммадхъалира ГІяхІси яшавличил хІербирути адамти сабри. МяхІяммад сайра вачарлизи ахъибсири. Залбеглира ил хІянчи даймбариб. Илдана ГІяхІцад хъумира мазала-масра асили. КІибехІалра ГІяхІлала тухумти балли гъалмагъбикилри. Залбег дудешлизи, Къайыпхъали чинаб ва севан багъуртил хъарикІулри, амма МяхІяммадли жаваб бедибси ахІенри. Залбегла Къайыпличилра ихтилат бетаур:

— Дудешлизи чуйналра хъарбаибсири, хІушала гІяхІялдеш сен-сен дехІиҳибыти или хъарбаибхІели, ил ца мерличи хІеркайкІули, лехІкайхъур. Гъанна буру, гІур буру или, ну хІерли катурли валтара.

— ХІела дудеш гІяхІгъабза адам сай. ЦІубабачилси дергълизив дила узи вяжъибхІели, хІела дудешли ил чи саялра валули ахІенри, амма ил верцахъес халаси къайгъи дакІубариб, тяп вегІла гъамси адамливан.

— Тамаша ахІену гъатІи, дудешли гъачамалра иличила набзи бурибси ахІен, — Залбегли хъуцІруми гъунчІвандариб, лехІкахъиб, вяжІ суал бетаахъурли, хъарбаиб:

— Нуни иличила багъасри, се вайси лебри?

— ХІела дудешлис сунечила гапикІес хІейгули валан. Амма ГІяхІгъабза сай хІела дудеш, — пахруличил гапухъун Къайыпбек.

— Белики дудешла цархIилтира дургар илдигъунти секIал. Даҳъал хабурти дуру ХIяштархайзи аркъу-лявкъухIели къаршибикибтачила, детауртачила. Гамиличивра вашули кали уили сай ил. Дудешла баҳъал балути, тянишуни, гIяхIли лебти саби гъар мерличиб. Амма хIела узичила хабар бурибси ахIен илини.

КИбехIелра гIяхIли къаршибикалри, чула уркIбачиртачила дирути-далутачила, чуну кIилинилра балутачила гъайбикIули баҳъхIи кавли.

Амма гъачам хъулиб МяхIяммадли барибси гъанбикили, Къайыпбег суайчи шурулхъан.

МяхIяммад архIяливад чарулхъули. Мамедкъалализибад я уркура я пургъум хIебиркули, хъурали ватихъиб. Мажалислизи ваибхIели, цIябдаиб. Чула-ургар ташмишдешла суалтачил гъай дехIихъила, МяхIяммад Къайыпхъайчи ацIес урухкIулри, раҳли гъайбикIухIели, ГIябуллатIипла хIекълизиб бархъси гъай дурабиркур или. УруzkIулри илдази къунби дуресра. ЛагдяхI даралли, супел бялсули, катхIел даралли, муцIур бялсули, баресил балули ахIенри. МяхIяммадлис дебали дигулри, сен ХIядидли ГIябуллатIип кавшибисирил багъес.

Адамла адамличи гъими, гIясидеш? Ил биэсцад ишдала ургаб биубси агара.

Адамла адамличи къясдеш? Къясдешли адам кавшахъесван гъирвирув гъатIи? Аргъес вирули ахIенри МяхIяммадли.

Къайыпхъайчи укъес чебиркули саби. Юх, гIур нуни селра хъархIебиис, я селра хIебурис. Илдигъунти пикрумачил МяхIяммад Къайыпхъайчи ухIенауҳун.

БархIехъла замана сабри. Къайипхъайчиб унра-хунра, узи-урши цахIинабикилри.

— ГIяхIайчи хIерлирав? — тIамадариб МяхIяммадли, хъули ацIайчи.

— Агъ, хIябилра хIерлира, ваши, ваши, Къайыпбег, айзурли МяхIяммадлис гъуниваиб, някъ буцили мякъла кайахъиб.

БакIибти чайли бужулри. ХIерикIалли, сунечи вяхIчили кайили, чайли ужули, баягъи, ит ХIядид.

МяхIяммадла чархлизиб гъимила ружери гIаякабиуб, хIулби гIасили лямцIдуҳун, гIур гъандуцес хIейуб. ХIядидличи гъамиуб. Михъири буцили, ахъуцибисван, айзахъур.

— ХIуни набчи хIеръа, нажас, ну валарав хIуни? Гъари, гъанбикахъа! Ил-хIели Къайыпра ахъиуб.

— ХIу кайи, юлдаш, иш нуни чинав саял чеибси сай. Ил секIал гъанбикахъес дигулра, — тIамара малхIямбариб МяхIяммадли, амма ХIядидлизи гIурра къяркъли тикракрбариб:

— Ну валусирав хIуни?! ХIези сайра хъарикIуси!?

— Гъаниркули ахIенри, — бара дурабикиб ХIядидла.

— ДербентлизиркIун нуша ца отрядлизир лерри. ХIечи ну гъамиубра, тяп гъаннаван. Гъанбикахъа.

ХIядидли бекI сур-сурбариб.

— Нуни хIу валуси ахIенри, — иб ва ватухъесухъун.

— Валуси ахIенрав? — тIамара дурабикиб, иличил барх МяхIяммадли витIакIили вяхIлизи бяҳъиб. — Гъанбиркахъис хIед нуни, хIясиз! Каркусичи ванцIра ухъун. ИлхIели чумал мурӯ адам кункли ахъбиуб. ЦабехIтани

МяхІяммад уциб, кіел илдала урга тІашбизур. ХІямид ахъиахъес кумек-барибири ахъиб. Уцибазивад МяхІяммад тымхъухъи ватухъун ва ханжал абитІун:

ВехІихъира, гъанна таманра варес гІягІнили сай иш нажас.

Чула шилизи вакІили дубурлай, илгъуна бариб или гІасивибу, яра ХІямид-ла гъамси сайрив, МяхІяммадличи ца чІяпІухъун. БяхІяхъес илди хІебатур.

– Иш дила узизи уйгІуси гІяхІял сай, гъари, тІашаая къалмакъар.

Къайыпли се батаурал гІурра чуйнара хъарбаиб, амма МяхІяммадла ца жаваб сабри:

– Бурахъая сунези, гъабза виалли, буру. Ил гъабза чина вируси, гъабза кайибси мерличи кайахъесилра ахІен, нажас.

Гъарилла бекІлизи ил анцІбукъ минабиуб. Белики илдазивад чилра усаэрса хІейбули ургар, иличила пикриикІули. БегІлара цІакъли пикрилизи викибси ХІямид сайри. – Буресара МяхІяммадли? Эгер буралли, Къайыпли ну шалади-кайчира мицІирли хІелтара. Ил усаэс ахІенну, ухъала кайхъесра хІейуб. Вацала тІама бетаалра, урехили уркІи тяхІбикІули, шаладикайчи калун. МяхІяммадла гъими гъарахъбиркули ахІенри. Къайыпличивад гъарахъли уалри. Сунени бариси убяхІси баркъудиличила хІебалули или, илдала хъулив вашули, чайлира ужули, илдачил ихтилатикІули кайрули сай хІяжар!

– Се барес вирусив ХІямидли МяхІяммадлис, илкъяйда чевхъеси? – пикриикІулри Къайыпра.

– ХІушала ургар гъими-секІал биалли, ил чинав-биалра къаршииркур, амма дила хъулир къалмакъар далхІедиркур, – уркІи-уркІилабад хІейгибизур Къайыплис.

– Ишав ахІи, ил наб къаршихІеркур къалли. Ишабван ил кавшесцад шайтлан хІебумжар дила, – иб гъими кахІебурхули, гъачамлис хІунтІениубли левалси МяхІяммадли, ханжал къартІайзи кабуркІули.

Гергъила бархІи гІяхІцад замана ХІямид хъуливад удураухъес хІейрули калун. МяхІяммадличил вяхІес кайзурси мурул ХІямидличи ухІнаухъун, ва МяхІяммадла сен илгъуна гъими бетаурсил бурахъес хъар-хъарикІескайиб.

– Нуни валусира ахІен ил. Чичил-биалра гъудурварилра. Се-биалра нуша-ургаб леб биалли, сен сунени хІебуриба, гъатІи?

– Селра лебси ахІен, – мариуб ХІямид. – Нуни ил валусира ахІен.

Илкъяйда викІули хъалли, илала уркІиличи шин чертІисиван бизур, МяхІяммадли хІебурни багъурхІели.

Къайыпра Залбегра гІурра къаршибикихІели, Къайыпли ибсири:

– Сабурагарвиуб хІела дудеш. Чули бурни хІясибли, илини ХІямид чичил саял вархахъили уили сай.

Дудешли гъачам чеибси адам хъумуртуси ахІен ибхІели, секъяйда дудеш гІасивибал гъанбикили, Залбегли селра хІеиб, ва Къайып гІевурцули вехІихъиб:

– Илгъуна бирузи саби, амма наб тамашабилзули саби, иличи мешусили се барес гІягІисил дудешлис, ил кавшесван чевхъес?

– Нуни хІебалас. Набзи иличила бурибси ахІен. Белики хІези бурес. ЦІакъли децІагесил секІал бетаур итхІели илди-ургаб, – бекІ сур-сурбариб Къайыпли.

Уршилара дудешлара ургар гІурра илдачила гъай детаур. МяхІяммадли Залбеглизи бетаурси бурибал хІебурибал Къайыпбегли хІебагъур, сенкІун За-

лбегра г҃ягІниси мерличиб лезмелис буйрухъ лугес балуси сайри. МяхІяммад вебкІибхІели ил анцІбуку бебкІибсиван биуб. Чинилра иличила гъанхІебушид. Ил анцІбуку биубла, цугли веңІну верхІра дус ардякъун.

Сунела дудешлара Къайыпбелглара ургарти г҃яхІялдеш гъанна тухумдеш-личи детикахъили, гъатІира гъамбиъни г҃яхІил чебиулри Залбегли.

Гергъила бархІи г҃яхІси гъавличил Залбег хъули чарухъун. ТашхІейзурли бусягІят кІелра урши хъаражълизи батаиб. Хъаражълизи күмекчиби бакІибмад, ГлябдуллатІипли шилизи гъайбариб. Хъули ваибхІели, камси багълара барии, дуравхъун. Карим къаршиикиб.

– XIу чумал бархІи мактаблизив агарсиригу? – Каримли гъай дехІидихъиб.

– Се-биялра сагаси багъахъуру? – бусягІят хъарбаиб ГлябдуллатІипли.

– ЛукІахъес мугІяллимли ціуба кІаприра къаламтира дутІиб. XIедра гиб.

– Иминни касибара? Иминничи аркъяс.

– Ташизи, Мариятли касибсиван билзули саби, гъари, итизи хъарбаа.

Илра ватурли, ГлябдуллатІип Мариятличи дуңІухъун. Мариятли касилри. Дедибити заданиебира делкІири. Дағъес г҃ягІнитира дуриб. Марият ГлябдуллатІипличила хІекъли къайгъилизи рикилри. Уруслы школализи баштухи хІябал рурсицун сабри лебти. За ГляхІамдкентла шилизирадси Хадижат сари, итил Санчирадси Къистаман. Илди башни шантас г҃яхІбилзули ахІенри.

Гергъила бархІи ГлябдуллатІип лебтачиваалра гъалав айзур. Палтар де-кІардариб. Бухари къапІа хІядурбариб. КъацІли букес кабиибхІели ахІи, ил агниличила шакхІебикиб.

– ГлябдуллатІип! Гъари чинава ил? Укес сен хІякъули, диргІяхъули не-ргъра? Ва ГлябдуллатІип, ваши къацІли укес, диур хІуни дарибти, – рикІули, неш дурапухъун.

– Илцад жявли сен ветахъибсирив? – дудеш пурхурухъун.

– Сунела гъалмагъуначи-секІал ухІнаухъи ургар.

– Дебали валкъаурли леври, сагати палтарра чегъурли. Гъайбарилиги, г҃яхІ сягІят биаб, –ира нуни. – БусягІят лявкъяс или, арякъун, – буриб Султанатли.

– Аркъуси мер буруси хІебирару? – г҃урра пурхурухъун дудеш.

ГлябдуллатІип арякъунси мерличи неш ташмишрикІули ахІенри. Мактаблизи, цархІилтазивад декІарухъи, къугъали валкъаурли. ГлябдуллатІип чеибити хІябалра рурсили иличи пикри бяхІчиаиб. Марият биалли иличи тамай гъашкириулири. ГлябдуллатІипли рурсбачи-декІар пикри бяхІичиХеиб, амма сай чеахъес ита-иша вашулри. Тимирха иличи дебали гъимидахъун.

– XIу г҃илму делчіес вакІибсигъуна ахІенригу, мекъличивси вигнабачи мешулири.

Илди цаличил за чіяпІбухъун. Мякълавси Каримли ташаиб:

– Эй, се бетаурлив?! XIукІун ГлябдуллатІипличив хІябал дус халасири. Щахли ахІену хІед? – чіяпІвшуси Темирхан Каримли урцуулри.

Иминра Темирхан гъала кайзур:

– Набра вакІибмад г҃яхІхІейзургу ил, амма къалмакъар селис г҃ягІнитив?

– XIушаб г҃яхІизес ну рурси сайрав? XIушачил сегъунтилра гъай леру дила? Яра хІушачила се-биялра викІулрав?

ИлхІели зянкъдяхъиб. Каримра ГлябдуллатІипра за парталичи кабиилри.

МугІяллим тамашавиахъубли, хъулиб багъахъес хъарбарибси ГъябдуллатІипли ца хІярплизибалра хатла хъебарили буриб.

– Молодец, – гапвариб учительлы. – Ишизивад учитель ветарар.

Учительлис илала күц-кабиз, валкъаъни биалли гІяхІбизур. Дурсри та-мандиубхІелира, Темирха гъими кабурхули ахІенри. ГъатІира гъимичеввиуб, учительли ГъябдуллатІипла у ихъули, алзахъули, гапирухІели.

Карим биалли, сай тухум сайхІели сайдив, ахІи, барх бирухІели сайдив, ГъябдуллатІипличивад гъараҳъиркули ахІенри.

Темирхайс гъүйчирира къалмакъар дарес дигули ахъиб.

– Эй, кеңІа, хІед гъанбиркулив хІуни ибси гъай хъумартурли сай или?!

Ваши хІеркІла дубла, синкала сегъунти делхъ дирисал хІечир.

– Ваши, хІу набчив халаси сайли, хІезивад урухирап или гъанбикибу?
Ваши, чина-дигара, ваши, – гІела хиххІей уб ГъябдуллатІип.

– Темирхан, – гІурра ургавакІиб Карим, – ишис някъ ахъбуцадли, хІу Атани сегъуна күцличи уршурил, багъес ГъягІнилигу. Каримли ГъябдуллатІипла газа някъ буциб ва гъайвариб. – Ваши, хІу илала зилан ахІенри, иличил укъес!
Ватихъи!

Каримли Атачила бурибхІели, Темирха уркІи тирхъванбухъун, амма мя-кълав агархІели, гІурра гапла гъай дурес вехІихъиб:

– Ата ахІи, хІушани аттара кавкая ну урухварес. Халаси урехи илдазибад, – учительра сунела хъулив сайхІели виши, Темирха урехи бетахъилри.

– Ата вакІибхІели илди гъай хІеира майрид хІуни, – иб Каримли.

– Карим, хІед гъанбиркулив ну илизивад урухкІар или. Ваши чина-дигара, – ГъябдуллатІип ТемирхайчиюхІ ватихъиб, Каримли гІурра ил уциб. Мякълабад аркъути муйлани къалмакъарлизи ахъибти жагылти чебаили, маймайбариб, ва, вегІ-вегІла хъулрази букъяйчи, саби гІелабад батбихъиб. Баяхъхъес хІебатурли тутубарии. —

ГъябдуллатІипра Каримра ца шайчиюхІ аркъутири. Имин цархІил шай-чивяхІ ласиуб. Сай илдала ургав левли хъалли, Имин гъайлизи гъудурхІейуб, чилалра шайчи кахІеизур, я хІябяхъяхъес музахІевхъун.

Иминни Атала хІункІала хІял багъурсири. Сунелара гъими лебли хъалли, Темирха шайчи кайзесра хІейуб.

Хъули саимад, палтарра дарсдарили, ГъябдуллатІип, уркура бибули, архиб. Неш иличи гъамриуб:

– ИшбархІи дуббуцили хІейиши, дила урши?

– Сен рикІулри, неш? АхІенра.

– Савлира къацІли хІевки дуравхъунри, гъаннара уркурлизи архилри.

Гъасиуబдешлиши ГъябдуллатІипли къацІли укес хъумартурлири. Гъябду-латІипли уркура бархъбатур, хъули ухІавхъун.

– Неш, дехІибала дарилтив? – хъарбаиб илини, дехІибала хІедарнира уркІиличи бакІили.

– Къандиублиги. ХІу шилизив ахІентив? Акбар жявлил белчІунгу.

(Хъараҳъуд бирар)



Гябдула ВяхIидовлис - 75 дус



АРКЬЯНАЙЛА ЖУЗ

“ДУГИЛА АРХІЯ”

Нушала ургав левси виалри, ишиди бурхIназиб ил акIубхIейчирад 75 дус дикнила шадлихъ бирузири, сай къалли илдигъунти шадлихъуни дурадуркIни ункъли чебиутазивад хIейаллира. Краскали тIембикIули лебалси илала «Дугили архIя» бикIуси жуз някъбази кайсулра, хIулбала гъалав биалли дунъяличи мурталра тамашайрули хIерикIуси Гябдулла МяхIяммадович вагъарирули сай. ХIебикиб илис сунела аркъянайла жуз някъбази буцес, сунела бунагъхатIаличивад аллагъ чеверх, чедибад илкъяйда белгигарии бурги.

ЖумягIла духIнар гъачамалра нуша сай ГI. ВяхIидовла юртличибад гъарахъли ахIи мерлабиубси «Касатка» бикIуси кафелизир къаршидиркутири ва сагали дурадухъунти жузала черкад ихтилатдикIутири. Нушала литературализив ил имцIаливан критик сайливан кавлан, пергер писательра сайли хъалли. Гябдулла МяхIяммадовичи даргалацун ахIенну, дахъал миллатунар Дағъиста лебилра халкъанала литература ункъли бали. Илини кабатурси къиматличи къабулхIебиркутира дебали камли бири къаршибиркути, сенкIун ГI. ВяхIидов сунела пикри бурес гъалакбикIути критикунала лугIилизивад ахIенри. Сунела пикри бурес гъалар илини цархIилти критикунани дуриботи гъандуриши, илала гIергъицун бири илини сай вегIси пикри буруси.

Тамашали сабухъчевли узес вируси пагъмукар адам сайри Гябдулла МяхIяммадович. Даргала литературала чебкад илини белкIунси кIел томлизивад қалабикибси «Даршусмала хIябкъяйличиб» бикIуси халаси хIянчицун баисири илис литературализив илини бурцуси мер белгигарес багъандан. Ил биалли веңIани цархIилти миллатунала машгъурти автортала произведениебасра къимат бедес валкъаур.

Иши жузла черкадра ихтилатдикIули калунтири нуша «Касаткализир». Къасумбег Мигърабовлира жуз жагали балкъаахъес вирусигъуна хIянчи барили сай. Жузлизи кадерхахъурти произведениеи биалли сай Гябдулла МяхIяммадовичи чердикIибири. Жузлис бедибиси «Дугила архIя» бикIуси халали ахIенси хабарла у саби. Даҳъалгъунти произведениеи гъаларра де-кIар-декIарти жузазизир ва «Гъалмагъдеши» журнализир дурадухъунти сари, амма лер бегI гъалар кадирхъутира.

ГІ. Вяхидовли џархІилтала жусасра гъалагъай лукІули вири. Амма вегІла жузличила сай авторлиничиб ункъли чили бурес вирули. Ии жуз ГІ. ВяхІидовли «Авторла шайзібад» или гибти гъалагъайличил ибхъули сай. ХIера се буруллі илини сунела жузличила: «Ца яра кIел дусли, гумайла ихтилатуначицун лехІихъули, ца яра кIел адам чебаши, илдалацун хIял-тIабигІят дяркъури делкIунти ахIен иши жузлизирти повестуни ва хабурти. Илдас геройти чеббикIес багъандан дубуртазирти фермабазира, буқIунала къушаназира, диркъаличирти тIумIила унхъразира, аришила маргъаначира, шагъарлизирти культурала ва гIилмула учреждениебазира ваэс чебуркъуб. Цалра геройти пикриварибси ахIен. Хабуртазиб ва повестуназиб сипатбарибти геройти наб гIямрулизиб къаришибикиби, яра чучила дила тянишунани хабурти дурибти адамти саби. Амма цалра адам нуни валусиличи мешусира ахIен: я сунела уличил, я хIял-тIабигІятличил, я баркъ-бацличил. Хъулчидан барсбарили, повестьла яра хабарла художественный мурад сархнилис багаладиэсти шалубицун чедаахъили сипатбарибти саби лебилра геройти. Ил багъандан жузлизибти геройти чичил-биалра мешубурцини бархъси хIебирап.

AхIерси учIан, хIед гъанмабикаб нуни иши баян дугIли буруси саби или. Дила шанти-дейбукIанти бузери дигуты зяхIматчиби ва ихтилатра делхъ-далайра кыматладарес балути адамти саби. Гъанналис веңIал дусра-сера гъалаб ца хабар газетализи кабяхъибхIели, илданы ну гумайлизи живарра ва набзи сагадан хабар белчIахъун. Хабар белчIи гIергъи џали џа, џархІилли итил бурули, ил нушала шан хIякимличила биъни «кабизахъур». Сай хIякимра халкъли дурутачи вирхаурсири...

Газетализи ва альманахлизи қадяхъибхIели, бучIантани мучлахIедарибти диалри, ишиди хабурти ва повестуни жузлизи џаладяхъес ибси пикрира ахIелкIи».

Автор гIурра бучIантачи ишкъядара дугъайлзули сай: « Жуз дурабухъи гIергъира бучIантани чус гIяхIдиизурти ва гIяхIхIедизурти шалубачила бурили ва белкIи дигахъира». Жуз бучIантас гIяхIбизниличи چумали вирхулра, амма илала черкад дурутачил тянишиэс авторлис къалли гIур имканхIебикIур.

Аркъянайлали бетаурси жузлизивра ГІ. ВяхІидов бугаси пагъмуличил де-кIарулхъули сай. ИлкIун мухIили буруси хабарлара урибси устали вирусири.

«Дургъбала дурхIини» дикIулра нуша Амир Гъазисра, ХIябид Гляиевлисра, Гъазимбег БяхIяндовлисра. Илдала лугIилизивад ца сайри ГІ. ВяхІидовра. Ишдус лебилра илди 75 дус бирутари. Даргала литературализи халаси пай кабихъибти пагъмукар писательти ва поэтуни сабри илди. Илбагъандан илдала шалати сипатуни нушала уркIбазир даимлис кавлан.

**Тавсултан
СЯГИДОВ**



ХІЯБАЛ ХАБАР

САМЕРА

Шакир Муидович Глябидов областъла газетала редакторла заместитель-ла хІянчиличи катурхIейчирад хІябал бархIи дикилри. Амма илини гъачам ишра или буреси хІянчи барили ахIенри, ца номер дураэс дежурный виъни хIенси. Башу-арбашутани илис мугълат лугули ахIенри. Лебтанилра сай халаси хІянчиличи катниличи разидеш балахъулри. Шилизибад бакIибти адамтас гъаввашули, даг Сапарра вакIиб. Илала вяхIличиб разидеш сабри. «Белики, иш гъарли-марли наб ГІяхIдеш биубли дигуси адам ургар», – ибси пикри бакIиб, Сапар кабинетлизи вакIили, сагаси хІянчиличи катниличиил бархбасахъи разидеш буртIухIели.

Башу-арбашутазивад акъуухъунра, хІянчилизи ахъес замана саби или гъанбикилри ишбархIи Шакирлис. Ил савлиличивадал, бикIуливан, бекI бурхIубли, кагъуртази гIелайкилри. Ца-чумал кагъар делчIи бекIхIейубли левалли, унзализи къутIдяхъили, хъунул адам арацIиб. Самера! Шакир дергали дянгбатурси ургиван уталичивад харчизур. БакIибти кабирахъес кадихъиби утназибад ца сунела столличи чесабаахъили кабихъиб ва ракIибсилизи кари-ахъес лишанбариб.

– Карии, ракIили гІяхIси барилри, – гъаб-уб селра хIебиубсиван иб Шакирли.

– ХIу мубаракварес ракIилра. Гъардизаб хIела цархIилтира гІяхIти хъулани,
– Самера бекI къухIбуцили кариилри.

– Иш хІянчиличи кайэс дила хъул агарсири, Самера. Амма узес иша вакIини хIуни дила гІяхIси хъуллизи халбирули риадли, биаб ил дила гІаяхIси хъул. ЦархIилтира дила хъулани аргъаби хIуни.

– Иргъулра, Шакир. Дила ахмахдешли абдал гъай дурра хIези. Чевверхи, ну урхIла асарлиу рикили руилра. МяхIяммад Ибрагъимовичли – издательства изволя парторгли набзи аргъахъиб. Ну хIу мубаракваресцун ахIенра ракIибси. Сапар Карибовичлизибад мяхIкамдеш бара. Илини сегъуна-дигара баркъуди биру. ХIедцун ахIенну, набра. Ил багъандан загслизи дукъяхIели, гІаяхIисири.

Шакирлара Самералара мекъла бархIи гъамбикIулри. КIелра жагъил адам гъанна. КъумлукIи лагъниван, цабалгири. Иличила балули хъалли, Сапар лехIкахъилри. Сунес редакцияла заведующийла хІянчи бикибхIели, ил разисигъунари. Амма ил, дурзамлизи башуси бецI маза буцесван, хIерли-кайилри. УркIи берхIибси адамли сунела хатIаличиб бетаурси разиагардешра хъумхIерту. ХIейрулри Сапарли Шакирличибад уркIи чебберхахъес. Сеннира ил чеббицIес гъуцIилири. УркIи кабарцалли, адамтас дунъя гъарзабирар бикIлар. ХIясадкарлис мурталра дунъя къакъабилзан. Сунела мер буцибсиван гъанарап илис цархIил чи-биалра хІякимдешлизив гъалавяхI вишалли, илис разидеш къадарбирали. Разисила гІамру къутIкъударес, шаладеш цIябдеш-личи шурбухъахъес къайгъанавиркъусини Глябидов Шакирличила у агарси гІярза белкIири.

Издательствола директорличи райкомлизибад ил Гъярза бархъибхIейчирад кIел жумягIцадхIи ардякыри. Парторганизацияла секретарьлизи Гъярзали-зирти баянти ахтардидараахъесли ва бюроличиб Шакирла судал арзахъесли бариси. Парторганизацияла секретарьлы ахтардлуми дурадеркIиб. Сарира шакра хIерикахъили, Самерачил дакIу-гъартги ихтилатуну дариб. Гъярзачи бархъдешгIевли кайзурси ахIи, Шакирлис вайбаркына виркүси адам виль-ниличи парторганизацияла секретарь вирхауси Самерачилти ихтилатунала Гергъи сайри. Самерачил ихтилатикIухIели. МяхIяммад Ибрагимовичли Шакирличила белкIунси Гъярзаличил гъанбушиб. Рурсили тиладибарибхIели, ил хIебедес хIейуб. Гъярза белчIунхIели, рурси уркIрухъун. Илизи адреслис Нелабад белкIири:

«Чисалра тамашамабизаб нуша иш кагъарличил дугъадизни. Ца адам цархIилтасив ункъли чейули, коллективла бекIличи ил катурхIели, бузери лайкъеси даражаличиб хIебираар. Сен-сабил издательстволизиб Гъябидов Шакир Муидович цархIилтас агарти къулайдешуачил пайдалавирули сай. Амма ил редакцияла заведующий вареси адам ахIен. Аслу-мина халдирехIе. Илала дудеш дергъла замана ясирвикибиси. Тыллизиб калунти тухумлизирад ца хъулки сарлин цАхрашибиси. Хъучирад бугIими пяхIдарили, ризкы дигIи руцибиси Гъябидовла нешша рузикъар.

Издательстволизи редакцияла заведующий варили вархъесцад багъуди ва опыт агарси адам сай ил. Бара гъалабван институт таманбарибси илис илгъуна къуллукъ хIебирки, эгер ил рушбатчи хIейалри. Чили саял Гевурц-ниличи илала умут леб. Илкъяйда хIебиалри, хIянчиличив ил сунес дигантага хIеркъи. Сунес дигутигъунти автортала белкIани заманалис гъалар ва ярга баайчи дурайули сай.

ЦархIилти редакторатали пикри мучлабибули ахIен.

Адаблашал умуси адам ахIен Гъябидов. Издательствола корректорра хъ-ящаван риргIякариргили сай. Сунес хIейгуси редакторличил Гелавадиркули вирап. ЦархIиллис ГъяхIдеш биубли хIейгуси адам жавабла хIянчизарли виэс хIейрап.

Илизивад жавабла хIянчизар ветаэс хIейрни ашкарси саби, гъанна хIябал дус редакцияла заведующийла къуллукъуначив узули виалра. Тиладибуулра Гъябидов Шакир Муидович издательстволизивад тыйдиварни.

«Издательствола хIянчизарти»

— Тяп илгъуна бухIнабуцла кагъар набчира бакIиб, МяхIяммад Ибрагимо-вич. Лебхис нуни ил белкI. Дила уркIили Геббуурули саби: ца адамла пишни сари илди.

Самерачи бархъибси белкI ишгъунари: «Духуси рурси Самера! ХIечи вирхули дугъайлзулра. МехIур баркъуди бибурули хIуни Шакир бикIуси хIя-рамзадачил рапхралсули. ХIела тухумличира хIечира валикибси адам ахIен Шакир. Илини хIу риргIяриргулри ва цАхрируулри. Адаблашал нясси адам сай ил, жагали гъайикIули хъалли.

«ХIед гъяхIдеш диган».

— Мухча агарав, Самера?

— Мухча лайбакIира. Адресра машинкаличиб кабяхъилри.

— ХIуни нушала ихтилатличила чизилра мабурид. Ну ташмишикIуси адам лев. ЦархIилли мажахIят ишдигъунти кагъурти делкIиши.

МяхIяммад Ибрагимовичли, чизилра хIебагъахъурли, яргаличилси

партсобраниеличиб Шакир Муидовиччила Гъярза белчес ва колективла адабличила гъайэс пикрибариб.

Беклибиубси суал арзили таманбиубхели, собраниела председательли ил Геклес предложение гъалабихыиб.

– Тиладибиулра собрание Геклехахъес, – Мяхиммад Ибрагимовиччи кагъар касиб ва айзур. – нушала колективлизиб гъаб-уб хебиубси анцбуку бетарули саби.

Мяхиммад Ибрагимовиччи колективла шайзибад белкунси Гъярза бел-Чунхели, лебилра Самерачи Хербизур. Самера биалли, парторганизацияла секретарьличил бариси вягода хясибли, лехикахъилри.

– Нушала хянчизар цахрирули сари, нушани биалли селра балули ахенра,
– Мяхиммад Ибрагимовиччи гъай цархил шайчирад дехидыхыиб. – Асуби-
рару вайбаркъуна виркъуси адам чейули, иличила лехикахъес. Бархуси барилли
сай иш белкли авторли сунечил парх рузуси хянчизарла челябълаличила
къайгъи дакубарили. Илис нуша баркалла диклехери.

– Баркаллаличи лайикъли вара у хебелки Гъярза бурхуси адам, – Серкина ургарухъун. – Хиу чевверхи, Мяхиммад Ибрагимович. Хунул адамличила илкъайда лукъуси адам танбихличи лайикъси сай, баркаллаличи ахенну. Самера цаххарили сари или лайикъагарти гъай дурес чизибалра ихтияр лебси ахен. Хердизира сегъуна агиличи рушилрал хушани жагъил адам. Илкъайда уркитецли агартили диэс асухешибирар нушаб? Хушани се балулрая Самерала Гъямруличила, илала къасаначила? Ратирайа ил сунела мерличир.

– Ил хералтуси агара. Набра гъайухъаҳес ихтияр гая, – Сапар Карибовиц айзур. – Ил Гъярзализирти гъай Самерачила сарил, цархилличила сарил белгихебарили, Гъярзала мягина хергъили, сен гъайдикуттирая хуша? Илизир Самера ралтиули ахенну, ил цаххарибси Гъабидов сай жавабличи витлаклес Гъигинисиван чеахъибси.

– Шакир Муидович гъанна нушала парторганизациялизив ахен. Хейалра, иличила нуни ца-чумал гъай дурис, – Курбан Гъалиевиччи гъайибхели, Самерани бекл ахъбуциб, – Хиялалси, таманни хядуриубси хянчизар сайри ил. Нушани паҳру бареси анцбуку саби, издательствола редакцияла заведующий областъла газетала редакторла заместительли катни. Самера Шапиевна гъайдиклехелли, ил цаххаруси анцбукуличила нуни багъурси ахен. Иличила багъурли лехикахъни, нушала убяхидеш саби. Сари Самера Шапиевна лехикахънира нушаб тамашабилзули саби.

Самерани Гурра бекл Гъашбуциб. Иличи даим херикуси Сапар Карибовиччи гъайухъес сагадан ихтияр сасиб.

– Се риклеса Курбан Гъалиевич, жагъил хунул адам, Самерастъуна бетаурхели. Ил ишав гапиуси Гъабидовли риргъиргили сари. Танбихлаваресила мерлав, Курбан Гъалиевич, нушани ил гапиулра.

– Хиуни ахенси, Сапар Карибовиц, Гъабидов танбихлаварес Гъигинидеш сен чехешибусив? Мяхиммад Ибрагимович гъайиклусилис ургаухъун.

– Сенкун хедра, цархилласра набван децлагили ахен. Самера дила тухум сари.

– Хела тухум риалли, ил цаххарниличила дигъягъти гъай сен тинтдирида гъати хуни?

– Адамличив чевдукаругахъили ватес Гъигиниси бургар, хела хясибли ил къикъимай?

– ХIуни чинабад балуси Самерачив Шакир Муидович чевдукаругни?
– Сунени бурибхIели, Самеразибад багъурси саби, – Сапар хIунтIениубли Самерачи хIеризур.

– ХIуни селра хIебуриду, Самера Шапиевна? – собраниела председатель паргъатли карииси рурсиличи дугъайзур. Самера МяхIяммад Ибрагимовиличи хIеризур.

– Гъайрухъен, Самера Шапиевна. Бархъдеш гъаргбарес гIягIнили саби.

– Ну чилилра ригIяхIериргира. Шакир хIялалси ва хIая умуси адам сай. Шилизивси дила нешла узикъар Гъалибеков Замирличила статья белкIун-хIейчирад Сапар Карибовичли Шакирлис вайбаркъуни дирули сай. Илини бархъибси биэс гIягIниси саби набчира иш кагъар, – «ХIед гIягIдеш диган» ибси къулбасличил сунечи бакIибси кагъар бучIухIели, Самера Сапарличи хIеризур. Илала дяхI хIунтIендиублири, хIулби лямцIдикIулри, лезми кIунтIбази лямбикIулри. Столличи кадихъибити някъбачирти тIулби цадехIлизи цадехI дархилри. – ну цIахарниличила «Издательствола хIянчизарти» ибси къулбасличил бархъибси кагъарра иш набчи бархъибсира ца авторла дийни, пикруми цагъунти дийниличиблициун кабилзахъули ахIенрану, ца машинкаличир кадяхънира марбиулра. Баягъи ил машинкаличиб кабяхъили саби ца гъятIи белкI. «ЦIумдикIути дяхIцIурби» бикIуси повестьличила корректорское заключение саби ил. Ил белкIла автор гIячихъли сай хIушаб. Ил – Сапар Карибович Талибов сай.

– Къайрики, эмхIерухъ! – столлизи хункI бяхъили харчизур Сапар.

– КъалабамайкIуд Сапар Карибович, – парторганизацияла секретарь айзур. – Самера Шапиевнани дурибти дархъти сари. Ца машинкаличир кадяхъили сари ил рикIути хIябалра белкI. Специалистунани кабизахъур ил хIекъдеш…

Собраниела председательли иб:

– Нушала ишбархIила собраниела кIиибил суалра арзили бекIбиуб. ХIукмулизи ишкъяйда белкIесли бирехIе:

КПСС-ла МяхIячкъала шагъарла Ленинский райкомлизи Гъабидов Шакир Муидовиччила «Издательствола хIянчизарти» ибси къулбасличил бархъибси белкI ахтардибарили, издательствола партийная организацияла собраниели хIукму бибули саби:

Цаибил. Гъярзализир чедаахъибити баянзазибад цалра мархIебарниличила КПСС-ла райкомлизи багъахъес издательствола директорличи ва парторганизацияла секретарьличи хъарбарес.

Клиибил. ВецIал бархIила бухIнаб коммунист Талибовла персональное дело партбюроличиб хIербараҳъес хъарбарес. Издательствола директорлис художественная редакциялис гъуни чебиахъес адаблашал умуси, хIянчи балуси адам катахъес маслигIятбарес.

– Леву бурибисиличи къаршиси?

Чилилра дубхIехъиб.

– ИмцIабареси лебу?

– Дело бараҳъес документуни органтази дедаҳъесра хъарбараја, – Самерала юлдаш рурси лезги мезла корректор аризур.

– Ил Шакир Муидовичлара Самера Шапиевналара къуллукъ саби, – председательли собрание гIекIиб.

ДУГИЛА АРХІЯ

Үршира хъунулра кили, Глябид Курский вокзаллизи поезд батбихъес шел минут калунхъели сайри вакібси. Поездла урчемъиbil вагонна тяп билетлизиб чебаахъиби 14 ибил мерличи хъунулра уршира мерлабарибмад, поезд станциялизибад батбихъиб. Поездличивад Глябид кацили бекінубмад радиоличибад «Москва-Грозный» поезд минутла гіргьи батбирхъниличила багъахъур.

Амма гъалаксаурси жагъил адамли ил багъахъниличи пикри бяхічхеib, ва метролизияхі ватихъиб. Къалабаикили, хъунулра уршира цархіл поездличи кабатни илис уркіиличира хіебакіб.

«Москва-Мягічкъала» поездли шагъар ахъибхъели, проводницабани чус хасбарибси купелизи кахіедарцурти масани: бадираби дицібти гіянцбі ва гіядешла пачкаби – вагонна жаняхілизиб люклизи дебадариб. Илдазирад ца жаняхілизибти адамтачи, чули люклизи кадирхъути секіл чедаили хіейгули, рехіризур:

– Лебталалра билетуни диэс гіягінити сари! Билетунала дегіти хіушала купебази паргъатдирия.

Сарият кариибси купелизи аціли, жагъил адам алavarчи хіеризур. Лерилра мерани дуцили чедаили, иливад дуравхъун ва жаняхілизив ташизур.

– Хіуша диргаладулхъулрая! Бурибси иргъхіргъултив хіуни?! Хіела мерличи кайи! – Заралличиван черухъун баягъи ит проводница жагъил адамличи.

– Наб гъачам ишав ташизес дигулра, асубирайли.

– Асухіебирап. Биха гъари иша хіела билет.

Жагъил адамла някълизибад билет къябарили, проводница авъибил купелизи рухінархур.

– Чедаахъая билетуни!

Авалра архіяликъянани билетуни дурасиб ва малхіямли проводницази де-діб. Гіяхіцахі хіерикіл проводница билетуначи, селра буреси хіебалули. Ралликъяна хіякъули къакъарақібси кіибил проводница гъамриубхъели, цаибилли билетуни илизи дедиб. Кіибилли хіябал билет улкъайличи кади-хъиб, ва 14 ибил мерла билет декіарбариб.

Купела унза гъарглири. Хіябъибил ва авъибил купела ургар виштіаси дурхіялис коляскара кроватьра лерри. Илдачи пикри бяхічиали, кіибил проводница руціарриуб.

– Агъ, ишди вачрукъяби! Арагібели вагон биціахъилигү! Иш товарный поезд сабив? – далу-хіедалути урус мезличил черухъун кабиитачи.

– Се биубли, сен хіуни адамти балтіулри? – гъести гіямрула адамли гъайб.

– Хіези селра викіуси агара. Хіела мер буцили уэн, ухъна.

– Хіуни адамти балтімабалтіад, дила билет леб, иш хъунул адамлара билет леб. Сен-сабил бархибдеш бетаурли бургар кассализіб, – вачавархили гъайухъун 14 ибил мерличилли билетла вегі жагъил адам.

– Чи хъунул адам сари иш? Хіечил аркуси рургар. Далутира хіуша нуні, къабкъын дигайла устни. Чебиултив? – проводницаны Сариятла билет бара гъалав гъайикіуси адамлизи чебаахъиб: – Иш билет нушала поездличи ахіен. Се мурадли араціилив иш лямці-хіулбар нушала поездличи?

— Хіед цАхбизахъи! Нуни иш хъунул адам чераибси ахІен, я ралуси ахІен!

— ХIушагъунтани мучлаагарраресцад убяхІси барьуди барили ахІенра нуни. ХIу къабакъин дигайли хIериркъадри, наб илгъуна эс хIериради,

— Сариятли усуси урши бурусличивад ахъуциб, сумка касиб ва жаняхІлизи дурарухъун.

...Шурайла шантазиб вачар-чакар дирути бахъал хIебира.

Бахъалгъунти шурайлантани чула унра шан Пакъкъула Гяли бикIуси ургубала давлала бегI хъубзарли муртрил сунечи ГяхІладли вакIиси бутран MaxIяммадлизи дуриби гъай тикрардиру.

Пакъкъула Гяли сунела хIяйвенти хIердарес ва янилис дугени кадихъес шиличибад хъурали вашули кIел сягIятли ахъесицад гъунчиб мерлабиубси маҳилизив хIериулри. Бутран MaxIяммадли Гяли ваххIиличивад валусири ва, унраличбиси Хъярбуки аркъухIели, иличив тIашилзусири. ДуцIрумла бархIилизов сайри MaxIяммад Гяличи хъуравиубси. Милигиубси хъа вегIли дертур ниъла хъаба гъабуциб.

— КIущул хIелугулрив?

— Чебуцили держа. Илкъяйда держибти ниъ бизити дирап.

— Лерилра ниъ держес хIейрус. Биха ца вакъалра.

— Агара вакъра.

— Унраличбиси Хъярбука шилизибад хIела маҳи байхъала сягIятла гъуйчиб саби. ХIу биалли вакъ агара викIулри.

— Ну акIубхIейчивад Хъярбуки вякъунси ахІенра. Итаб дила гягIинидеш биубси ахІен. Дила гIела хъянтIа бялгIес вируси виасри, шантачира хIяжатхIеркаси.

Пакъкъула Гяли хIериубси ва акIубси ДейбукIла шилизиб ил даражаличи абикиби, шилизибад дурахIебухъи яшав барес бируги адамти камти бурги итхIели. Биалра гъариллис цархIилтазивад декIарухъес дигахъу. Илди дигили дурги Пакъкъула Гялила хамти гъай Шурайла шилизи тIинтIдиахъубтира.

Игъбарла вегI Пакъкъула Гяличила пикририкIулри виштIаси дурхIя дуклавси жагъил хъунул адам. Гялисан сунес Гямал биубси биалри, чиналра дурахIерухъи руэс сецад ГяхIил биишира?! Я проводницала уркъалаби хIедири, я цархIил адамла мер буцили сари рачахIеририхи...

Поезд дуцIлири. АрхIяликъянибиси бусес кабихъес хIядурбикIулри. ДяхI-някъ дирцили, купелизи чарулхъуси ургарти Гямрула шишала хIулбала вегI адамли жаняхIлизи карииси хъунул адамличи пикри бяхIчиаиб: ил симкърикIулри.

Шишала хIулбала вегI гъайикIухIели, баягъи 14 ибил номерличилси мерла вегI жагъил адамра купелишивад дуравхъун.

Жагъил адамра шишала хIулбала вегIра Сариятлизи купелизи арацIахъес маҳбикIулри. Сарият илдала гъай хIедикъухIеливан кариилри. Някъбазивси виштIасира, нешлис биубсличила балухIеливан, лехIкахъильри. ХIулбала хIерра дус виубси виштIасилағъуна ахІенрину, Гяйибагаркъи Гяйиблавирузи адамлагъуна сабри. «Сен гъанкIлизивад велхIехъунсира ну? Се бетарули ишаб? – суаликIусигъунари ил.

Жура-журала анцIбукуни кадиркур Гямрулизир. ДекIар-декIарли кыматладири илди адамтани. ХIера иш гъакIисра. Сариятличил биубси анцIбукура, цалра адамли цаван кыматлахIебариб. Проводницали Сарият балу-балули

поездла номер бархахъибсилизи халрабиб, ва ил танбихІларарес къасбариб. Сунелайчил билетла номер цаси жагыл адамли сунечибад хъунул ва урши чеббушес къалабаикибси Сариятла мурул ватIун. Шишала хIулбала вегІли хатIа чичиб сабил белгибарниличиб ил гъарбарни гIяxIсилизи халбариб.

– Урши инжитмайридину, хIера ит полкаличи каркъя. ХIунира бамсри-ахъя. Поездла бригадирличил нуну ихтилатбириц. Илини лерилра секIал гъунчидуршу. ХIу набчи ташмишмарикIуд. Ну хIушала унра шан сайра. ХIу багъанданцуун ахIенра ну гъайикIуси, халамарухудну, някъбазивси виштиаси ахIеравара. Ил вижгалли, инжитрируд хIура сайра.

Саниятили шишала хIулбала вегІла мер буциб: урши усахъес каркъиб, сари кариib.

Шишала хIулбала вегІ бригадир варгес или паровозличивхI ватихъиб. Гъарил вагоннизирси проводницази хъарбиули, ил цаибил вагоннизи ветаиб. Илаври бригадир варгибси.

Уршира сарира жаняхIлизизр баягъи ит хъунул адам чераили, шишала хIулбала вегІ тамашавиуб;

– Се бетаурли? Сен хIуша ишарра? Рукъен карихъен, хIела мер саби ит.

– Баркалла. Тулализи ретаибхIели, ну поездличирад карицIус.

– КахIерицIуд. Илгъуна цАхдеш чехIебуршид хIуни поездличиб аркъути лебилра адамтачи. Набчира. Сегъуна вирусира ну, эгер уршира сарира хъунул адам гIела гIебшнила дуги поездличирад карацIахъиili, ванаси купелизив арукъясли?

– ХIура командировкаличивхIели гIяxIси ургуд. ХIянчиличив виадри, хIунира хъунул адам гIайиблариради, гIерхIерурцадину. НукIун хатIарикилра. ХатIарикибси хъунул адамлис ишаб дигайли риркъан бикIули саби, – Сариятла хIулбазирад нургъби чIяxIдикIулри. Някъбазивси дурхIя гIяжаибубли нешличи хIерицIулри.

Адамла тIабигIят, иличибси хIял, илала барьудлуми цацахIели цацабехI-тани баяндарес къасхIебириу. Итмадан урхIла барьудлумас кымат кабалта, сабира шакхIебикили цашаликарси ва балкIиси. Сагадан коридорлизир Сарият чераили, проводници иб:

– Итис адамтани сунечи пикри бяхIчиали дигули сари.

Поездли сунела башни хIярхIбарили, ил Тула шагъарла вокзаллизи гъам-бирулри. Сариятили сунела биштиаси сумка алгътай някълизи касиб, дурхIя балуй някълизи авциб ва проводницази унза абхъахъес тиладибариб.

– Лайикъагарси биркъуди бибулри хIуни, дай дугели хIебалуси шагъарла вокзаллизи карицIули. Поездла бригадирли хIед мер чебаахъиб.

– Ну поездличир лерли иш проводница кахIерурцулри. Гъанна паргъатриаб. Ил чериули нунира яхIбарес хIерираси. ГIурхIели, дила поездличи ариус.

Чула пикрумачил шишала хIулбала вегІра, жагыл адамра, проводницира гIелаббатури, Сарият поездличирад карацIиб.

1983 д.

ГУЖЛИ БИЦИБСИ КЬЯЛ

Шила дублабси диркъбикличи учибикити халкъ ца-цали чула шимазибахI арбашескабииб. Бахъалгъунтани базарличир бархIи ахъайчи тIашли калунти, гашили гIяжиздариби хала хIайванти гъардуцлизи дуцили ва мазала мас кус-дирули дашахъулри. ЦархIилти урчачи мурдали, хясала гулум гIелаббатури,

хъурабала хIерани ардихули, къалабали шулумбулхъулри. Игъбарла сягIят сабаили хIебургар, ца камси замана гъатIи яхIири ибси пикри бекIлизиб лукъуси Камалра ца-чумал цархIил адамра сабри базарличиб лебалти.

«ВегI алх, дурхIнас гъунгелалра асес хIейубра. Иш баркабан хIейсни чис хабаррив! Бицес чIянкIаалра хибси виасри, дех ризкыла асес виаси», – пикрумазиври ил.

БерхIи хIерейчи гъамбиубхIели, Камал, гъаббуцили къялра, гъалаб ба-шахъули эмхIера, пашманни шилизи ватихъиб.

Гушдиубти мицIирағ, гъунила дублабси кIапIбарибси арзи-къарличи къя-бидикIули, багълакайублири. ВегIра, дацIти хунжачил, дех агарли, гъалаб би-куси эмхIечил базарличивад чарулхъули чеахъес хIейгули вииши, цIябдиайчи шилизи ухIнаухъес къалабахIейкIусигъунари.

Тупла къадалар къялра эмхIера шинни дужахъили ва хъунуй сунес каби-хъибси къацIизибад шинничил беркес ца кесек кабердили, Камал Гиниз-личивияхI ватихъибхIели, бархIиихъулри. ХIери глергъи баибхIели дубуртала бяхIличир ахъдиубти галгубала дяхIцили кIапIбируси ил диркъбикличир декIардиркути сари нушала ва алав шимази дашути гъундури. Илаб бамсри-ихъни – базарличи бякъунти нушала ва унра шантани жявхIейчибад бузахъуси Гядат саби.

БацIли букуси къацIла кесек таманбиубхIели, Камал Гинизла шинни ужес айзур. ВяхIудикили шинни ужухIели, къяшмауб се сабрил кIантIиси секIал гъанаур: Гинизла гъарудла гъала бергараг кабикилри. Бергараглизир Камалли сай акIубла хIедикибицац арц чедаиб. Гиниз-алав ва гъуйчив чилра аги. Ка-мал ГIахIцадхIи, арц гъачам балуй, гъачам алгъай някълизи дурцули, тIашли калун. Ахирра илди кисализи кадихъиб ва шилизивияхI ватихъиб.

Дех агарси эмхIе чебаибхIелил Калиматли муруй къял хIебицни багъур ва, вачар-чакарличила хъарра хIебаили, хинкIи ва хунжазибад дурасибси къацIла кесек гъала кадихъиб.

– ЖягIял дурхIнас дуббатлис биурну, къацI убаса.

– Дуббатлис къалли баэс, бархIехъ сели балхутив? ХIяжланкIира кадерх-урли сари. ДургIелилра бедадри, муштарси агив?

– Сецадлис бирцусив или хъарбаисира хIейуб. ХIяйванти дахъал кIерри. ЧIянкIа бухибси виасри, ил бицес вири. ГIурла базарлис чIянкIара архис. Къял хIебицасли, ЧIянкIа бирцис, ЧIянкIа хIебицасли – къял. Дех ризкыла лебкис. ЖягIял рукъянну, СягIидхъайзирад ца жумягIлис чеблалис шел-урегал сяхI анкIила саса.

БацIиси гавлагличил СягIидхъайчирад хъунул чаррухъунхIели, Камал та-машавиуб.

– Сен рацIли чаррухъунсири, Калимат? Хъулив чилра агив?

– Тебри, лебилра тебри. ГIяхIлира балли тебри.

– Га хIеирив?

– ГIяхIялличил ужули кайибси СягIид, някъбазиб гавлаг чебаили, ну рухIнарухъунмад чихъизур: «БетIуличи яра анкIиличи ракIибисирив? ГIяхIиси Гела хъали баргилра хIушани. Цакамти мурда дяхъес ваши ибхIели, Камал, къял бицес аркъусира викIули, даг кумекбарес хIекIиб. Къайс асибтазирад арц халли деда, хъунул, ишис бетIу яра ризкы...» викIи. – Къял бицили ахIен, – ира нуни.

– ХIебицили биалли, кIел барха анкIилис нуни исисну, кабука иша, – иб СягIидли, сунела ГIяхIлира дукаркIахъули.

– Селра хIеили, ну ихдачирад дурарухъунра.

– Ма, духа ишиди арц, кIел барха анкIила аса хIебиалли, – Камалли кисализибад бергараг дурасиб ва хъунуйс шел туменна кагъар гъабуциб.

– Арц леркъи, сен ризкыи хесили чарухъунсири ху базарличивад, СягИдхъайзи дукелцИиличи рихъахъес багъанданрив?

– Вари ахIенри, дила Калимат. Базарличивад чаритубхIели сарри илди арц набзи дикибти. Базарличир дикибти диалра, хейсаси нуни илдас секIал. СенкIун урхIла сари илди. Гъуйчир даргибти сари. Ца жумягIли чардарес гягIнити сари.

– Гъанна сен рурхъулрав гъатIи урхIла арцра нура анкIи асахъес? Се чарбирида ишдала вегIлис?

– Къял бирцехIе, къял хесалли, чянкIа бирцехIе. Игъбарбиуб, ишкъяйда гягIнидикибхIели, арц даргили. Белики, ил игъбарли, нуша ца жумягI лайхIедакIиша – къял бицес имкан бакIес. Гур гъар секIал далкаркур. Арц дедхIедедили, чебалис сасадли, гъатIира гяхIси саби. Арц чедаахъа ва издази бура, арцлис ризкыи дицес числара хейгахъу, нушани хушаб ризкыи чардирехIе или. Сайсалли, арц деда, гур се бирехIев?

– УрхIла арцлис нуни ризкыи асес херирус, Камал, сецад хуни гяйиббарадра. Сен-сен илди чардирехIев нушани?

– Наб дигасли, илди урхIла ахIенну, дила ну вегIти арц сари. ДигIунти ахIен. ЧархIедаресра вирус. ЧархIедарес ахIенну, хедаргира викIесра вирус. Даҳъал гъай датину, духа арц – анкIи ха.

Калимат дурагурухъун. Камалли висуси дурхIя авцилри ва иличил хъулив къунзикIулри. Уршила симкь кахIедерхурли лералли, Калимат бацIси гавлагичил чаррухъун. Камалла дяхI къявшдизур, къаркъайзи ружес бухIнаберхур.

– Хямривси гяхIяйчи вякъи, дехличил жагIял бархIехъ чарулхъас. Лебси хурегличиб гямал барада, – хяли чихъбариби хинкIара уки, дайдугила замана Камал архIяличи дуравхъун.

Пергъила бархIи бархIехъ ил дехчебси эмхIера сайра гумайлизивад шулумулхъухIели, СягIидли алавчартази иб.

– Шила багъа буунси, садакъаличи вякъунси шаддикъличи илцад яхшишуш хедаралра гямал бииши...

– Шаддикъ виасра, хела юртлизиби лебилра мас асес вирус.

– Селис асишара? Нурбас анкIира, дубсила талхIянара, къалтинтира дирцуси замана биуси ахIен.

– Ишди арцлисра хебирциду хярамли талаббарибси хела мас-хазна?

– Камалли, гумайлизиби уркIбухъахъи, бергараглизирти арц дурасиб, ва, СягIидла къянкъубала гъалар илди вякъядухъахъи, хъайгIи ватихъиб.

Базар бархIи сабаиб. Баягъи гъалабла мерличи дигъи эмхIера къялра. Камал ца хъалчличи ацIиб ва виругIев тамадариб:

– Арбякъунси базар бархIи арц детахъибси адам ахъирай. Нуни илди чардирис. – Камал хъалчличивад кацIомад иличи ца булеги гъамиуб.

– Арц детахъибси ну сайра. Детахъибси дила дудеш сай. Нуша, лебилра мас бицили, Саратовлизи ардукъес дикIутири. Шел дус итар дузули учидяхъиби арцра дарх лертири, – иб илини дарган мезли. – Нуша халал узила хъалибарг арбукес ва наб хъунул кариэс иша чардукъунтири. Мекълис делгъес кигъми асес вакIисири дила дудеш базарличи...

– Чинар детахъахъили ва сецад арц леррил балули виадли, хушала арц чардирис.

– Чинар детахъахъибал хебалас. Амма шударш къуруш лерини балас.

– Селизи дергуртири илди арц?

– Хебалас, валлагъ, – хъуцIруми гъунчIдариб булеги уршили.

– Нуни хIези арц чардарес хIейрус, гIяйиб мабирид, юлдаш. Дахъал арц сари хIуни дуриби.

– Арц чардирадли, шилизивад дудеш левкис.

– ЧархIедарили, се дариша наб урхIла арц? Амма чула вегIлизи ахIи чархIедириш.

Къайчи ва иличи гъамбирути, амма багъалра хъархIебиути адамтачи хIе-
рикIули левли, Камалличи ит жагъил урши ва ухънаваибси адам гъамбиуб.

– Ассалуму гIялайкум. Наб XIусайни бикIар, Булхъран сайра, – иб илини
дарган мезли.

– XIу гъалаксаурсигъунаригу, XIусайни. Къалабамаркуд. Балулра, XIу
къалабали ургуд хIела арц някъбази дуцес...

– Сайра, сайра. Илди чардирни чина хабаррив?

– Чум къуруш лертирив?

– Авдаршлим шуцIали

– Селизи дергуртирив?

– ХъанцIа гIягализи.

– Ма хIела арц, XIусайни, – Камалли бергараг дурасиб ва сунела вегIлис
гъабуциб.

XIусайнили бергараг гъаргбариб ва илабад шел туменна кагъар абитIун.

– Иш хIела саби, Камал. УркIи чебберхахъурли лугулра.

– Илди сасес дигасри, кепекалра чархIебираси. Дати хIела шел тумен.

– Ма даршла кагъар. Валлагъ-биллагъ, сахIесили хIевъус. Иш мерличиб
гъярудис. Нуни халкъ ургалли хъя барра... Гурра тикрарбиулра, иш даршла
кагъар хIела саби.


– ГIяхIна, сайсис. Амма ца тидади хIунира чеса – иш къял аса.

– Къабуллира. Бура хIела багъа!

– XIуни наб хIялалдатурти арцлис дила къял хIедра хIялалбиаб...



Драматургия



Расул БЯХИММАДОВ

ДИГАЙ ВА ХІЯЯ

ВерхIел анцIбукула, урегал суратла мелодрама

БутIакъянчиби:

ВАЙСУЛ – 45-50 гіямрула, берк-бержла тукентала вегI, уркIеңIагарси, хамси.

ГІЯХІЛ – 50-55 дусла гіямрула, малхIымси, гіяхIти хІял-тIабигIятла вегI, республикала вачар-чакарла ва промышленностьюла министрла заместительли узуси.

БИКА – Вайсулла хъунул, ургарти гіямрула, давлаличи къясси, гіямултар.

АЛЖАНАТ – Вайсуллара Бикалара рурси, университетла студентка, жагаси, гіяхIти хІял-тIабигIятла.

ЗУБАРИЯТ – ГіяхIилла хъунул, ургарти гіямрула, малхIымси

АСИЛ – ГіяхIилла урши, университетла студент, 22 дусла гіямрула, Алжанатличи марты дигай дихъибси.

ХУРУХ – чинавалра узхIевзуси жагъси адам, бекIбяхъ, Вайсулла узила урши.

ХІЯЙДАР – жагъил адам, прокуратурала следователь, бархъдеш дигуси.

Гурра ца полицейский вирап.

АнцIбукуни кадиркули сари нушала замана Дагъиста шагъарлизир ва районнизир.

АНЦIБУКЬ ЦАИБИЛ

Цаибил сурат

ГіяхIилхъала хъали. Хъа бяхIличиб Путинна сурат. Чібарличиб къалтин. ГіяхIилра Вайсулра столла Нела кабили гъайбикIули саби.

ВАЙСУЛ. Хела хIулбани гъачамалра чехIедаибицад нуни арц лугас, эгер хIуни наб дигуси ца секIал барадли.

ГІЯХІЛ (*тамашивиубли*). ЦархIилтас дигути секIал нуни дирцуси хасият лебси ахIен, Вайсул.

ВАЙСУЛ (*кайбси мерличив вал-валиубли*). Нуни аргъни хЯсибли, ГЯхИл, хІу дебали духуси адам сайри. ХIуни селра бирцуси яра исуси секІал агара. ХIуни бариси ГЯхІдешлис нуни лугуси магарич саби.

ГЯХИЛ. Магарич хIебедили хъалли, адамлис ГЯхІдеш барес ну мурталра хІядурсира.

ВАЙСУЛ (*разишиубли*). Вот и хорошо! Республикала Халкъла Собраниелизи дила кандидатура гълабихъиби округлизиб хIела кандидатура леб. ХIела цархИл ГЯхІси хЯнчира лебну, ил убасадли, ну ветерхес асубиар. ХIуни бариси ГЯхІдеш нуни хъумхIертис.

ГЯХИЛ. ХIерагу ца – анцIбуку селизibal. Нуни аргъни хЯсибли, хIура къисматли лайвакIиби адам ахIенри, Вайсул Ханович: Н. районнлизив бизнесмен сайри. ХIела тукентала лугIи агара, бикIар.

ВАЙСУЛ. Давлали велики бекIиубси дунъяличив цалра адам левси ахIен. Ну депутат ветаасли, дила бизнеслис бягIуси гъуни гъаргбиар.

ГЯХИЛ. ХIу багъандан нуни дила кандидатура убаснилизиб я халкълис я пачалихълис ГЯхІдеш чебиули ахIенра.

ВАЙСУЛ. Сен?

ГЯХИЛ. СенкIун хIу хIела кисацун бабзбиахъес пикриикIулри.

ВАЙСУЛ. ХIела кисара бабзбиахъес нуни хIед 50 азир доллар лугас.

ГЯХИЛ. Наб хIела я долларти я къуршми ГЯгIнили ахIен. ХIу дуравхъахъес дила унза гъаргли сари (*унзаличи тIул бягIчицу*).

ВАЙСУЛ (*хъуливад дураулхъули*). ХIебиалли нуни цархИл дякъ бургис. ИлхIели хIу пашманируд.

Асил хъули айцIур, кресолихIи кайили, дудешличи дугъайлзан.

АСИЛ (*уруз-хЯцIли*). Дудеш, наб ца секІал бурес хIези агадкабилзули саби,amma хIебурес чараагара.

ГЯХИЛ. Бура, дила урши, бура. Дудешлизивад урузкIес ГЯгIнидеш агара. ВегIла уркIиличиби – ил ГЯхІси биаб, вайси биаб – неш-дудешлизи буруси саби.

АСИЛ. Нуни гъалабра хIушази бурибсири наб дурашан рурси ригулра или. Университет таманбарибхIели, иличи хъайчикайэс дигулра.

ГЯХИЛ. Дила къаршидеш агара. Сукни дукъес ГЯгIнили бургар? ХIядурдеш бирехIе. Рурсила бегIти чи сабил хъархIебаирив? Дудеш чинавси сая?

АСИЛ. Н. районнлизивси бизнесмен сай. Илала чумал тукен лер, бикIар. Илис Вайсул Ханович Ханов бикIар.

ГЯХИЛ (*уркIса�хъи*). ВяхI! Ваппабай! ИлкIун бусягIят ишав набчив леври! ХIерагу ца! Ил нясли наб дила кандидатура убасахъес 50 азир доллар лугулри. Гамъали хIу каладлира, илгъуна няс багъандан убхIейсис! Илдигъунти депутатунала се Собрание бируси?!

АСИЛ. Депутат ветхIеадлира хIела ГЯхІси хЯнчи лебгу, дудеш.

ГЯХИЛ. АнцIбуку ну депутат ветаънилизиб ахIен: илдигъунти нясти адамти депутатуни бетаахъес кумекбарни пачалихълис верша ветаънигъуна саби.

АСИЛ. Ца хIуни илдигъунтас кумекхIебарили хъалли, цархIилтани би-рули биалли?

ГІЯХІЛ. Урху шинна кіунтіразибад цалабикибси саби. Нура пачалихъла ца кіанті сайра.

Илдани чехіераили циила гъалар хъули арацібси ва унзала гъала тіаш-ризурсы Зубариятли уршилара дудешлара гъай аргъиб.

ЗУБАРИЯТ. Ца хіу илкъяйда узули хъалли барсбируси секіл лебу?

ГІЯХІЛ. Уршили се тиладибирулил хіергъили, хіу гъаймарикіуд.

ЗУБАРИЯТ. Илцад вайси секіл хіела уршили хіези тиладибарес вирару гъаті?

ГІЯХІЛ. Вайси ахіену гъаті нясси адам - сунес ригуси рурсила дудеш - депутат ветаахъес багъандан, дила кандидатура убаса викіллі?

ЗУБАРИЯТ (*суал бухінаси хіер Асилличи аміахъи*). Хіед дудеш гъалаву гъари яра урхіла рурсила дудешу?!

АСИЛ: Балулрив, неш, ил – урхіла рурси наб дигулра.

ЗУБАРИЯТ. Вай гъарай, урши! Илдигъунти адамтала рурсиличи дигай дихъес асубирабу?!

АСИЛ (*алзан, неща гъала къукъубачи кайрап, уркіецілдухъеси тіамаличіл*). Ва неш, Алжанат агарли наб гіямру хіейги. Ил чила рурси риаллира, дила жан сари. Ил чехіераиси бархіи наб ціябли саби. Ну илисра дигахъулра. Хіушаб депутатдеш дурхъалив, уршив?!

ЗУБАРИЯТ (*уришиличи хъябрұцикили рисирирап*). Вай дила левси ца урши! Дила жан! Хіу илгъуна хіяйчи викиличив ну ребкіли дигахъаси!

ГІЯХІЛ (*илдачи къакъбіру*). Ва-а-й, къудратла вегі, сен илгъуна къутікъуси анцібуқь набчи хъарбикахъири!

ЗУБАРИЯТ. Анцікъила дех чебкасану, уркіеціла някъ гъабати.

ГІЯХІЛ (*чұумали*). Набзи тиладимадікіудая – нуни вебкіасра ил секіл бируси ахіен, аргъирав?!

АСИЛ. Хіуша седікіули хъалли, Алжанатлизи нуни илала бегітала рази-деш хъарбияхъис!

Асил хымқдарили унзара хъуливад дураулхъан.

ЗУБАРИЯТ. Ва Гіяхіл, урши язихъвара гъари.

ГІЯХІЛ (*къяркъыли*). Хіура пяхіли ретахъи дила гъаларад. Хіушала дигайра хіушара! (*Хъуливад дураулхъан.*)

Зубарият рисули диваннычи карирап, къутікъули тіамадиры:

**Шишимъала дила шар –
Иғанай хъалли хъулив,
Анцідукъалара хъулир –
Гъалмагъ сайлихъал мякълав.**

гъари адамтас хіякимдеш гъалару, хъалибаргла талихіу?!

Пардав

АНЦІБУКЬ КИИБИЛ

Киийбіл сурат

Вайсулла жагали балкъаахъурси хъали. Дай хъулиб журуга стол.
Диваничи Бикара Алжанатра кабиили саби.

АЛЖАНАТ (*разылу*). Ва неш, дила хъези ца тилади леб – иш нушала лебилра
Дунъяра, иличи Бацра чекабихъибхъеличибра халаси!

БИКА (*тамашариубли*). ВяхI, илщад тиладиличи лайикъси иш дунъяличиб
се лебсира?!

АЛЖАНАТ. Лебси саби, неш, лебси! Я гъайли аргъахъес хъейэсицад, я
хъулбала хъерли касес хъейэсицад!

БИКА. Ну хъуни тамашарирахъулицун ахъенрану, рурси, уркIра рухъахъ-
унра. Гъу, бура, се сабил илщад тамашала секIал?

АЛЖАНАТ (*нешиличи дигиличил хъеррикIули, къян-къанни, уруз-хъяцIли*).
Нуни цайчирра дуцIарти дигай дихъилра, неш... Дурашан дурхъяличи.

БИКА (*тамашариубли, къелра някъ къелра къукъаличи дирхъу*). Гъу-я-я?!
Дурашайчив гъарии?! Саялра чи сая ил?!

АЛЖАНАТ. Ну ручIуси университет ишдус таманбируси муиран дурхъя
сай. Илис Асил бикIар.

БИКА. Илала бегIтиалра чихъали сабил балулрив?

АЛЖАНАТ. Дудеш республикала вачар-чакарла ва промышленностьла
министра заместитель сай.

БИКА. Илала фамилия Баракатов сабив?

АЛЖАНАТ (*тамашариубли*). Ге, саби. Хъуни чинаб балути илди?

БИКА. Ил Баракатов ГъяхIиллара хъела дудешла лебси Республикала Халкъ-
ла Собраниелизи депутатуни биркIути выбортала округлизиб кандидатура леб.
Дудешли дахъял арц дедлугухъелира, сунела кандидатура убасес ил разиикили
ахъен. Илбагъандан илала уршилис хъу шери редес дудеш разихъеркур.

АЛЖАНАТ. Хъебиалли дила тилади дугIла бургар? Асилла бегIти нушачи
сукни бакIахъес ихтияр гахъес дудешлизи тиладибараахъес дигусири.

БИКА. Гъуя-я-я, дила рурси, цаибилгъуна, дурашантличил илдигъунти
яхши-хуш гъяхIти ахъен къалли. Клийбильгъуна, дудешла къаршикартачил селра
бетхъерар.

АЛЖАНАТ. ВикIалра сейкIиба Баракатовличила?

БИКА. СеикIеса – иличи пушягIван вемдурли сай.

АЛЖАНАТ. Белики, нушала дигай багъандан вяшкаэс.

БИКА. МажахIят. Дудеш сегъуна адам саял балулригу хъуни.

АЛЖАНАТ. Се-дигара биаб, дудешличил ихтилатбарагу.

БИКА. ГъяхIна, бирис.

АЛЖАНАТ. Жан аба, тиладибара ну багъандан. (*Хъулирад дурагулхъан*.)

Вайсул хъули айцIур ва столла гъела кайрап.

БИКА (*рахIяты*). Нушала кулпетла бухIнаб, дила Вайсул, къалабахIеди-
кили, пикрикадухъи арзеси анцбукуь биубли саби.

ВАЙСУЛ (*хъунуичи вякъизурли*). Нуни пикридирути камлину, гүрра им-цадарай! Вебкесалар турсат агара.

БИКА. Гьарил хъалибарглизиб биэс бируси анцбукъ сабину, илцад вачамархуд.

ВАЙСУЛ. Гъу-у, се анцбукъ саби!

БИКА (*рахъяты*). Алжанат набчи дугъаризур хъези ишгъуна ца секіл тиладибаражъес: нушачи сукни бакъес дигули саби сунес дигуси дурхъяла бегітас. Хъела разидеш дигули сари, илди бакъахъес.

ВАЙСУЛ. Ил вайси анцбукъ ахтенту. Хурухичибра гъяхъити биалли.

БИКА. Ил дурашан дурхъя къадин, сари ручтуси экономический факультет ишдус таманбируси.

ВАЙСУЛ. Илала бегіті се адамти сабил гъяхъил балулив?

БИКА (*малхъямли*). Нушала, дила Вайсул, духуси рурси сари. Бегітира се адамти сабил хъебагъурли, уршила хъял-табигъятра хъедагъурли, илис шери руқъес къабулхъерикки. Я нушази тиладихъерикки.

ВАЙСУЛ. Илди чила шила сабил, бегіті се саниғиятла адамти сабил балулрайв?

БИКА. Баягъи хъу сунечи вякъунси республикала вачар-чакарла ва про-мышленностыла министрла заместитель Баракатовла урши сай – Асил.

ВАЙСУЛ (*вяхъла ранг дарсдирап. Суайчил ахъли*). Баракатов?! Замминистр? Гъяхъил?! Дила къаршикар?!

БИКА. Ге, илди саби.

ВАЙСУЛ. Хъунул адамла гъякъула хъевала хъарлаб бирар бикіту дугіла ахтен – чаппа бекітіні! Нуни ил секіл хъебирни хъебалули иличила набзи хъарбиулрив?!

БИКА (*къукъубачи къелра някъ дирхъули*). Вари, вари, Вайсул, вахъ терсли гъаймайкіуд. Хъед чилилра вайси бариси агарану. Узи-уршидеш им-цадарес пикрибарили ахтен! Министрла зам виалли, давлачебтира бургар.

ВАЙСУЛ. Сай Аллагъ-дигара виаб! Наб хъерикун кабихъа.

Бикали столличи беркала кабирхъу. Гүр конъякла шишара дурхъати шоколадунала плиткара кадихъили, цархъил хъули аркъян.

ВАЙСУЛ (*стакан биціли конъякла бужу*). Вот и хорошо! ... После первого не закусываю. (Клисил стаканра күртін.) Гъанна, ишкъяйда вал-кайкихъели, гъяхъити ва урехиагарти пикруми ляркъян. (*Укунхъели, сунези сай ахъли гъайикілар*.) Дила округлизив наб къаршикарли виэси цархъил кандидат агара, Гъяхъил ахтени. Гүрилти лебилра къантібакъахъылра. Сай велкъари арц лугухъелира, сунела кандидатура убасес къабулхъейкиб. Гъанна цархъил шарті дакіубухъи саби. Мирный!

Депутат ветаасли, хъянчира халаси биркур. Хъянчи халаси бикалли, бизнесра къалабали халабикілар, цархъилти тукентира исис. Вот тяк, товарищ Гъяхъил! Ганзухъуни хъехъили, ахъли аціес хъейрар!

Далай бучта:

Дила уркілиничирти
Нуни рахли дурасли,
Аргыили уркіила хъял,
Дубурти дархли дисур.

**Зубри забли ургъули,
Маркали вемхИшара,
Мурадличи хИеили,
Палакатвиишара?**

Эй, хъунул, раши гъари иша!

Итил хъулирад Бика ляркъян.

ВАЙСУЛ. Ца гІяхІси пикри бакІили леб, аба-рурси хІуша дикІусира, наб дигусира бетаэсил. Алжанатлизи Асилизи бурахъя: «ХІела дудешлизи Халкъла Собраниелизи сунела кандидатура убкасанхъадли, хІед ну шери лугулра» или.

БуцІира делкъи, мазара ара-сагъли кавлули сари. Вот тяк! Хурухлис редес дигусиригу, наб илизивад гІяхІдеш камли саби.

БИКА. ХІябилра духуси секІал пикрибарили къалли.

ВАЙСУЛ (*сунела бекІлизи тІулба къутІбарили*). Это не голова, а дом Советов.

Пардав

АНЦІБУКЬ ХІЯБЬИБИЛ

ХІябъибил сурат

Паркла ца дублабси скамейкаличи Асил кайили сай, мурхъти пикрумачил сунези сай гъайикІули.

АСИЛ. Се баралли гІахІси вара? Дудешла къаршидеш дячІес хІейрап. Алжанатла дудешра мажахІят разивиэс наб сунела рурси шери гес, сунес къаршикарла уршилис. Алжанатли гъанна бегІтала жаваб балули рургар. Хъарриис. Илдира разихІебикалли, се баралли гІахІси вара? БегІтала разидеш агарли, илра шери ракІес разихІеририкули риалли. ГъарритІасли?.. Дила бегІтира разили хІебикалли, чина рукиша? Се бараrasra, ил сахІерхили хІевъус. Ил агарти гІямру наб се дариша! Гъар бархІи, гъар минут, гъар секунд дила уркІилизир ил риалли. Илала малхІямдешли, къугъаси тІамали, баркъудила кагибдешли, дила дяхІличи уруз-хІяцІси хІерли, бамбаван кІантІити курегагъунти ляжубани дила чархла азидалра биркІан тІягІямли зимдулхъахъули, ванадирахъули, тамашала сихІрула хІяйчи биркахъули биалли, вирусу гъатІи Аллагыли акІахъубси ил гъалжанала чатІа хъумартес, мякълар ил агарли гІямру деркІес! Юх, хІейрус.

БегІти разихІебикалли, илдас децІагахъили, ну хІед шери ракІес хІерикус рикІули хъалли, илис нура дигахъулра. Гъари, иши кайэс асухІебирар, Алжанат иша ракІахъес зянкъдирхъис. (*Телефон лихІиличи чебурциу.*)

АСИЛ. Гіялло!.. Алжанат? Университетла мякълабси парклизыбси, нуша мурталра кадируси скамейкаличи кайили левра. Иша ракІес замана лебу?.. ЛехІли вирус... Раши. (*Телефонна трубка кабихъили, пашмай далай бучІа.*)

**ХIябилра анцIбукъи леб
Чархлизиб мар уркIилис:
ЦIудар дирихъ гъалабли
Мар уркIила пикрумас.**

**Вай хIечи дихъиб дигай
Дуралри дубуртази –
Даргдердили дубурти,
Дулхъи дигайла хIуркIби.**

**Вай хIечи духъун карцIи
Дуралри хъанцI урхънази –
Даргдердили хъанцI урхъни,
Дулхъи карцIайла хIуркIби.**

Камси заманала гIергъи Алжанат ила ляркъян.

АЛЖАНАТ (*Асилличи кIапIрикли*). ВахъхИи ишаврив? Лекцияби тамандиубли, хъули аррукъес хIядурриублири.

АСИЛ (*ляжилизи уммайдарили*). ВахъхИи-декIар ахIенра. Нушала гIурла къисматличила гъайухъес дигулра. ХIела бегIти се бикIбал багъес уркIи гъалакли саби.

АЛЖАНАТ. Сунела разидешлис дудешли ца шартI гъалабирхъули сай.

АСИЛ. ХIебиалли, нушала бегIти нуша мурадли даахъес разибиркули ахIен.

АЛЖАНАТ. Сен или викIуда?

АСИЛ. СенахIенну дила дудешли сунела кандидатура убисули ахIен.

АЛЖАНАТ. БегIти разихIебиубси ганз кацIес набра дигули ахIенра.

АСИЛ. ХIед ну хIейгули руилри.

АЛЖАНАТ. Дигули ПIякъиркули хъалли, сунес хIейгуси секIал барасли, дудешли ну каруршура.

АСИЛ. ХIебиалли, наб калунси гъуни ца саби – набзивад ну вебкIини: хIу мякълар агарти гIамру наб гIягIини ахIен.

АЛЖАНАТ. Гъуя-я! Илгъуна кахси пикри бакIесра асухIебирап. Арзес хIейруси гIянд лебси ахIенгу!

АСИЛ. Ил гIянд ца нуниун къалли арзес хIейрус, хIела кумек агарли.

АЛЖАНАТ. Дила дудешлизи гIурра тиладибирира, амма ил дугIла цурагъуна сай – гIелавяхI чархIерхъур.

АСИЛ. АнцIбукъ или биалли, нуни гъачам гъатIи бегIази тиладибирис. РазихIебикалли, хIу нуни гъаррилтIари. ХIела разидеш биалли, ну танбихIлаварес хIебирап.

АЛЖАНАТ. Дила дудешла гъими? Ил чина архехIе?

АСИЛ. ЦархIил мерличи аркъехIе. Заманали ил бушинвиру.

АЛЖАНАТ. Ну гIурра пикрикарулхъас.

АСИЛ (*някъличибси сягIятличи хIерилзан*). ВяхI, дипломла хIянчила хIекълизив профессорличил гъуниваэс вягIадавиубсири, сягIят авлис. Къанирулра. ХIуни се бирида?

АЛЖАНАТ. Лекциябачир дебали рамсурлира. Ишабси умуси гъавара галгубира – бамсриахъес ГяхІси мер саби. Цакамси бамсриихъис.

Асил аркъян. Алжанат кариили пикририкІули руар.

АЛЖАНАТ. Чина аркъулив дила къисмат? Нешли набзи бурибси дудешла пикри, узила урши Хурухлис, наб хIейгуси байтармайс, шери редес дигулив?! Юх, чIичIалаван наб хIейгуси илис шери хIякъяс, наб жанван дигуси Асил ватурли! (*Гяши-гяшили далай бучIа.*)

**Авадан чарх дуркъдариб
Нешла хапси хабарли.
Хам уркИи хумардариб
Дудешла хамти гъайли.**

**БецIли дергес мукъара
Я мазали мадаркъаб,
ХIейганилла хъяб дуцес
Я нешли рурси маарарь.**

**Ва БерхIира ва Бацра,
Аллагълизи дулгена,
Дигай дихъиб ну пякъир
Мурадла рааб или.**

Пардаав

АНЦІБУКЬ АВЬИБИЛ

Авъибил сурат

ГяхІилхъала гъалабла хъали. Дудеш столла гIела, нешра уршира диваничи кабиили саби.

АСИЛ. Наб сецаад адабли биаллира, дила пикри хIушази хIебурес Гяма-лагара: цаибилгъуна, хIушаб сецаад хIейгули хъалли, Алжанат чила рурси риубли хъалли, ил наб дигахъулра, дигахъулра дила жанничирра имЦали. КIиибилгъуна, эгер ил наб шери гахъес багъандан хIушани кумекхIебарадали, гIур хIуша дила бегIти ахIенра, ну хIушала урши ахIенра. Яра иличил чина-биалра гъарахъ аркъяс, яра, ил секIал гъархIебизалли, набзивад ну убкIус – иличил ахIи наб Гямру хIейги.

ГяхІилра Зубариятра цаличи ца хIербилзан, сегъуна жаваб гес ГягIинил хIебалули.

ГІЯХІИЛ (*гIяхIыадла лехIкахъили гIергъи*). Илала бегIтани хIед шери лугни яра хIечил парх ил ляркъни балулрив?

АСИЛ. Балулра. Эгер хIуни хIела кандидатура убасадли, илала дудеш разили сай.

ГІЯХІИЛ. Рурси вачарли кариҳъес, ил вачарла масу?

АСИЛ. Гіе, Вайсулліс ГІятінити халадешра давлара сари.
ЗУБАРИЯТ (*муруйчи дугъаризурли*). Ил нушани вяркъес хІедире^хіе. ХІед хІякимдеш гъалару гъари, уршив? Даشاхъен депутатдеш!

ГІяхіл пикрумазив хъулив къунзик^іар.

ГІЯХИЛ. Ну Вайсулличи я илала рурсиличи вирхули ах^іенра.

АСИЛ. Вайсулла анцібуқы нуни хІебалас, амма рурсилис ну дигахъулра.

ГІЯХИЛ (*Пүрра хъулив пикрумазив къунзик^іар. Гүр, гъак^ібарили някъра, хІейгу-хІейгули тІамадириу*). Ну багъандан вебк^іес хІяжатдеш агарану, абасра хІедра дигуси биаб! Багъахъирая илдази, дила кандидатура убисулрану.

ЗУБАРИЯТ. Баркалла хІед, дила ГІяхіл, урши мурадличи ваахъес бархъси хІукму баририну. Депутат хІейадлира, хІела ГІах^іси хІянчи леб.

Асил дураулхъан. Зубариятли Вайсулхъайчи зянкъдяхъили чумал барх^іи ардякы хъалли, мекъла хІекълизиб илдала жаваб агара.

ЗУБАРИЯТ. ГІяхіл, Гергъиси замана хІу дебали къакъаик^іули чейулри. Илцад селичиле пикриик^іулри?

ГІЯХИЛ. Бархъли бурили, Асилличиа пикрумани валтули ах^іенра.

ЗУБАРИЯТ (*мура мякъла каршили*). Се пикруми сари гъат^іи уршиличи-ла?

ГІЯХИЛ. Чина-биалра дура хІянчиличи арукъяйчи, урши хъайчи катес дигулра. Сай депутат ветаахъурх^іелира, сунес дигуси барібх^іелира, Вайсулхъай жаваб хІелугули пикрумазивра.

ЗУБАРИЯТ. Набра илдигъунти пикруми садашули сари.

ГІЯХИЛ. Дила пикрили, илдас нушаб рурси шери гес дигули ах^іен яра Гүрра мяг^іничебси сек^іал нушазибад тІалаббарес дигули саби.

ЗУБАРИЯТ. Конкретно нушаб жаваб гахъес Гүрра тІамадаришав? Илдала пикри ГІачихъбиялли, Гүрил ганз кац^іес нушаб гъамадли биар.

ГІЯХИЛ. Бархъси саби. Гъари, зянкъдяхъя Бикачи.

ЗУБАРИЯТ (*телефонна трубка касили, номер абулц^іа*). ГІялло!.. Сен саррая хІуша?.. Иншааллагы, иншааллагы, Аллагылы арадеш каммабарааб хІушаб... Ит ну риклуси сек^іал Вайсуллизи хъарбаирив?.. Гъу, сейк^іиба? Се пикрибарадая?.. Ягъари, илкъяды асух^іебирапгу, нушаб белгидеш ГІят^іили саби!.. Беда... Беда ... (*Телефонна трубкализибад Вайсулла тІама бикъу*): «Гіе-е, Вайсул сайра, хІуша сен саррая?..» ХІушала пикри багъес мекъла хІекълизиб зянкъдяхъибири... (*Телефонна трубкализибад Вайсулла хІяяагарси тІама чехиб*.): «ГІяхіл узуси министрстволизиб наб хІянчи ГІят^іили саби. Ил суал бек^ібайчи жаваб хІебирап»).

Илди Гергъити дугъбы ГІахіллира иргъу.

ГІЯХИЛ. Тамаша!!! Министрличи укъяб гъат^іи!

ЗУБАРИЯТ (*телефоннлизирад*). ГІахілли хІу министрличи укъяхъес маслиг^іятбирули сай.

ТРУБКАЛИЗИБАД ТІАМА: Вякъунра. Акъуси мер агара, вик^іар.

ГІахілли телефонна трубка сунези сайсу.

ГІЯХІЛ. Сен сайри, Вайсул?.. Хіу министрличи укыни нунира багъурра. Илала мар саби – нушала министерстволизиб вакантный мер агара.

ВАЙСУЛЛА ТІАМА. Хіу зам виадли, барга гъаті! Узи-уршидеш гъамдарес дигули виадли!

ГІЯХІЛ. Агарси мер хіед нунни чинаб баргиша?! Зубразибад касишав? (*Гымиличил*). Ну-мага увайзишав?! Нунни вируси хіед кумекбарра: депутатли ветерхахъурри!

ВАЙСУЛЛА ТІАМА. Хіу увайзадли-декіар дунъя булъулив? Дила бизнес халабиахъес багъандан, илав узес наб чараагарли г'яг'ишли саби. Дила бизнес халаси биалли, диля г'урла гуявлис, хіела уршилис, г'ях'ил бирни хіергъултив?! Хіуни царих'ибра хіянчи баргес вируд.

ГІЯХІЛ (*илала хіяяагар гъайличи гъимук'или*). Рурси дурхъали рицес дигултив? Рица, чили исулил! Хіу хіяяагар адам виъни г'урра багъахъурри. (*Телефонна трубка кабихъиб ва хъутурик'есииб*) Вя-я-хі, илдигъунтира адамти бирутив?! Масла лугъри! Ламус-хіяя агарти!

ЗУБАРИЯТ. Ил абдалличил хіура абдалмайруд. Нушала левли левси ца уршиличила пикриик'ен.

ГІЯХІЛ. Ях'ла вег'лара ях'ла ахир бируси саби. Левг'ев мурдаибули чех'еийултив!

ЗУБАРИЯТ. Се барес къасу гъаті?

ГІЯХІЛ. Сунези хъарра хібаили, Асилли загс барахъалли. Се барес вирапа илини?! Судлира жагты г'еббүрцу, эгер к'елра разили биалли.

ЗУБАРИЯТ. Илдигъунти биса-сури г'ях'ити ах'ен къадин.

ГІЯХІЛ. «Балк'я г'ямила – балк'я т'ерхъя» бик'ули бираар.

Хъули Асил айц'ур

АСИЛ. Дудеш, селичи илцад вачавархилри?

ГІЯХІЛ. Сай депутат ветаахъурх'иeli, Вайсулла хіял гъанна г'ях'ил бургар или, иличи зянкъдяхъира хіела мекъла хіекълизиб. Къабул чина викеса, ну хіянчиличивад увайзурли, диля мерличи сай министрла замли варажъаба вик'ули сай.

АСИЛ (*вачавархили, урус мезличи шурухъи*). Илкъяйда хіебуриб бургар гъари. Вот еще что?! Еще чего не хватало. Где совесть?! Дигайла ц'яли ну игасра, дудеш, ил дукарк'яхъули, ну багъандан ил сек'ял мабирид!

ГІЯХІЛ. Ил дукарвях'яхъес дилара пикри агара. Вашигу, урши, ишкъяйда бара! Алжанат разириахъубли загс барахъя. Рурси разили риалли, хіу чилилра г'яйиблах'ейрури. Г'ур Вайсул, висли висули, магъар дихъахъес г'ямалагарирад.

АСИЛ. Илгъуна пикри нуни Алжанатлизи бурибх'иeli, бег'тала разидеш агарли, илгъуна барк'удиличи разириэс хіерирус, рик'яар.

ГІЯХІЛ. Разих'ерирули риалли, гужли барес асух'ебирад. Илала дудешличи нура вирхули ах'енра.

АСИЛ. Дудеш илгъуна сайни багъурх'иeliра, Алжанат урк'или хъумуртули ах'ен къадин. Иличила сайра ну дайм пикриик'уси.

ГІЯХІЛ. Нунни хіела иргъулра, диля урши, дигайли «ах'ен-саби» хіедала.

Пардаа

АНЦІБУКЬ ШУИБИЛ

ГляхІилхъала гъалабла хъали. Диванничи хъарихъи Зубарият чериур.
Асил хъули айціур.

АСИЛ. Карихъирив, ва аба?

ЗУБАРИЯТ. Дудешлис ит анцібукь бетаурла чарх батбулхъули ахІен, абала.

АСИЛ. Подъездла ухІнав бебкІаван чІикытІи унрубани дудеш чеили, хІези вявдешдарили ракІибхІели, къагъриубли хІу карикибири, уколти дарили черсаргъахъили, хъули хибсири къалли.

ЗУБАРИЯТ. Гъу, ишбархІи сен сайри дудеш? Даг, нуша дякъунхІели къалли, гляхІил ахІенри: гъайэс хІейуб, нуша хІедагъурра.

АСИЛ. Дагъриличи вакІили сай. Ну вагъурра.

ЗУБАРИЯТ. Иншааллагъ, сагъиесгу.

АСИЛ. Гъанна глямрулис урехи агара, викІи тухтур.

ЗУБАРИЯТ. Ягъари, чили къасбариб вара кавшес, илини сай акІубла числалра вайси бариси ахІенгу?

АСИЛ (*нешила гъала уталичи кайрап*). Ну, аба, Вайсулличи ташмиши-кІулра.

ЗУБАРИЯТ. Сен?

АСИЛ. СенкІун ил хІаяагар адам сай.

Унзализи къутІдяхъили, хъули прокуратурала следователь айціур.

ХІЯЙДАР. Асубирару? Ну прокуратурала следователь сайра, ГляхІиллис бариси хІила чила сабил кабизахъес узуси. (*Дұрасили удостоверение чебиахъу*).

ЗУБАРИЯТ (*къардрулхъули арилзан, столла ғелабси ута балбарили*). ХІера, кайи, кайи.

ХІЯЙДАР. Хіуша ташмишдикІуси чи-байлра леву?

Нешра уршира цаличи ца хІербилзан.

АСИЛ. Лев.

ХІЯЙДАР. Чи сая ил?

АСИЛ. Вайсул бикІуси лев. Н.районнлизивси бизнесмен.

ХІЯЙДАР. Сен иличи ташмишдеш акІубли хІушала?

ЗУБАРИЯТ. ГляхІиллизи ил хІянчиличивад увайзи викІуси сайри, сай кайэс багъандан.

ХІЯЙДАР. Ахтардибарра – ил ахІен.

ЗУБАРИЯТ. Секъайда вагъурси ил хІушани?

ХІЯЙДАР. ГляхІил узуси министерстволизиб ахтарди дураберкІира. Министрли буриб, ила хІянчиличи кайэс дигули, ил вакІиб или. Республикала Халкъыла Собраниела депутат сай ил. Сунес мер акъубухъяес кавшес къасбарили ургар или гъанбикіб. Амма ил секІал кахІебизур.

АСИЛ. Сен кахІебизура?

ХІЯЙДАР. Сенкіун Вайсул хІилла барібси дуги-хЕрилизив Москвализив кали виъни кабизур, сунес товар хес вякы. Сунела рурси Алжанат ГІяхІилла урши Асилла гелешмеш булан сари, викІи ил. Сарив?

ЗУБАРИЯТ. «ГІяхІил узуси министерстволизиб наб хІянчи гІягІнили саби. Ил суал бекІбайчи жаваб хІебирар», – викІусиригу. Я сукни дукъяхъес развиуబси ахІенри. Гъанна сен гелешмеш ретаурси?

ХІЯЙДАР. ГІе-е, ил тамашабизесли саби. ПикригадулхъехІе. (Сунела пикри, хІербикІутачи ласяхъили, ахъли буру.) Сунечибад следвиела пикри тяйдібарес бурибси саби ил. (*Асилличи дүгъаизурлы.*) Илала рурсилара хІелара ургала ГІяхІил биалли, ихтилатлизиб-мага гъанхІебушыбу дудешла юлдашу-начила яра чучи имцІаливан вашуси чи левал?

АСИЛ (*Пикриулхъан, къан-къанни буру*). Хурух бикІуси лев ца. Вайсулла узила урши.

ХІЯЙДАР. Сен ил, се сабабли илдачи мурталра вашусил хІебурибу?

АСИЛ. Сабаб лебхІелигу иличиле набзи бурибси?

ХІЯЙДАР. Се сабаб саби?

АСИЛ. «Дудешлис ну Хурухлис шери редес дигули сай» рикІар набзи.

ХІЯЙДАР. Ил сегъунти ГІямрула, се санигІятла адам сао?

АСИЛ. Алжанатли бурни хІясибли, 20-25 дусла ГІямрула сай, чинавалра хІевзуси, хулигандешлис гъалав туснакълизи викибси.

ХІЯЙДАР. ХІушани наб халаси күмекбаррая, баркалла. (Аркъян ил.)

ЗУБАРИЯТ. Алжанатличи хъайчи кайэс дигуси хІура, илди суалтира сен діэсара, дила урши?

АСИЛ. Гъала-гъала, аба, дудешла душман варгес ГІягІнили саби. Ил суалличила ГІур пикригадулхъехІе.

ЗУБАРИЯТ. ГІе, нура илкъяйда пикририкІулра.

АСИЛ. Наб шери ракІес дигули, сунес хІякъян или гъанбиркули биалри, Хурухли ну каршира. Дила дудеш сен каршуси гъатІи илини?

ЗУБАРИЯТ. ХІябилра дархибити суалти лер илди.

Пардав

АНЦІБУКЬ УРЕГ-ИБИЛ

Шуй бил сурат

Прокуратура кабинет. Кабинетла хъа бяхІличиб Дзержинскийла
сурат. Халаси столла ГІела, цаличи ца дяхІчили, следовательра
Хуруха кабиили саби.

ХІЯЙДАР. ХІу мукІурникІулрив хІуни барібси хІиллаличи?

ХУРУХ. Се хІилла? Нуни сегъунсилра хІилла хІебарира.

ХІЯЙДАР. ХІу гъалавра такъсирлаварибсири хулигандеш багъандан. ХІунира балад, хІуни барібси такъсирличи мукІурвакІадли, танбихІ хІярхІ-биарар.

ХУРУХ. ХІу се такъсирличила гъайикІулрил нуни балули ахІенра.

ХІЯЙДАР. ХІуни министрла заместитель Баракатов ГІахІил кавшес къас-барилри. ХІела игъбарлис, декІли вяхъили, мицІирли кали сай.

ХУРУХ. Ил чи саял нуни валра хIелас.

ХІЯЙДАР (*тапанча дурасили чебиахъу*). Иш хIела сабив? Подъездла Пімзилаб баргібси саби, хIуни лайбакIили.

ХУРУХ. Гъанна бегI гъалаб саби ил нуни чебиуси, дила чинаб бируси?

ХІЯЙДАР. Ишала арла дубличир хIела тIулбала къел-хIерзи лер, дуэс хIу шакхIейкили калунти. Илди чинар дакIибти гъатIи?

ХУРУХ. ХIебалас.

ХІЯЙДАР (*гIеркъати чурмар парик дурайсу*). Иш сабрив итхIели хIуни чебиибси?

ХУРУХ. Илра нуни бегI гъалаб саби чебиуси.

ХІЯЙДАР. Сен «бегI гъалаб» бируси, жярга-зегъя лайдикIуси тIакъализи хIуни лайбикIибси биалли?

ХУРУХ. Бугътан саби: нуни я чехIебаира, я лайхIебакIира.

ХІЯЙДАР. Ишала духIннара хIела майъала-ГIявадешла къел-хIерзи лер. Илдачила се бурида?

ХУРУХ. Дила ахIенси майъа хIебиусив? Дила-декIар хIунтIенав яра цIударав?

ХІЯЙДАР (*полицейскийлизи тIамадишу*). Арукая карцерлизи!

Карцерлизи арку. Сцена цIяббиар. ШалабиубхIели, 3-4 бархIила гIергъи, прокуратурала гъалабла кабинетлизив следователь ХIядар чейур.

ХІЯЙДАР (*полицейскийлизи тIамадишу*). Туснакъварибси Хурух викая!

Пела дигъи някъира, Хурух левку. Илала күц язихъси даражаличib саби. Кайрахъу.

ХІЯЙДАР. ГIяхIилу илкъяйда?! ХIела хIилла иткъяйдара кабизурли саби. Амма хIу мукIурвакIайчи, ил даражаличив кавлад. ХIела чарх хIуни кабуршулри. Гъу, бархъли бура: ГIяхIил хIуни кавшес сегъунсилра сабаб аги. Чини хъарбариба хIечи ил кавшахъес?

ХУРУХ (*лехIкайхъур, висикайрап, гIур хIеийгу-хIеийгули, гIяшили*). Адавзини.

ХІЯЙДАР. Чи бикIара илис?

ХУРУХ. Вайсул.

ХІЯЙДАР. БекI бархIил илкъяйда бурибси виадри, хIечи «илбархIи абульхъуси» ахIенри. Сен ил секIал барри гъатIи? ХIукIун духуси адам сайри.

ХУРУХ. Наб илала рурси Алжанат дигахъулри. Ил секIал барадли, хIед шери лугас, викIи.

ХІЯЙДАР. Гъарил адамла чархличib сунела бекI биэс гIягIиниси саби. ХIилла мурт-биалра цIаххIебиубли кавлуси ахIен.

ХIядарли лишанбарили, полицейскийлизи ил аркахъу. Сцена цIяббиар. 3-4 бархIила гIергъи баягъи кабинетлизиб Вайсулра ил хъариуси следователь ХIядарра чебиур.

ХІЯЙДАР. ХIу гIайиблаиурли республикала Пищевая Промышленностьла министрла заместитель Баракатов ГIяхIил кавшахъес Хурухлис заказ бедни багъандан.

ВАЙСУЛ. Сен илгъуна хъулчиагар пикри акIубли?

ХІЯЙДАР. Сай Хурх мукIурвакIиб.

ВАЙСУЛ. Бугътан саби.

ХІЯЙДАР. Илгъуна бугътан чебихъес халаси сабаб биэс гІягІнили саби, хаслира дудешла узичи.

ВАЙСУЛ. Леб илгъуна халаси сабабра.

ХІЯЙДАР (*тамашавибли*). Се саби ил?

ВАЙСУЛ. Дила рурси сунес шери реда или тиладиикIули, чумал дус дикили сари. Ну къабулхIейкира илала рузикъар риъни багъандан.

ХІЯЙДАР. ХIуни гъар-се секIал ургIерли дурулри.

ВАЙСУЛ. Селичибли кабилзахъулри ил бугътан?

ХІЯЙДАР. Бикърумачибли.

ВАЙСУЛ. Судли ил къяна пужбиру.

ХІЯЙДАР ХIердикIехIе. (Полицейскийлизи тIамадирү гІяйблаирузи арукахъес.)

ВАЙСУЛ. Ну ухIнакаэс хIезиб ихтияр агара – ну республикала Халкъла Собраниела депутат сайра.

ХІЯЙДАР (*печатъбариси кагъарла кIанIи гъабуцили*). ХIера, иш санкция.

Полицейскийли Вайсул арку.

Пардав

АНЦІБУКЬ ВЕРХГІБИЛ

Урег-ибил сурат

Диубти анцIбукунала Гергъи чумал баз ардякы сари. ГІягІилхъа гъалабла хъали. Зубариятра Асила диваничи кабиили гъайбикIули саби.

ЗУБАРИЯТ. Вай гъуя-я! Вайсул бикIуси субалучли бариси! ХІяягар хя! Дудеш чулахъвариб къалли!

АСИЛ. Цаигъбар мицирли кални. Чулахъвиалра дудеш лев.

ЗУБАРИЯТ. Чум-чум дус дедиб викIуда илди хурас, Вайсуллисра Хурухлисра?

АСИЛ. ВеџI-веџIал.

ЗУБАРИЯТ. Бархъси барили саби. Илди субалучунас илдира камли сари.

АСИЛ. Алжанатлара дилара анцIбукъ сен биэсара? Наб дигуси - душма рурси? Ил къалли гІяйбла регI ахIен.

ЗУБАРИЯТ. Иличибад Гурра уркIи чебхIесилрив? Гъалаб разихIебиубти бегIти гъанна разибирап викIулрив, нушала душманти бетаурли Гергъи?

АСИЛ. Бархъли бурили, аба, дила чархлизир гъанна хІаяра дигайра дарс дургъули сари – душма дигуси рурсира инсапра. (*ХIербикIутачи дугъаизурли*) Бурайагу се барышал, чиди гъунчивад ватихъишал?!

Асила телефон зянкъбикIар. Ил лехIихъур.

АСИЛ (*развиубли*). ГъяхIси, гъяхIси, бусягIят дураулхъас! (*Нешличи дугъаилзан*). Азарханализив сагъиубли, дудеш хъули урхъулину, арукес ваши, бикIули саби. (*Хъуливад дураулхъан*.)

Зубарият пикрумазир хъулир сарицун кариили сари.

ЗУБАРИЯТ (*сунези сари ахъли гъайрикIар*). Лерилра нушала халаси игъбар саби ГъяхIил сагъиъни... Алжанатла хъекълизив ил сейкIесара?..Хиллакартас къалли бархъси хъукму барили саби... Саби туснакъла Гъямзилаб алхарти хури!

Гъясначив ГъяхIилра илис гъергъи Асила хъули абицIур.

ЗУБАРИЯТ (*илди чебаили харчрилзан, муруйчи кIанIиркур*). Гъуя – я! Чула жан асартани хъечи каиси бархIи!

ГъяхIил. Иши калниличи шукрудикIехIе. (*Кисализирад дурасили, пистолетла кIел хъярхIя чедиахъу*.) Ишди уркIила мякъларад шалгIердухъири.

ЗУБАРИЯТ. Аллагъизи шукру, Аллагъизи шукру! (*ГъяхIил диванничи кайрахъу*). Ил хъилла бариси чи саял хъуни валултив?

ГъяхIил. Валулра. Следователь Хъядар ну хъариэ ваши. Дагъриличи вакIибхIели, бегI гъалаб илини набзи хъарбаиб, хъу узуси замминистрла хъянчиличи кайэс дигуси чи-биалра левни баладу или. Вайсул урира.

ЗУБАРИЯТ. ЦархIил?

ГъяхIил. Илала узила урши Хурух бикIусилизи ил хъилла барахъилри.

АСИЛ (*уруз-хъяцIи*). Дудеш, сецад абадкабилзули биалра, хъези хъарбаэс Гъямаагарси ца суал леб - се дикIехIе Алжанатличи? Дила уркIи иличибад черабилзули ахIен.

ГъяхIил. Се викIес вирака душма рурсиличила!

АСИЛ. Иличиб се Гъяиба, дудеш, наб ил дигахъулра.

ГъяхIил. Душма рурсиличи хъайчи кайэс дигултив?! КахIейруд! Чинара хъела яхI-хъяя, инсан??!

Унзализи къутIла тIама. Хъули арицIур Алжанат, лебилра тIакIбиргIур.

ГъяхIил. Селичи ракIилри душма къуйрукъ?! ЩаххIебилзулив? Дураухъен хъулирад!

АЛЖАНАТ (*рисирирап*. *ГъяхIилличи дуцIрухъи, къукъуби кIанIодури*). Чевверхи, Аллагъ багъандан. Дудешли итгъуна хъилла барес вирак или наб гъанра хъебикиб, Асила наб дигни багъанданалра.

ГъяхIил. Хъела нургъбани дила арадеш чархIебулхъахъа. Аризину рашен ишарад!

АЛЖАНАТ (*рисули харчрилзан, Зубариятличи кIанIиркур*). Хъунул адами иргъу хъунул адамла децI. Аллагъ багъандан маслигIятбара, тиладибара нушала дигай цурхъаIедиахъес! Асила агарли, наб Гъямру ГъягIили ахIен.

АСИЛ. Дила бегIти разбиалира, хъела дудеш?

Унзализи къутIла тIама. Хъули хапли арицIур Бика. Ил ракIиниличи лебилра тамашабирап.

БИКА. Чердерхиная, хъушачи ракIес урузкIули хъалли, Вайсулла хъарбарь хъясибли ракIибсира. Тиладибирулра, хъушачи белкIунси Вайсулла иш кагъар белчIеная. (*Печатьбарибси кагъарла кIанIи Асилизи бедлуга*.)

АСИЛ (кагъар ахъли бучIа). «Хъурматла Баракатов ГъяхIил! Хъечи иш ка-

гъар лукIулра халаси абадличил. ЛукIулра нуни бариси баркъудиличи ну таманни пашманиубли виъни хIези багъахъес ва ил уркIи-уркIили балтIулра.

Дила тIакъсирилс танбихIлаварилра. Я ил хIярхIбараҳъес чизилра тила-дибирули ахIенра. Ил ихъра ихъис. Иш тиладила кагъар лукIулра дила рурси Алжанатлара, хIела урши Асиллара талихIлис диргалахIевхъахъес ва илди мурадличи баахъес багъандан. Душмандешра Неларад дашули дигули ахIенра. Набчивад чевверхни уркIи-уркIили тиладибирулра. ХIунира гIяхIил балад, нушала дубурланти адам кавшибIели булан чебкабурхути саби. Чебкаберх-урти гIяхIгъубзазира буйгIути саби.

Эгер Алжанатличила Асилла гъалабла пикри кали биалли, магъар дихъахъ-ес ну къабулира. ТалихIчебли биаб цалис ца дигути!

ЦархIилра: дила түкентачи хIеруди бузахъесил гъанна мурул адам агара. Бика сарицун бажардихIериркур. Илди хIянчи гIяхIил дузахъес вирап экономикала факультет белчIунси Асилли. Сунес хIянчира бирап, нушаб – кумекра. ХIунира илдас кумекбарес вируд. Илдигъунти умутчерти ва хIялалти пикру-мани сайра иши кагъар белкIахъес ну гъирварибси.

Рахли вирадли, чевверхи ну меҳIурличивад. Қабулдирадалли, хIечи ва хIела хъалибаргличи саламтачил Ҳанов Вайсул».

Подпись заключенного Ханова Вайсула заверяю начальник тюрьмы полковник:

Подпись и печать

(Р.С.Аликберов)

Кагъар белчIи таманбиубхIели, Асил дудешлицира нешлицира суайчил хIерилзан. Дудеш андаличи някъра чебуцили, хъулив къунзиклар. Лебилра иличи хIерли бирап.

ГIЯХIИЛ (*сунези сай ахъли гъайикIар*). ХIеръагу ца, илкъайда адам хапли варсиэс вирусив?! Сунес къияндикибХелив? Юх, «...танбихI хIярхIбараҳъес тиладиикIули ахIенра» викIули сай..., «ил ихъис» викIули сай.

Ахирра яхI-хIая черсаргъилив?! Илгъуначивад Аллагъра чевкархуси сай, бикIаргу. Даршудешла някъ гъабатурси къабулхIерасли, ну гIяхIгъабзарав?

Жагъилтас талихI булгуси ил ну багъандан къабулхIеришав?!

ТIашиурли.

Лерилра гъамдирия набчи. (*Авалра гъамбирап. ГIяхIилли илди кIанIбуриц.*) Чевкархулра. Мурадличи даабая. (*Лебилра разибирап.*)

АЛЖАНАТ (*къукъализирад дурагухъи, далай бучла*).

**Баркалла дудешунас,
Душмандеш лайдакIибтас,
Дила къакъаси уркIи
КъацIидурцли хIебуцибтас.**

**Эй, дунъяла инсанти,
Душмандешра къясдешра
Мурхъли хIаридахъая,
ХIая мяхIкамли дихIеная.**

Пардав.

Тавсултан СЯГИДОВ



ДОННИЧИБ БЕРКИИБ ДУГИ

Ца дуги циганта ну
Арукира Донничи,
ХөрикЦудра бикЦули
Нушала байрамличи.

ЛямЦливан сукъурварра
Циган рурсила хөрли,
Я наб дунъя гъалабван
АхIен гъанна ахIерли.

Забла гъагулван сарри
Дерхъиби цЦудара гъез,
Арцлаван зайдикЦулри
Илала саркъиби мез.

ЦЦали игусиванри
Вавиар архIяла хIева.
Сарира вишрикЦулри
Хъяшаван хIекъли гъява.

ЦЦябси дуги майдайчиб
Бикъурлири цигай цIа.
УркIбухъи хIербикЦулри
ЦЦябдешлизиси вацIа.

ЦЦа-алав ласбикЦулри
Булхъути циган рурси.
Дугила гъанкI бульули,
ДучЦулри алав цЦурцIби.

Цай къяшмачил ца рурси
ЦЦализи ретицЦулри,
ГЦур, някъби гъакIадили,
Ил хъярхъли кЦунрицЦулри.

Агъ, далуйти илдани
ЦЦала мякълар дучЦути!
ХөрикЦул Гяшикъири
Михъиртачи руржути.

Гитараличир гими
Дисахъулри циганни.
Гъанбикиб, марли, дургар
Ит рурсила гъигъани.

Руржули абалки саб
ЛихIилизисб урцIери,
ТЦамализисб иргъулра
Гъалаб агар руэри.

ЛехIкахъили хIердикIар
Заклизирад зубарти,
ХIебалира илдира
Дизэ дирни мицIирти.

СихIрула дунъялизив,
Марли, гъапулли сайра,
УркIира бикЦули саб
Тяп гитараван зайра.

ЦЦабехI циганти бургар
Булхъули хIебумсути,
Иш дунъя хъумартурли,
Алжа тЦагIям кайсути.

ЖягIяйчи циган бекIил
КъакъаикЦули хIейрап,
Киса бацIли биалра,
Ил ханван хамли вирап.

Шиниша майдан саби
Циганна лебил ваттан.
Пайтунна хула саби
Илала байрахъ булан.

Далайличил, делхъличил
Сар дайм илала жан,
Гечла гъуни саб цига
Иш дунъяличиб алжан.

Донна дублар лералли,
Хъера шала пъякъдикиб,
Цала мякълар дучтути
Далуйтира къайдикиб.

Гъаббикъуси берхъилис
Циганни балга бариб.
Серил лишанбирули,
Гъур кункли някъ гъакъбариб.

Рурбси кункли бетахъиб,
Сабхъеливан шайтъунти.
Бишун цала палдари
Ил майдайчир калунти.

Чинадяхъ ардякъунал,
Урчи булан детахъиб,
«Сен бизура хъед дуги?» –
Дила уртахъ пишахъиб.

Донна дублар, майдайчир
Ахирра шаладикиб,
Цигантала цаличи
Савли марка кабикиб.

Ну шакалра хъейкили,
Гъурра чумал дус дикиб.
Донничи вякъунхъели,
Ит дуги гъансабикиб.

Варгира дила циган,
Тумаван хъяниубли.
– Улкъайуб урчи дигиб,
«Мерседес» хъебиубли, –

Вявъили хя бакъахъиб,
Сунна мякъла кабатур.
Нура Гела катурли,
Дачализи арцахъур.

– Вирхаи, шагъарлизиб
Гъаннара саб къакъали.
Донна дублаб биштъаси
Ташбатурра иш хъали.

Гинцби-хъярби ахъенну,
Тутъира дашихъулра.
Дудешла ит гитара
Хъядухъалли бирхъулра.

Дачализиб биалра,
Урчи бихъес дигулра.
Гъалаб къаяда берхъилис
Савли сужда биулра.

Абикъур циганни ца,
Кадиилра къарличи.
Алавчарти унруби
Лябкути гъур селичи?

Шаладикайчи цигай
Гитарара бисахъи.
Хъулир дариб чаягъири
Унрубира бужахъи.

Марли, дуслизи лебри
Донничиб беркъиб дуги.
Гъачам гъятъи цигайчи
Наб шадив укъес диги.



Мұшатив ғұлжыладлы

Пәнжіліммад Ғұлжыладовліс - 60 дүс



ПИКРУМИ

Нуни хұммартурра
Дигайличила.
Дигай уркілизир
Дишел виубра.
Нуни хұммартурра
Балцуси хұра.
Дунъяли керасиб
Дила хұу, дураз.
Цунси арғанван ну
Гъараҳъ урқулра.

Назмурти агара,
Агара дигай.
Лер чіянкіли бисара
Дягіра бучузи.
Хіябрала ургавра –
Диванчи жаллад...
Гляйіб чичибара
Цундешлис дила?
Глянцирулра занзба
Цунти вавнала.

БЕКІ КЪУХІХІЕБУ ЦАДЛИ

Щудара шурмачиб
Саб ңіба вава.
Талихіван саби ил
Талихі-агрила
Девти глянжилизиб
Гужли сахунси.

Иличи хіеръили
Нуни аргъира.
Якъинси, аринси,
Чис дигаллира

Уббяхъес хіейруси
Мардеш глямрула:

Гъарил вирули сай
Ахіерхіейубли
Чис биалра ухес
Шямван шаласи.
Чіянкіли хіу хіериэс
Глягінили саби
Вашес глямрукадли
Дайм бекі ахъли.

ДЕЛХІУНРАВ, БЕРХИИ ВА ЗАК!

Дудешла къацI гъанницен
ХIерхIейубра, адамти:
Дигахъаси наб закра
Урхънира дигахъира.

Гъарил кIараҳъан гъабзас
Якъинси саб ца секIал:
Урхънала мурхъдешличил
Цугси саб мурхъдеш закла.

БелхIунрив зак! ХIу – БерхIи??
Иру дубурлантани.
Кавказла сири – Каспи.
ХIукму саби Аллагъла.

Гъарил кIараҳъан гъабзас
Сай акIубхIейчирадли

Рамчани – ахъанайти.
Урхъу – дубуртала сири.

Аллагъла икъайчибли
Дагъистайс жавхIейчибад
ХIяна Каспи къяшмау
ТПинтIкабарибси саби.

Се сари ахъанайти
Нушаб? Урхънала хъанцIеш?..
Цалра кIараҳъан илда
КъагъхIейирни – саби мардеш.

Урхънала дублаб нушаб
Дагъиста зак зайдикIар.
Сабухъла къацIличилцун
Иш машгъурси хIебургар.

ГЪАНДИРКАХЪИС

Гъанбиркахъис дила ши.
Дудешла юрт гъараҳълиб.
Сеңад замунти ва гав
Ардяқыил чедирадли.

МалхIямси ванал берхIи...
Илра наб ванабикIи.
ХIера маҳмур къямси, –
Бяхъ нешличи мешуси.

Савлила зарбаб ухар
БекIла чедиб рурхIули.
Неш дила севан жагъили.
Дудеш левал мицIирли.

Дудешла хъалчличивра.
ТIамри чейхур гъараҳъти
Дунъя дила удиб саб.
Чедир – ЧIянкIли зubarти.

Аллагъли гIевуцилра
Дудешра лев, лер нешра.
Даҳъал чедааслира,
Ишав талихIчевлира.

Нешли сунна хъатличил
Ушкули нургъби душIар.
... ХIера мякълав агарли
Дудеш дила ГIяхIгъабза.

ГIямру цIуръакадирү
БакIибси ил балагъли.
Нешра рухънакариур
Нура ахIенра жагъли.

Къарличи вяxI удили
Каркус декIли висули.
... Неш, хIера, севан жагъили.
Дудешра сай мицIирли.

ЗАК ХIУ ГЪАННИ БИСУЛИ

Чис ГIагIили иш гъуни?
Иш чинабияхI аркъуси?
Агара шала закиб
ГъятIбильуми сар гъунчир.

ВатIан убяхIбарес чис,
Чинаб лебси ихтияр?

БукIри умхIи биалли,
Халкъ – маза меҳIеагар.

ХIу аркъулри, бекI къухIли,
Къисматлис райвиубли,
Мискин, пякъир, чевсаргъи!
Зак хIу гъанни бисули.

Шурдатурси
Къасум-Бег МИГЪРАБОВ

„Проза“

Къасум-Бег МИГЪРАБОВ



ШАХЛИ ДИГУБТИ КЬАР

(Хъараҳъуд)

Хъа бухIнаб дуцIбикIуси замгъарайли бегI гIергъи лацла музализи улкайла дукала гъалабван ахIи чумали бяхъиб, ахирра-ахир хIу чевиргъусирив ахIенрив или, ва дячунти шишни вяхярли удидяхI арцур. Удирти дерхIанала, улкъайтала къасурбачи чейгути дяйрала тIамалара илини гIячихъи аргъиб. Улкъай музализи цIапIакунсиван, илала вякъ-къутI детахъиб, гъакIбарибси гIярчумагла шятIван, хъули дягIла тIамацун духIнадиркулри.

«ХIябила анцIбукури къалли хIу наб» пикриухъун ил, амма гIяхIцадхIи кайхъи гIурра калун. Ахирра ил айзур, хIяртдарили къашми чIябарличи гIинидарии. Амма шяркъни хIедаргиб. Балуй шайчи къаш хахамбухъаҳъунхIелира гербизурси шишализи чегиб, алгъай шай chir къалли гербухъунси шиша чегили цархIиллизи, ил биалли итиллизи вякъярла духем каиб. Илини, шалахIеливан, гъабатурли някъ лампочка алкун, улкъайличи гъамиуб. Зумаси галгала кIари дягIли цализи ца хъутриван дирхъулри ва, илдази бархили, дурабикес хIеби-рули, цIумбикIулри. ЦIябдешлизирти илди мер-мерличибад чейгуси шалалиур лямцIдухъи детихъулри ва чучи хасти, кIарала дугъби дурили цIябдешлизи иргъулри. Дура зузбарили бекI, Хатирли ахъли иб:

– Се? Се ири хIуни?

КIари лехIкахъиб, амма камси замана дикили-хIедикили лералли, сагати тIамри тикрардиуб.

– Се гIягIнили? – или илини гъатIира дурабияхI хъяб дурабатур.

Илини иш гъакIисра жаваб аргъхIергъиб. КIарира шипIдяргIиб, шалара кIунбацIиб, замгъарайра беткахъиб. Азгъинни ласухъи, галгалис къакъбарили ил хъули ласяхъиб. ДигIянбикес тIякъ баргес хIебирули халаси цIудара тус-къяка чIябарла гIямзилаб сакIубли бет-сад илцадра сакIубли дуцIбикIулри, хIятта илала къашмала хъябшаръалара Хатирли иргъулри. Иличибад илала хIер диванна гъалар, къамасла шулгIир ва устIулличир тIашти ва гердизурти шишначи. Байхъала бержибси ца шалалиуб раббикIули стакан ухулри. Хатир иличи гъамиуб, мякълаб стакан леблихъалли илизи кахIертIили, раҳбикIахъули къаклизи байхъалацад бацIбариб. Журугбарили мухIли илини мурхъси

гъигъабатур, хункIизи сунтIики дапасахъили устIулличи ил кабихъиб. ТIа-
шти шишнира, илдачи Гинидикили гъала-гъала дянгдухъун. Гур чIябарличи
геркадухъун. Гярякъи лерси шиша устIулла дублаб тIашбизур ва чухди-
кIахъули гярякъи, чуйнарил ита-иша гербухъун. Чух тIашдизурхIели илини
шиша касиб ва гIямзила игъуб. Авараагардеш ва пашмандеш кIундацIилри,
варт игути чархкадли аяздерхурлири. Илини андаличиб багъариубси майала
хIярза хIяршбариб ва гIямзилабси устIулличи гъамиуб. Чумал базра-сера, су-
нези хIябал дев «Урга-дигайла ургуба» делкIунси кIапIиличи хIеризур. Илис
лукIес дигулри, амма вирули ахIенри. Пикруми дашулури, гъав лебсигъунари,
амма лукIахъес гырбикIуси иштхIаги. Илкъяда ардашулури бурхIни, бузри.
Сенира се биалра хIебелкIи иш дуги къалли хIевъус или хъя бирулри, ил мар-
барес, касили ручка устIулла Гелара кайрулри, амма кIапIи щубли кавлулри.
Гайгъайра, илини балулри лерилра сунела гъархIебизунас сабаб.

«ХIу дебали ГяхIси, уркIи гъаргси, малхIямси адам сайри, Хатир. Ди-
гахъеси сайри. Амма хIу хъалибаргла адам ахIенри. Илала вегIбекI ахIенри.
ХIуни цаибил мерличи литература кабалтулри. Дигай, бархбас, хъалибарг
– илдира хIед литературализирти хIела гIямру ва хIу литературализив гIевуцес
багъандан сари или гъанбиркули саб. Чевверхи хIу набчиваад, или рикIули или,
амма хIу урехи агарси, уркIиагарси машиналичи мешукилри. Наб дебали
дигахъулри хIу, къиянни бирар наб хIу гъарахълихIели, амма хIечил гъатIи-
ра къинни саби. Гъалар ну талихIочерили абалтуси дила гъигъра балухIели,
гъанна биалли – хIебалухIели.

– Сен?

– СенахIенну гъанна се-дигара бурес рирухIели хIези, се бурасра хIер-
гъидну.

– **Набзи хIебуреси се лебси хIела?**

– Набчила селра агара. ХIечила сари дила гъай. ХIези нуни гъалаб се-ди-
гара бурес хIериулри, хIу гымхIевкIахъес багъандан, хIу ахIерхIели. Гъар
девличи, гъар пикриличи чекайзурли вирадину. Гъанна хIу лехIихъули хъалли
дурутала дайхъала хIергъулри. Варскайруд или, цархIил дунъяли асар биру
или пикрибарили хIу Монголиялизи укъяхъес разирикира ну. ЧарухъунхIе-
ли, гайгъайра лебри барсдеш, амма камси замана дикибхIели хIу баягъи ил
даражаличи викири.

– **Се саби набзиб барсбиубси? Ахирра ахир, хIушачи, уршиличира
хIечира къалли варсхIейбулира ну. Я вирхIейрус.**

– Чебиулрив? ХIуни ил секIалра, хIела рухIла дунъяла гъузгъалдидеш,
илала бархидеш хIела арила дурарван сари. Юх, нуша илала дураг сарра
рикIули ахIенра. Нуша лерра илар, амма замана-замана сарра нуша хIед гъан-
диркути. Бирар бургар илгъуна аги алкIули лукIусила гIамрулизиб цацахIели.
ХIечилра ил бургар биубси... Сен биалра, наб ГIядабли саби, хIятта хIу гъа-
рахъиркуливан билзули. Ну цундешла къялшуба руцишагу или урухkIулра.
Риасра, ну хIерли рируз. ХIела рухIли жиибхIели рапраба ва аррукаба...

Нуни балулра, цацахIели чус дигути хъунул адамтира мурул адамтани
чула арилиу биркахъули бирар, илдазибад ил ари кебасили. Илдас дигахъу
илди чула дяхIцIили биубли, дайм чула хIерлиуб биубли. Гур къанни, хъунул
адамла сари регIси тIалаб-ихтиярла илдала дунъя тамай кIунбацIибхIели,
илдачи диги ва хIасратдеш дубкIахъу ва чузи саби хъарбикIар: се багъандан
дигахъутирира ишди нушаб?

— Марлира илкъяйда пикриикIултив набчила хIу? ХIела ари кебасира нуни рикIултив хIу?

— ХIу пикрирухъен, илкъяйда сабил ахIенал. Белики илкъяйда, ригахъули лералрал ахIенрал хъарикIули хIейэсра асубирап, амма ил агиличи гъамлира нуша. Сецад дигули риаслира, диг къалли дебали дигулри, риаслира, дебали гIядабли саби.

— Наб хIура дигулри, дигра ибхIели я хIуйчир дигути иш дунъяличир жан диубти ахIен...»

Ил ихтилатис гIергъи Хатирлис дудешла дяхI гъаладизур. Илди итхIели сунечил гъайикIухIеливан шалалири, хIулбани къакъадеш ва пашмандеш иртIулри.

«Наб, дила урши, — вехIихъиб ил, гъар дев малхIямли къалабахIейкIули бурули, — хлечил ихтилат барес дигулра. ХIела кIел жуз делчIунра нуни ва дила пикруми акIуб. Адам хатIаиркуси, чевулкIуси вархъли пикриикIес хIебалухIели ахIен, межIурли хIериубхIели сай. ХIу межIурли хIериулури викIули ахIенра ну, амма хIела гIямру гъамадти ахIен. Къияндешуни, гъаза яра гъалабизуни агарли хIериэс хIебалусиван сайра хIу. ИлдагIив умцIули. Цараван хIериэс хIебалусиван. Белики виштIахIейчид хIела тIабигIятлизи хъурабиубси, чараагарси къиликъ би эсра асубирап ил. Гъугу, наб бурес дигуси иличил ахIенну. Наб дигулра хIела белкIаначила, урши. Гъай агара тIабигIят сипатбарес балулри. ИштихIличил делчIунра илди. Амма илабти хIела адамти, бутIакъянчиби ца тамашали сипатуни агарти саби. хIебалас, белики илгъуна тхIярра бургар литературализиб, амма ил се күц-кабизла саял, сегъунти дяхI — асла саял багъес агара. Ил цашибил. Кли билгъунара, дила урши, ишди даргантигъунти ахIен. СенахIенну шилизивси адам илкъяйда, иш жузлизивсиван, — илини мякълабси уталичибси жуз сабяхъили, чеди руржуси хъат кабихъиб.

— ЛехIахъи набчи, хIерикIен сейкIулил ишавси хIенкъула:

— «Нуни чедиулра дила гъамталара шанталара, балу-бирхуталара хIера-нира дяхIра. Нура, дихIули ахъти пикруми, бекIил цархIил къисматличила пикриикIусири. ГъанхIебикиб ишгъуна набчил бетаэс бирап или. Амма бетарули саби...» Иш «Кумхаси дяхIликала» бикIуси хабарлизибад бучIулра нуни. Ишди дукикъяна Шихшунатла гъай сари. вирхаи, урши, дукикъянаби, букIуни ва аршикъянаби илкъяйда гъайхIебикIар. Илди гIядатли, халкъла гIядатуни пайдаладарии, гъамадли. Илдала гъай шинна чухван дирап. Ишавси дукикъяна илкъяйда ахIен, урус мезли пикриикIусиван гъайикIули сай. Дубурлан адам гъайикIухIели тамашали дахъал мешубуцуни, айтуби, буралаби дузахъули вирап. Халкъла мухIила пагъмура камли пайдалабибулри. БелчIен сагали ва пикриухъен, урши.

Хатир дудешличи уркIухънилара тамашаиънила асарлиув, се ирусил хIебалули, циваили хIулби, шипIяргIилри.

— ХIуни ну, дудеш, замана-замана уркIиулра. Мурталра гъанхIебикиб чекайзурли, пикриличил жуз бучIад или. Иличила хIу вегIси пикри цалабирхъяд или. ИлхIелира хIекъли бархъси. ГIе, илди хIуни дурибти тяхIурти дузахъес гIягIнили саби, хIялтта цацахIели гIягIнидеш лебли хIебиалра дяхI, къянкъ, анда, кIунтIби ва чарх сипатдирес.

— Сен?

— СенахIенну, дудеш, масала рурсила жагадеш ва илала кагIебдеш чедаахъес багъандан, илди, илала чархла биркIанти сипатдарес гIягIнидеш хIебирап,

рурси азбарлизи дурагурухъунхели яра делхъла мявализи карацИбхели лебил-ра иличи хIербизур ва илдала хIулби цIивдизур ва баҳъалгъунти, гъигъ-гъигъ балли ташаили, къаркъакауртиван шипIбяргIиб или белкIалли. Ил рурси дебали жагаси риъни иргъахъуси саби илди адамтала хIеранани . ахIену?

– Саби.

– Амма халкъла мухIила пагъму, пасихIти пикруми пайдалахIедирнили-чила хIела пикриличил къабуллира. Ишав хIу вархълири. Итил пикрилизивра вархълири хIу, дудеш, сенахIенну гъарил адамла сунела дяхI-някъра, куц-ка-бизра, сунечицуn хасси тIабигIятра дирути сари. Илди тяхIурти хIедузахъалли, агъ, севан анцIбукуеси ва хIархIси бетараарал белкI...»

УстIулличибси кIапIи илини бехI тIулба буцили сунечибяхI зузбариб ва гIямзилабси лугIиличи хIеризурли леб мерличиб батур. БелкI мартличиб барилри, гъанна биалли августла ахир сабри. Ил манзилла бухIнаб илини белкIунси аги. ЧянкIли илди хIябал дев сарри. «Урга – дигайла ургуба». Монголиялизи вякъунхели акIубси пикри сабри ил...

Март базла цашибти бурхIни ванзакад, янила симкъла уркIециагарли дил-шули, бушкала-дягI чедибуркIули даткадихъилри. Улкъайла гъала кайили ил лукIулри телефон занкъбухъунхели. Итил шайчибадли хъунул адамла ЧIярбикIуси тIама зайбухъун.

– Хатир Саримович, Монголиялизибадли хIед виза бакIили леб.

– Чили саби? Намсрайли хIебиалли?

– Саби.

Пикрилра хIевхъи, къалабали дураулкнала паспорт бараҳъили, ил ита арякъун.

Адамла тIабигIятла ца бутIала: дубурла, авлахъла, хIеркIла, капарайла у аргъибхели гъарилла аргъайзб илдачилла къяна-пикри алкIуси саби, хIу илдачил къаршихIейкили хъалли. Монголия тамашали къяркъси, сунеласун, сунечи хасли жагаси улка бинниличила ил къяна-сурат Хатирла пикрилизира, школала партала Гела кайибхIейчибад сунени Монголия ибси дев бегI гъалаб аргъибхIейчибад акIубли лебсири. Ил пикрилизи ил гъумла авлахъунар, диркъти сагначир руржуси шанглар пушягIунаци мешути гъалагти музурбар, мер-мерличир кадухъунти хIуркIбар ва лерилра авлахъуни урчара, мазаслира, валруманира кIапIдарибси улка сабри. ЛергIер камти мицIир жан дируси Габи ва Хинган бикIути чIянкIурбар ва мурталра миъби хIедицIуси хIурхъла сиртанар биънира балулри.

Чумал дус гъалав вархли учIуси Намсрайличил Хатирли камти къашI дер-кунти ахIенри. Дебали малхIямси тIабигIятла вегI, се заманалра устIулла Гелав вируси ил гъанна сунела ватIайзив культурала министр сайри. Иличила Хатирли балулри. Иличибра гъамти, уркIилис дигути юлдашуни бири илала, амма виза иличибад бакIилри.

«Сен? – пикриухъунсири бусягIят Хатир, сунези иличила багъахъурмад. – сунела гIямруличила ва гъарбизуначила багъахъес багъандан? Байрамличи? Сай акIубси бархIилис багъишлабариси сяхIбатличи? Урши акIнила байрам-личи хIейасли? Селичи-дигара виасгу, живарили виасли, хIебиалли илини ну юлдашлизи халирулра, набчилла хъумартурли ахIен ва ну илис гIягIнилира. ХIебиалли аркъяс. Шадив вашеси, архIяби дурадуркIеси аги хIебиалра (Байнатлара илалара ургала бижгурси манзил сабри), аркъяс. Белики гъар секIал дарскадиэс, багаласили архIя уббухъес? Аркъяс...»

(Хъараҳъуд бирар).

Сагаси жуз бүгінші

ДАРГАНТАЛА УРКІБАЗИ ВИУР

Гъай пагъумчевси поэт-мугІяллим Имин МяхІяммадовличила сари. Камси гъалабван илала «МицІирти дяxІцурбі» бикІуси жуз дурабухъун. Гъанналис хІябЦали дус гъаларра Иминна жузлис даили имцІара духъари назмурти лерри. ИлхІейс илала далуйти детаэс далқаурти ва далайчиба иштхІличил дучЧути назмурти булан лерри.

Имин ункъли вагъес къадарбиуб наб, сенкІун ил учІуси замана ДГУ-ла филологияла факультетлизив нура учІусири. Ил наб дус гъалав керхурсири учІесра. Гъямрули ил набчив халаси сайри. Гъяскарла къяназиб къулукъбарили гЕргъи, университетлизи керхес гъалав ил кІел дус Ахъушала районна «Ильичла гъуни» газетала редакциялизив узули калесра валкъаурлири. Назмуртира Иминни итхІелил лукІулри. ЛукІулицунра ахІенрину, илди жагаси макъамличил дучІра дучЧулри. Дигахъира нушаб илала далуйтаки лехІихъес. Мандолина илини бисахъи аллира хатІа бетхІерар. ШятІахъиличир илини дирхъути пергер макъамтачила къалли селра викІули ахІенра, сенкІун илдачи лехІизурсилилерилра Гъямрулис гУр хъумхІерту.



Чумал дус гъалавра Имин МяхІяммадовичи Усишала шилизи пасихІси Писки МяхІличил варх шадив вякъунра. ИтхІели бетаурси байрам ишбархІира хъумартурли ахІенра. Пискира Иминра яргали далайбикІи. Юх, театрлизибра чехІебаира нуни илдигъунти артистуни. Илдала пагъумрата уркІаъниличила хабар нуни сайра лукІуси нушала юлдаш МяхІяммад Къаратовлизи чуйнал бурилра. «Тикраарбарес чебиркур», – викІули сай ил гъарил яргализив, амма сягІят мурт сабиурал. Сепайда итхІели илдала далуйти видеолизи касибити диахІелри, даргантас сегъуна байрам бирил! ВикІулрагу, нушани, даргантани, пагъумрти къиматладирес балули ахІенра. Илдазирад мяхІрумдиубли гЕргъицун сарра илдала черкад пикридулхъути ва гъай-Гъайиб-гъай дикІути.

ХІера Имин МяхІяммадова бара типографиялизибад дурабухъунси «МицІирти дяxІцурбі» бикІуси жуз някъбази бурцулра. Ил жузлизи кадяхъес хІядурдарибы назмуртазирад цацаdexI «Гъалмагъдеш» журналлизирра дурадухъун ва бучІантачи даиб. Жузлизивад учІулра, амма хІулбала гъалав сай Имин сай: дунъяличи бегІ гъалаб чебиухІеливан тамашавиубли хІерикІуси, гъаргалар хІязтадиркүти мукърази гъайкайкІуси, хІулби чедихъили шятІахъи бирхъуси, сунела юртличи бяxІиси дубурла катруглизир чедиути мурталра шиништи ядала галгубас пишхъибси.

Ишдус литературала Дус саблин багъахъурси саби. ХІерагу ца, Иминна жуз дурабухънира ил дусличил бархбикили саби! Илинира нушаб имкан лугули саби дуслис Литературала дикІахъес.

Имин МяхІяммадовла бузериличила ва Гіамруличила дахъал тамашала баянти дурес вирази нуни, амма иш яргалис илала творчестволичила имціали бурни лайикъли чебиулра.

Жуз кіел бутіализибад цалабикили саби: «Кіиібил уркі» ва «Бисмилла буқхібус» бикіту. Цаибил бутіализир сари назмуртира, далуйтира, багъишлабира. Кіиібил бутіа биалли «МяхІкамдарайа дигай» бикіуси поэма-пьеса саби.

И. МяхІяммадовла назмуртала лугілизир Совет хікуматла замана делкіунтира лер, перестройка бикіуси мусибатла замана делкіунтира къаршидиркули сари, рухіла дунъя таймай дарбадягъинбиубси ва адамтазир адаб-хіяя кутурдиубси ишхіелла белгиагарси заманала жапати Гіамрулис багъишладирибти белкінира лер. Имин къас-къасли ца яра чумал темалис багъишладарибти назмурти лукіутазивад ахіен. Илини гъаланачи сегъуна-биалра тема чеббікіли ва илала чевкад узули произведениеи алкіахъули хіейрап. Илис лукіахъес темаби Гіамрули сахаватли гъаладирхъули сари. Ил сунени ункъли далути секіайчила виар назмурта лукіуси. Гіамрулизир кадиркути анцібукунира илала цацадең назмурти делкінилис сабабли дирути анцібукунира къаршидиркули дира.

Жуз «Дагъиста университет» бикіуси поэмализибад бутіаличил бехі-бирхъули саби. Лерилра Гіамру дурхіни бучахънилис дедибси Иминни сай учіули калунси Гілмула Гіевдухъличила дахъал пергер пикруми дурули сай, илизир деркібти дусми сунела Гіамрула бегілара Гіахітази халдирули сай, гъалмагъуни гъанбиркахъули сай. Наслубала ургарты бархбасунала масъала ахъбурцули сай. Ишар илала лергіер жагали каргъурти цацадең түгъи тикрап-дарес хіяздулхъули сари.

**Замана, замана...Чинабри гъанна?
Шалғіббухъун лямціван, арбякъун жявлі!
Ва, шалал Гіякъули ухул анкъаниб,
Чебаа нушала уршби бучіули...**

Иминна халати устадеш лер мурхъси мягіна бухінабуцибти, уркіила дархібти хіялани булан камти гъайличил иргъахъес. Илини селра имціаси балтули ахіен. Жагали зайдикіту дугъби чердиркіесра устадеш лерни чебиули саби. Хіера илини секъяйда сипатриули рапх ручули калунси исбагы:

**...Гъанриркур миршгъунти шулаби кайсан.
Атъ, илала хіулби, набчи Гіяшикъти!
Гъаннара аргъайзир лерал ухули.**

Советский манзиллизив бузерила адам вири поэзияла игит. Илис сайри итхіели И. МяхІяммадовра бузерила адамличи карціси ва илис далайикіуси, бузерила адамла хіурмат лебси Вайтіайс дезааикіуси.

**Ванабара Гіялам халкъ,
Хіерейс кабиъ агарти,
Эркинси улка белшес
Бузули хібумсуги.**

Камси сектайчира тамашаирес бални адамлизиб лебси пагъмула лишанта-зидад ца саби. Иш жузлизи каберхахъурси «Агъ, тамаша, Манташа!» биктуси назму жявлил далай бетаурли саби ва усанта шадлихъунашиб иштихъяличил бучтули саби. Ил масхарала далай саби ва лехихъуси пяшхъяхъили уэс хей-пар. Усишанти гъарушла бурибти устнази халбируты саби. Иминна далайла игитра гъарушла рурибси уста сари. Хлера сегъунти дугъби даргилил илини Манташа гаппаратес:

**Дири илини гъаруш,
Агъ, усанти, тата-а-ша!
Гъаннара илала у
Гъанбуршу дила шанта.**

**Гаши-гъяйхъла дусмазиб
Дила ши берцахъиби,
Вавнала, къарла тъемти,
Хъула гъянжила рангти,
Хъубзарла майагъунти,
Хъулухъмани диркъути.**

Хела хулбала гъалар сари гъаруш лерхъелигъуна хял алктули саби. Гъайла уста илкъяды сай вагъес вируси. Назмула ца тахта тикрарбарес хяжат-биркути анцбукуну диар. Назму каргънила ил хасдеш И. Мяхъяммадовли устадешличил пайдалабарес балули сай.

Имин Мяхъяммадовла дебали халаси философияла мягъиналичилти назмуртира лер. Илдазир илини дебали тамашала масъулти ташдалтули сай. Ил сунези сай ахъли суаликтули сай. Илхъелира цали итил урдирхъути пикруми дурули. Илкъяды каргъурси илала назмулизиб арагъебли поэмализибцад мягъина булан леб. Камти гъайличил халаси мягъина аргъахъес бажардиникили сай поэт «Чи сайра ну?» биктуси назмулизив.

**Калунсири нура
Муртрыл гушли, виргтули,
Адамлис кумекбарни
Чеблализи буйгтули.**

**Вархилрил, валкъхеуррал,
Хейрулрил, хебагъуррал,
Сенрил цалис кумекла
Някъ гъабуцес хейубра...**

**Набчила къел пикри лер,
Нура дяхъцирагъунти:
Чидил пикри лайикъисил,
Белгибараая, шанти...**

Поэтли дяхъциурби гурра чумал мерличир гъандуршули сай. Илхъелира илини дяхъциурби чемягънали духънадирцыхъули сай, ва илдан бихуси мах имцабирахъули саби. Бахъал цархъилтала творчестволичил ункъли тянишси виънилис бикъридеш дируси устадешла лишан саби ил.

Учаннизир гъяжаибти хъялани алкъахъули сари «Далайла цакъ агара» бикъуси назмулизиб И. Мяхъяммадовли буруси гъяжаибси пикрили. Нушаникъун гъаннара хъумартурли ахъенра далай белчъини багъандан хабарла Батирайла гъякъалис унц лугъули калниличила. Поэтла ил агархъели, далай бакъес дигута гъякъалис белгъахъес унц асес арц дучили, бучъахъули буили саби илизи далай. Ишбархъи далайличи тъалаб камбънилис саркъибси сабаб баргили сай И. Мяхъяммадовли. Илини бурибси пикрили учан мурхъли пикриулхъахъули сай нуша хъердируси заманала чевкад.

**Вашу-вашукад саби
Нуни макъам бурчуси,
Вашу-вашукад саби
Хъябкуб цахънабирхъуси.**

**Хъалибарг абиқъессад
Далайла цакъ агара,
Кайили пикриухъес
Дила гъямал агара...**

1966 ибил дуслизибал белкъунси назму саби ил, гъанналичи бикайчи нушачи хъебаили кали хъалли. Вархъли викъули сай поэт. Назмурта лукъулицун яшав барити Дагъиста поэтунци ца някъла тъулбачиб бейгъес вирап, гъамсигъуна челякъвализизиб илдигъунти бирниличи бирхаудира агара. Иш назмулизив поэт далайла цакъ агара викъуси хъязлис ахъен, илис ургъебси пикри саби бурес дигуси – ил далайла цакъ леб викъули сай, учанни илис бурес дигусира иргъули сай.

Гъарил поэт сунела заманала игит сай. Илала творчествоизир халкъла гъямулертигъунтили сипатдирули сари. Социалист реализма замана поэтуналара хасият бири гъяму чус диубли дигутигъунтили чедиахъуси. Ил журала произведениеи лукъантас итхъели илди дурайэсра гъамадли сабри. Гъямулизи мурхъли халтъикъуси поэт итхъели гъамадли вайси хъерлиу виркусири. Ишбархъи се-дигара белкъахъес чилра диргалуулхъули ахъен. Гъяму, хъейгеси биаллира, жапати детаурли сари. Гъайгъай, писательтания поэтунани хъям-къацъира такъсирти дирнира тъашаэс хъебирар, илдачи ил барес чебсира ахъен. Амма адамти илдала пикриличи лехъихъули саби. Адамти гъямулизир кадиркути анцъбукунуналы чебкад пикриулхъахъес вирули гъергъи, поэтли сунела чебла таманбирнули сай или бурес вирап. Гъяму къалабали дарсдирули сари, гъяхъисири илди гъяхъила шайчир дарсдирути диалри. Ил саби адамтас дигусира.

Поэт сайлин И. Мяхъяммадовлиса зурбаси улка пашбехъни гъяхъебизур. Гъур кадизурти ряхъяма ва къармакъар аргъес хъейрули калун. Нушала улкализир кадиркути анцъбукуникъун чилилра аргъес ва дархъли кыматладарес вирули ахъен. Къулайдеш бирар или дурадуркъути далдуунаны булан палакатдеш бихулри. Адамтазирти адаб-хъяя палакатдирулри. Динни дахъял гъяхъидешуны лерху или хъулбикъути лебри, амма илди хъулани гъардизур дикъес ишбархъи сабаб агара: веңгани азиртадли хъяжбарес башули саби, мутьмин адамти биалли имцъабикъули ахъен. Динна хъулчилличиб булан адамти халати къукъначи декъаркабиркули саби ва барсбургъули саби. Хъера

сегъуна назму белкIунал И. МяхIяммдовди I992 ибил дуслизиб. Илис «Чили? Сен? Се багъандан?» ибси у бедили сай. ХIера се чейсулил шила бекI ветаэс вализурси хасмушли:

«Нагагь шанта викIасли,
Галли хIякимла ута,
ХIябкаси гъаза бирис,
Игъубли буркъа хIяка!

Гаша убкIус, хIярамси
ХIебукас къацIла бутIа!
Шилтхаш шайгIиб шантала
БетхIейхъур хIешла хъитIа!

ХIябкариес хIякимта
Талапбарибси давла.
ХIинцIбикIули хIербирап
Ша бухIнаб бухъна-хъяя!»

Бур ца бурули, бир цархIил бируси замана бакIиб. ХIяkitмтира, депутатунира халкъла бирхаудилиубад бухъун. ХIера илди поэтли сели биркъули чебиулил:

Гъар секIал дарскадиуб,
БикIибла КъерхIе Къурга.
Илис нукербиубла
Дахъдагъла ХъунцIбар Гурда.

Шел бутIаличи бутиб
ХункIван уржибси шира,
ШутIни-къумба дицIахъиб
Шантала анкъурбира.

Аги-къайда сен илдигъунти кадизуртил сай поэтлира балули ахIен. Амма илини суал бугали ташбалтули сай:

...Гъанна шила гумайлаб
Миршван тIашли леб суал,
Я шилизиб я дураб
Баргайчи хIерли жаваб:

Се мурадли, се къасли
Чили сен? Се багъандан
Низам агар бируси
АхIамакъ низамла ВатIан?!

Жузлизир биштIатасра халатасра хасдариби дахъал белкIани лер. Илбагъандан И. МяхIяммадовла «МицIирти дяхIцIурби» школала Гъамрула дурхIни лебси гъарил хъалибарглизиб манпагIятлабирап.

ДекIарли бурес хIяжатбиркур жузлизиби «МяхIкамдарая дигай» бикIуси поэма-пъесаличила. Дебали жагали каргъурти мез сари илала. Игитунала гъайлизир дахъал буралаби, зайдикIути дугъбала цалабяхъуни, айтуби къаршидиркули сари. Мезличиб илцад хIянчи бирути лукIутала ургаб баҳъал

хIебургар. Ил пьеса радио-спектакльян пайдалабарес ГяxIсири, далуйтира музыкара имцIали диахъубли. Театрли бусягIятла замана ил сценаличиб кабихъес мажахIят биэс. ГяxIсири биалри, илхIели гъаннала даргантани чебии сегъуна бирусирил гъарли-марси даргантала мекъ!

Саби пьеса къалли хIербикIутас лебгIеб гяxIбизеси мягIнала саби. Ила-ла бершализидарра нушани багъес дирулра, секъядали И. МяхIяммадовли халкъла Гядатуни, фольклор ункъли далулил ва ил шайчирти имканти сунела творчестволизир устадешличил пайдаладибулил. Жузли учIан дигалли пишир-хъяхъу, дигалли гъинчIилзахъу, белчIунсила чевкад цархIилтази гъайкавхъес хIяздулхъахъу. Бархъли бурулра, бикъурси жуз саби, цIедешлизибгъуна сунечи хасси тIемра лебси.

БучIантани ил разили къабулра биру. Амма илала тираж халаси ахIен – 300 жуз сари дураибти. Илдицад даргала шимазир школабицун лер.


Ца гъатИ сектайчила хIебурес асухIебирар. Дагъиста жузала издательство-ли саби ил дураибси. Амма жузла корректура белчIи саби викIес къиянни саби, сенкIун дебали дахъал хатIаби уркалыхъи сари. Адамтала уми булан биштIаси хIярпличил делкIи сари. Пьесала игитунала биалли дебали камли къаршидиркути уми сари: Такъу, Гясту, Хайбу, Гуржи, Бузлар, Вазнар ва цархIилти. БелкIлизир биштIаси хIярпличил делкIунти илди уми дийни итмадан багъес вирули ахIен, ва белкIунсила мягIна аргъес къиянбулхъули саби. Илгъуна нукъсандеш хIебатес вирусири.

Ге, чи сейкIалра, селичилра хIерхIеили, «МицIирти дяxIцIурби» пер-гер жуз саби литературала Дуслизиб дурабухъунси. Нушала юлдаш Имин МяхIяммадовлис даргантас илгъуна савгъат хIядурбарни багъандан баркалла багъахъес дигулра. Ва вирхес дигулра, илини нуша Гурра сагаси жузличил разидирниличи, илалакIун дураэс хIядурдарибити назммутира хабуртира Гурра дахъал лер. ХIязлис ахIенгу «Ца къясличиб дагъа тIашли хIебуар» бикIути.

Тавсултан СягIидов



Проза



Махмад
Къаратов

ДИУБТИ АНЦІБУКЬУНИ БИЛЕТ ХІЕБИКИБСИ

Ахъушала районнисив узуси замана нуну ца ишгъуна хабар бакъибсири. Набзи ил хабар бурибсил хабарла г'ергъи хъарбаисири, Писки Мяхли саби бик'улиги или ибси, бархъсира ил? Ил хабарличила нуну Пискизи хъарбаира. Илини буриб, хабарлизивси сай ах'енра или. Ил адамла у буриб набзи. Амма гъанна гъанбиркули ах'ен.

Хабарла мяг'на биалли, ишгъуна сабри:

Ахъушала шилизиси културала Кіалг'ялизыб чебиахъули буили саби халкълис дебали г'ях'дилзути Индияла кинобазибад ца. Индияла кино чебиахъух'ели гъар чинаралра залани гарчли дирц'утыри, ташизесалра мер агарли.

Х'ера илгъуна кино чебаахъес х'ядурбарили буили саби Ахъушабра. Билетуни хъямдарили асили сари. Бег'ла г'ергъити х'ябал адам кали саби билетуни дирцуси кассала гъалаб. Калунти билетуни биалли к'ел дуили сари. Гъалабти к'елра мурулхъунул ца-ца х'ули агарти буили саби. Илдани сасили к'елра билет вег'г'ергъи ташизурси билет агарли кали сай.

К'елра билет асибити цах'улантি мурул-хъунайзи билет х'ебикибси вик'ули сай:
– Х'ушаб к'ел х'улилис ца билет биурну, ца наб гая. «Ца билетлис к'елра х'едурхъура» или, илдани илис билет бедили ах'ен.

Ростовла областъла Ремонтный районна ца хозяйственлизив миц'ирагличив сунела хъалибаргличил узули Х'ясан бик'уси юлдаш лев дила. Бахъал дурх'инала бег' пергер хъалибаргла бек' сай ил. Итав вирух'елира, Дагъистайзивад Калмыкиялизи вякъунх'елира.

Баягъи ил Ахъушаб билетла х'екълизиб биубси хабар бакъили г'ергъира вякъунра ну Х'ясайчи шадив. Батбухъунси къумурла г'ела кадиб'ели, нуну Ахъушаб бакъибси хабар бурулра Х'ясайзи. Тахличи кайбси ил, къакъличи геризурли, герик'ули ахъли г'як-г'якик'и.

-- Ягъари, юлдаш Х'ясан, х'ебакъибсирив х'уни ил хабар? -- хъарбиулра илизи.
Ил биалли гъат'ира ахъли дукарк'ули сай, нургъба к'ант'ик'ули.

Х'илх'и дукелц'ира ташаили, нургъбира душкили, вик'ули сай ил набзи:

– Илди к'елра ца-ца х'ули агарти мурул-хъунул дила дудешра нешра буйти саби.

Илх'ели ну урк'ухъи х'якизурра, бурусличи вархъх'елзули. Марли вик'усирив х'у? – хъарбаира нуну Х'ясайзи. Ил манзиллизив ну шакирира виаслира, илала нешра-дудешра ца-ца х'ули агарти бильниличи. Балутири къалли нуну юлдашла бег'ти...

ДАРГ ДИРЦИШАВ?..

Ца гъачамра илкъайда ХІясанхъайчи шадив вякъунхІели, мурталраван разили гъунибаиб наб мурул-хъунул ва мурт чи укъяллира бирусигъуна хурмат барип дила. Уршбази белгъахъун биштіал гидира, хъараҳъла гълабси халаси шараплизиб буцибси бялихъра хахъиб. Илини балусири наб бялихъ дигни. Делхъахъун гидила бизити дійбира. Халаси ва церхъеси бялихъра.

Гай-гъайра, къумурлизир лерри хурегличи иштяхІ ахъбирахъути «цала шинра». Дуки, делкъи тахличи гердизурли лерли, юлдашла хъунул Патімат рикүли сари: МяхІяммад, чаяла бирцісра.

Дарг дирцишав? – викіулра ну илизи.

Нушани деркунтала къумурличира хіеръили, тамашариубли, илини сунела муруйчи ца тамашали хіеръиб. ХІясан илавра тахличив геризур ва виругчев ахъли дукаряхІиб, илис гелавад нура.

– Гляжаибли уркілаири хъуни дила рухъна, -- викілар ил набзи.

– Марли тамашариахъубра хіела хабчаб нуни, великъи хіейалли ихъайда укунхІели, Гур сели вахищара или пикрирухъи рурги ил итмаданал. АхІенрив гъятІи, Патімат? – дугъайзурра ну мякълар ташси иличи.

– Гур гъятІи, ца-ца шиша гіяркыилара держили, илкъайда гіяхІил дукра дукунхІели, хіебелкъира или гъанбикіб бархъли бурасли, – рикілар ил. «Дарг дирцишав?» ибси дила масхара саби, уркіли бирхуси мерличиб буруси.

ПАЧА - БЯЛИХЪ

Ца гъачам Гляяла базарличи вякъунхІели, ца шилан юлдашра нура бялихъуни дирцуши мерличи гъамдиубра. Миъдяргіяхъиби, илар далгъи кіантідиубти ахІи, камси гъаларван дуцибити бялихъуни аги ил бархІи базарличир.

Бялихъуни дирцуши ца цудхъран хъунул адам, ГляхІти бялихъуни сари «Царская рыба», бикіуті асаягу рикіухІели, дила юлдашли асіб ца-чумал килограмм. Сеңад дигахъули виаслира, ил бархІи нуни бялихъуни хіесира гіяхІедизурхІели. ГіяхІедизес дирапу, чумал базарлис дихули сари илди, илар далгъи кіантідиубти, хъули ардухібхІели сагали миъдяргіяхъили. Бялихъунала мягІини хіебалутани, амма деркес дигутани исули къалли илди.

Хіера, ит баягъи юлдаш къаршивикиб чумал бархІила гіергьи.

– Ағы, юлдаш, – викілар ил набзи, – Гляжаиби бялихъуни дуилри итхІели базарличир нуни асібти.

– Селизирад Гляжаибири, дерціири, деркунри, дебали гіяхІедизурли дурғи? Набзи вявалра хіеиригу, сегъунтирил тіем багъахъесалра. «Пачнала бялихъ» нунира беркунси ахІен гъачамалра.

– Дерцірагу, амма гапла ахІенри. Илди ахІесили ахъушала картошка асібси виасри гъалар дири.

– Сен дебали пашманвиубсири илди асниличи, дирцушили къалли дебали гапдариб «Царский бялихъуни сари» рикүли.

– Валлагъ, юлдаш, гапдарес аги илди. Итдигъунти бялихъунан биалли, пачни букути, ГляхІиси-вайси, бизиси бялихъла тіем балули буили ахІен илданни. Гурра пачни сарра нушан или, къугънара биркъули саби адамташиб. Илди бялихъуназиб Глявадешла сегъуналра къел-хіерзилра аги.

– Эй, юлдаш, илдани чус деркес бялихъуни нушани къайда Гляяла базарличирад асути ахІенну, дуцили шиннизирад бара дурасиби дихути сари илдас. Кіибилгъунара, илди дуціухІели зеладирес гіягІнити сари. Гур хіела хъунуй хіебалусив илди зеладарили дуціти дійни?

– Ит замана хъунул хъули агарли, нуни дерціибири. Илди зеладирни хіебагъурра нуни. Урхънала зукъити шиннизир акіубти, илар халадаиби илди зела дарес гіягІнити дійни хіебалусири нуни.

СУНЕС СУНЕНИ ПУКЬА АБИТІУН

Алапара касили, ца урус хъули чарулхъули хІянчиличивад. Арц кисалар лерхІели, камсилра хІебержили чи уара гъатІи, хаслира бархІи ахъайчи узули вамсурси.

ХІера, уруса аціб чарулхъуси гъунчіб лебси хупІханализи, сабира къаршихІебикес Гіямалагарси мерличиб тІашси. Илаб къаршибикиби, барх бузути юлдашуначил пивола, чягъирла бержили, ца гІяхІил гъавра бакІахъили хъули чарулхъулри ил. Хъули аркүхІели гъунчіб къаршибиркуси, сунела юртличибад гъараҳъли ахІи мерлабиубси берк-бержла туке гъала аибхІели, илини пикрибариб. Хъули вякъи Гергъи чариубли хІекІес багъандан хъулиб хІяжатбикеси беркеси ва продуктуни асес.

Тукейзи ацІибхІели, адаматала гъалав арцлизив хІеркъес или, сунес беғъес гІягІнисила къадар арц кайсисра или, кисализирад лерилра арц дурасиб. Някълизизирад даткадухъи лерилра арц, заб-маркали ургъули бетаурси шинна клавлизи уряхІдикиб ва демхІур.

Гергъила бархІи ил узхІевзуси бархІи сабри. Савли бархІи абухъунхІели азбарлизибси бурхлиу дерахъес берхІилиу дяхІахъили арца сайра кайили левли, илала азбарлизи ацІили сай ца лац ургавси унра. Дерахъес кадихъиби арц чедаибхІели, ил тамашавиубли сай.

– Се арц сарив хІуни дурахъути? – Суалухъи сай ил унрази.

– Валлагъ, – викІули сай арцла вегІ, – дуги кадяхъиби арц сари, дерахъес кадихъиби. Чи-биялра ухІнаухъалли хІядиахъес гъала кайилра.

Тамашавиубси унра, дахъал гъай хІедарили азбарлизивад арякъи сай. Халал декІар замана архІябякъи лебалли, арц дурахъусила азбарлизи, хапли милицияла хІянчизарти бухІнабухъи саби.

– Чинаба арц кадирхъуси станок? – дугъабизурли саби илди хъа вегІличи.

– Ит унрала сарайла бухІнаб теб, – викІули сай ил, – сунечи вакІили арякъунси унрала азбарлабси яха чебиахъули.

Милиционерти дуцІли ила арбякъи саби. Сарайлизи абацІили хІербикІалли, лебІеб бемжурли бузули самогон дируси аппарат баргили саби.

Самогон дируси гІягІниахъалара касахъили, гІярзухъунси унра арукили сай отделениелизи. АнцІбуқь селизиси сабил багъурти милиционертани арц дурахъуси селра хІеили ватурли сай.

Ил анцІбуқь биубисири Совет хІукуматла замана. ИтхІели биалли, самогон дирули уцибисилис тамбихІ биурусири.

ГІЯХІЯЙ ГІЯКЪЛУ БУРИБХІЕЛИ

Совет хІукумат кабизес гъаларты дусмазиб давлачебтани чус гъалаб бузути мискин адамти инжитбирутири, къиянти хІянчи илдази дирахъули, саби бекІ-лил хІянчилизи гъудурхІебирули. Бариси хІекълис багъа камли бедлугусири, вягІда барили бедес гІягІнисира, гъар журала багъунти дурули камси ахІенси хІелугули буили саби.

ХІера, илис мисалли сабси иш Гергъиси хабар, нуни дила хала дудешли-зидад бакъибси.

Ца давлачевси адамла буили саби халаси мазала дурзам. Узахъес ца адам ахІенси урцули уили ахІен илини, сунела кыркырдешли. Узусилисра бедес гІягІниси хІекъ хІелугули уили сай. Ил багъандан иличив ца-кІел дусла чеди чилра кавлули уили ахІен.

ХІера, ца гъачамра иличи черкъубли сай дебали мискин, халаси хъалибарг-ла вегІ адам. Ил давлачевли бурибиличи къабулкайкили сай. ВягІда хІясибли давлачевли ил къацІлира валхес гІягІнисири, дусла ахирлис маза духІнайуси

дягIилизирад хIярила чедирад итатIи чум маза лайдакIес виаллира цагъакIли, хIекълис илди маза лугутири.

Хужаимли буkIуйс бихуси беркала биалли, букан жершира бацIси къацIирацун сарри. Жершилира къацIирацун укуси адамла се цIакъ биэс бируси. Ил багъандан дусла ахирлис буkIуй хIярила чедирад камти маза сарри лайдакIес вируси.

Мазала хъараҳъра дубуртала гъараҳъси, адамти дебали камли башуси мерличиб сабри. Ца гъачам ил хъараҳълизи секъядыа сайрил цунси гъункъя къаршиикибсири. Илис чебуркъубсири илаб дуги беркIес. Жерши-къацIичил бархIехъла биубли Гергъи, илди кабиили ихтилатбикIулри. Илаб ГIяхIий хъарбай, хужаим сегъунал, се багъалис, сегъуна вягIдаличил узусил буkIун.

Илаб буkIуй гъар секъайчила бурили сай ГIяхIязи. Бурили сай секъядали валхулилра хужаимли.

– Жершилира къацIирацун укухIели сари хIуни камти маза лайдикIути хIярила чедирад. Белгъи бегIлара цЕрхъси мазара хIура укен гIур дуслизир чум маза лайдикIидал чебийдну хIуни хIярила чедирад, – бурили сай буkIизи ГIяхIий.

ХIу диъба укен, илини хибти жерши биалли хивла галгала уди удалтен, се бетарапал баладну галгалис, – илгъуна ГIякълура бурили арякъи сай сунела гъуни даимбарили ГIяхIий.

ГIяхIий ибси барили, маза лугъули буkIун ГIахIил къацIира укулри, хужаим ва илала адамти шакхIебикахъили. Жерши биалли, хъараҳъла мякълабси хIеркIла дублабси хужаимла анхълизиси халаси хивла галгала хIячилизы удалтурли уили сай. Ил анхълисра къуллукъбирусири буkIуй сунела ярга баиси замана. Анхълис къуллукъ бирнилис багъя хIелугусири илис хужаимли, цIедеш лерси замана цIедешли укен иткъи викIули. ДикъурхIели лерилра цIедеш ардиҳутери, буkIуйс селра гIелаб хIебатури.

Жершиличилси сунела хIиллаличилла буkIун шакхIебикилихи хужаим разили сайри. Илкъядали кам-гъамти мазалис узули кIел дус виублири буkIун. Илис чийнара гъанбикисири, маза белгъи диъла беркай укес биаллири или. Илини сунес дикибти маза хъалибарглис дурхъусири, цалра хIебатури. Хужаимлайзисад белгъи укес биалли ил урухkIулри, багъалли гъавирхъура или.

– ХIуни делгъи деркунти маза, хIуни лайдакIили хIед дикибтазирад чаркадарии дедес вируд урухмакIуд илала шайзивад, – илира бурили уили сай ГIяхIий арукъес гъалаб. ГIяхIий бурибси барили сай илини.

Дусла хIекъ бедес замана баibxIели, вакIили сай дурзамла вегI. БуkIун вехIихъили сай, дягIила духIнарад маза лайдикIес. Бамсриагарли лайикIуси иличи, Ташизурли хIерикIуси хужаим, уркIухъи бареси хIебалули ташкайзурли уили сай. Ил шакикили сай, илини сунени дурхъути жершилициун укули кали хIейъниличи. Илкъядали буkIуй хIябал бутIала ца бутIаличирра имцIали маза лайдакIили сай хIярила итатIи. Вахъ дебали къиркъирси хужаим илав хIилхIи калунсири уркIи ташкабилзурли убкIули.

ЛайвикIули вамсурли Гергъи, буkIуй, сунени деркунти мазала гулби чедаахъили сай хужаимлизи ва илди гулбала къадар маза чардарии дягIила духIна лайдакIили сай. Хужаимли гъар секъал аргъили сай ва буkIизи ил диъба укахъес чили ГIеббурибара или пикриикIули. Ил чи саял хIелули виаллира, илис вайта угъулри.

Сунела анхълизиси халаси, дахъзъал хиви лугуси галга берубли чебаibxIира ил пикриикIулри се биубли берубара хIеркIла дублабси галга или. БуkIуй ваши или укили галгала мякъла хужаим хIерикIахъули хIячила уди кIапIадирити жерши чедаахъили сай ва илизи викIули сай: – ХIера ихди жершили укули калунси виасри арбякъунси дусра, нура урусири иш галга къядыа.

Сунес дикибти мазара ардукили, буkIун иличивад арякъи сай. Илала Гергъи мискин буkIунна яшав ГIахIбиубли буили саби.

Пoэзия

Аминат
ГЯБДУЛМАНАПОВА,
Дагъиста халкъла поэт



НЕШЛИСРА ДУДЕШЛИСРА

Набзи бехIсур багъа га хIедикIули,
Савгъатлис иш дунъя пешкешбарибти,
Пымрула гъундури кункти диахъес
Някъ буцили ну гъайкарабиби.

Абара дудешра гIязизти дила,
ХIушаб дайм нура балгна ручIулра,
ХIушала дурхъадеш севан буриша?
БерхIира наб бацра дашихъантира.

Дунъяла шалал дяхI гъаргдарибтира,
ХIаяла ва яхIла дурхъати дурсери.
Балгни къяйда, набзи дяркъяхъуртира
Севан ахъишара хIушала чебла?

ЧевяхIси ахърила вегI Аллагълизи
Дугира хIерира бусраврикIулра,
Агри мабалахъад набзи хIушала,
Дунъяла давлуми хIушара дила.

ДУРГЪБАЗИВ КЪАПЛАНГЪУНА

(Муслим Дахаевлис)

Унрубала ВатIайзиб
ДакIубиуб душманти.
Дагъистайчи чебухъун
БуцIиван къачагъуни,

ХIебалас цархIил улка
Иш дунъяличиб лебсил

Дагъистайчицад къугъни
Душмай дяхIчиаиси?

Дигалли гIярабуни,
Туркани, иранланти,
Татарти ва монголти
Чуйна иша бакIиби?

ГъархIебизур цайналра
Дургъби хили башутас,
ЧархIебухъун мицIирли
БетхIеберхур чула къас.

БебкIала цIумъалара.
Чум хъулбиялра иша
Хъул бердили чарбиуб,
Яра гъазала дайлаб
Мазаван къасапбиуб.

Нуни ца гъабзачила
Бурулра хIушаб хабар,
ЧеалкIул наслулира
Сунечила хъуммартаб.

БегIлара bemжурси дергъ
Новолаклизиб сабри,
Дергъла дайла цIализи
Кавхъунси Муслим сайри.

Душмантала хIуреба
ИмцIалири верхIнали,
Биаллира чула къур
Къирбариб ил гъабзали.

Иша музабухъунти
Липецкла солдатуни,
БебкIала къаклизибад
ДурабитIунси илри.

ВикIи: «УрухмакIуда,
УркIи бирули, чузи,
Нуша дебкIахIелициун
Диркудану душмайзи.

Нуша дубурлантани
БебкIа мутIигIбирехIе,
Дагъистан бурцантачи
Ил гъамадли бурхъехIе.

Нуша халхIедарили
Хамли вяшбикIутала,
MexIе агарти бурги
ГериэхIе къадала».

Гъаизур дубураван
Арцурти хIярхIубасра,
Кебасиб душмайзибад
Дихъалис буцибтира.

Дуги-хIери хIеили,
Ташли бурхIни дуркIули,
Дугила гъанкIлис къадин
Гъунартани сархулри.

Алхунти ва бяхъиби
Дубурлантира биуб,
Я Липецкла ОМОН-на
Цалра алхунси хIейуб.

Ил ОМОН-на командир
Сергей Сковородинри,
КлапIуцили Даҳхаев
Чумали цIацIавариб.

«ИшхIейчивад, Даҳхаев,
ХIу нушала узири,
Дила солдатунала
ХIуни жан дерцахъири.

Дубурлантачи дила
ИмцIадиуб дигира,
ДургъбазирхIели хIуша
Гъарли-марти буцира.

Россия берцахъесра
ХIушани дирудая.
Дагъиста асил гъубзни –
Игитуни саррая.

Муслим, хIу хабарлари,
ХIекъли уриб гъабзари,
Дила хIулбала гъалав
Россияла игитри».

Глядиуб Дагъистайзир
Тамашала хабурти,
Унрубала ВатIайзив
ДакIубиуб душманти.

Гъарли-марли чебухъун
Бандитунала къукъя,
Азадли къунзакбухъун
ЖихIебарибти гIяхIли.

Багъесра гIягIнилигу
Дагъистайчила хабар,
Ил мутIигIбарес хIейрни
Душманта гIурра багъаб.

1999 ибил дуслизиб
Хиб нушаб балагъуни,

Даршуси Дагъистайчи
Чебухъун бандитуни.

Ахъбиуб жагъил, ухъна,
Дагъистан балтакъехIе,
ДяхI агарси душмайчи
ДиругIеб чейгахъехIе.

Дила дурхъал Дагъистан
Багъадуртала саби,
Даршлизи ца улхъуси
Гъубзнала улка саби.

Чечняла къачагъунас
Чегахъиб гъабзали,
Илди дянгаисира
Даххаев Муслим сайри.

Гъунартачи вашахъес
Дудешли айкъурси сай,
Гъабзала дебш духIнали
Нешли варкыбсиван сай.

ОМОН-на командирли
ГIурара ил кIапIуциб,

Сергей Сковорцов,
Шумали цIацIавариб:

«УбкIуси ургъаннира
Иб, хIела у бурулри,
ХIед мардешла хъялиув
Гъарил гъабза ургъулри.

Бакалла хIу айкъуртас,
Дагъиста асил гъабза,
ХIугъунтани саб, балас
Балтакъан Россияра».

ДАГЪИСТА АСИЛ УРШИ

*Россияла дахъал шалубарси
спорта 120-йна чемпион
ХIяйбулла Арбулиевлис*

Аметлила бишТал ши
Хунзахъла шаливан саб,
Ца иткъи шалгIевухъес
ХIейрар шан ва дурашан.

Гъарил гъигъикIусилис
Сунна гъава дарман саб,
Мурхълирад парчдухъунти
Урунжуни шараб сар.

Дугели зubarтира
Хъулчрачи гугкадирар,

Шихъла бацла шалали
Лусенти къалайдирар.

Ишабси тIабигIятла
Хабар тамашала саб,
Илини лявбирули
ДурхIни къуватчебти саб.

АкIуб ил шилизибра
Багъадур гIяхIти гъубзни,
Къиймурти, яхI умути
Пурсбира исбагъиби.

Амма иш дила хабар
Ца игитличила саб,
Дудешли алкъухели
Урцахъес вяркъурси сай.

Гумайлабти бухънаби
Гулухъачи хербикли,
Пядатла ахлен урши,
Сай гъунартас акубси.

– Нушала биштаси ши.
Машгъурбиру илини,
Хердикленая гъари
Се бирул заманали. –

Виклар бегл халалгъуна
Бухънабала гъавкъяна,
– Башрира бахълагъуна
Агу гядатлагъуна.

Липла манзиллис ихъу
Илини дубурара,
Тяхухъи, вет-сатулхъан
Мурхъси къадалавадра.

Урцахъу шурла бутла
Кабердили някъ-някъли
Ласухъи гъаклари
Урцахъу лесла гела.

Тяхиванухъи дялчахъа
Вацала галгубира,
Агъ, чинад касибара
Уршили къуваталра?

Дуцухъалли айгъирра
Ца гяхлад гелаб балта,
Тяхухъалли пурслара
Гъунар пяхли бульхъа.

Гъунартачи вархъиби
Сай ил чевяхисилира,
Шила пахрулис урши
Акубси сай, балулра.

Аметлила биштаси ши
Хунзахъла халал къушум,

Халаваайчи урши
Херли саб гъунартачи.

Аркъули сари дусми
Лусули чумал гемсни,
Вацала арцантара
Дучули сар макъамти.

Занкъарай гъунартала
Чедибдешла ордента,
Муэрлизиртиван сар
Хуруцлизир уршила.

Гъунартаглив умцули
Ихъу геркъал гъундури,
Россияла шагъурти
Баргес сайван чумати.

Вархъиб урши дубурта
Гъунартачи гъар мерла,
Ляввариб, балга белчун
Аметлила херклира.

Диск игъалли заклизи
Кавлан гур чархебухъи,
Гъава агар космосли
Пашкаибсив уркбухъи?

Ядро игъалли гела
Хихбирап хурла вацла,
Бурямли буунсиван
Кавдахъу бухъна галга.

Россияла шагъурти
Чуйнара чедидяхъиб,
Дубурлания гъунартас
Чумлира хъатрадяхъиб.

Орденти ва медальти
Михъиличи диршули,
Хунзахъла гяхигъубнази
Дирахъи шадлихъуни.

Къуватчевсила къисмат
Хуни хед кабердири,
Шурла урклизизибад
Хед уркни сабитчинри.

Дубурлан гъабзала у
Багъур россияланта,
Сагаси гъазализиб
Сунечил ахIемхъулри.

МяхIячкъала ва Хунзахъ
Багъахъур чумлизира,
Дубурлайчил жалирхъес
ХIейраргу гъарил гъабза.

Чуйна укъялра дура
Михъир биршу ордента,
Иличиб паxрудири
Гъалмагъуна ва шанта.

ХIяйбулла, агъ, ХIяйбулла
Гъунартас акIубсирив,
ХIела дурхъал дубуртас
Илцадра ахIамакъсирив?

ХIела у хIебалуси
Шагъар гIуррара лебсив?
ХIуни гъунар сархули
Россия хамбариив?

ТIяхIулхъухIели ахъли
Ахъдирап зubarтира,

ХIед диргалахIедухъес
Диркъдирап дубуртира.

Хъатдяхъиб хIед чумлилра
ХIела шан ахIентара,
ХIела чихъти гъунартас
ХъатбикIар Россияяра.

Дагъиста гими бучIули
ХIебамсур далайчиби,
Чуйнара гIурра бучIа
ХIела гъунар бурули.


Гъабзари, гIе, гъабзари,
Гъунартас акIубсири,
Аметлан, хIу хIелуси
Дунъаличив чи левси?

ХIела гъунартас дуру
Ордентала духемли,
СубхIяйзири мачнициад
Сар даим дахъдикIули.

Дерхъаб хIела гIямрура
Халкълис паxруаути,
Каммайаби ил хIура
Дагъистан хамбарибси.



Люзия



Шамхал СУХЪАНОВ

РУШБАТЛА ГЪУНАР

Ара-сагъси дубурлан
Зяглипили хапли,
Каркъиб больнициализи
Ца-кел жумягI гъалавван.

Ил заманаля бухIнаб
АдхIекIуб сегъуналра
Арадешлис къулайдеш –
МурхъбикIулри изала.

Гияш халал церхъси кигъа
Буцили, киб узини.
Абзур хамха кигъала
Бухиб хъули тухтурла.

Нешер кигъала диъба
Сагъвариб илав дурхIя:
Чархлизибад илала
Дуракаиб изала.

Вирару сихIру хIейкIес
Кабикибси анцIбукулис:
Кигъа беркун тухтурли,
Дарман биуб дурхIялис.

Рушбатла гъунар халал –
Биру адамла мурад.
Халкъла хIулбала гъалаб
Щубсира биру цIудар.

СУНЕЛА УРШИ КАВШИБ

БехIемцIлизи викили,
Дяхъи-хъасла виубси
Жагъил урши киб къагъли
Больнициализи хапли.

Къакларад хIи дашулри,
ХIулбала хIер билшулри.
Иличи хIеррикIуси
Сестра нургъба рашулри.

Тухтурличи дуцIрухъун,
Кумекли музарухъун.
Жагъил урши мицIирли,
Глязабтазив улхулри.

Тухтур бегIти бакIайчи
Паргъатлири дивайчив.

Жагати къуймуртагIив
Журналтазив умцIулри.

Ита-иша дуцIрикIар,
Сестра лергIер цIумрикIар.
ХIулбала гъалав адам
Гляндуршулри бебкIали.

Бара гъанна хIянчила
Карииси медсестра
СакIублири къайгъназир,
Ил верцахъес балгназир.

Рушбатунала тIем-тIул
Гъачам бекIлил хIедалул
УркIецIила нургъбали
ЧяхIрикIулри марайли.

Ахирра ил рурсили
 Тухтур киб ила гужли.
 Урши чеибмад тухтур
 ХІякизур левси мерлав.

 Гіязабтазивси урши
 Ил тухтурла увухъун.
 Илала михъирлабад
 ГіянцІси ціум дурабухъун.

 УрхІла арцличи гъаргъли
 Сунела урши кавшиб:

Заманаличиб кумек
 Ил уршилис къанбиуб.

 ХІялалси уркІи лебси,
 Арали бекІ бузуси,
 Тухтур-декІар хІейалра,
 Кумекли мазаулхъан.

 Арцла асар бахъ халал, –
 Агарли булья Гіямал.
 Даҳъдаалли, раҳли, арц,
 Чебуду адамла кабц.

КЕГІЕБЛИГУ ДУБУРЛАН

ДуцІумла буцІар бархІи
 Дурарухъун исбагъи,
 КегІебти чарх-бекІличил,
 Хъарагъунти хІулбачил.

 АтхІеблизиб вававан
 ГъарракІалли гъаргала,
 Чархла азиrrа биркІан
 Азиrна зерзердулхъан.

 Къакъурбикад гъанзрухъун, –
 Щуэрира лагъбухъун.
 Исбагъила кегІебдеш:
 ХІули кайсулри, вегІебш!

 Дубуртазиб нушала
 Леб рурсби бахъ жагати –

Талхъагъуна ганзличил,
 Исбагъила хІерличил.

 Урхъу-дубқад къунзрухъун,
 КІунтІуби шивкІивдухъун.
 Бургъуси урхъу булан
 Паргъатбиуб итмадан.

 Каспи урхъула дублар,
 Жагабарили илра,
 Хабарла исбагъиван
 КегІеблигу дубурлан.

 Жагадешли саб, бикІар,
 Берцахъибси иш дунъя.
 ХІербирап халкъ жагали,
 Жагадеш балтахъалли.

ГЪУНАРГУ БАХЪ ХАЛАСИ

Абзур хамха адамла
 Ташагарли балхуси
 Чякагъуна уркІила
 Гъунаргу бахъ халаси.

 Камабуршидаягу
 Дардли бицІибси уркІи
 ИмцІякъ дукутачилра,
 Илцад дужутачилра!

 ЛебгІеб батси канилис
 Къяшми хІейрап гІердаэс:

УркІи-дулекІ хІялбазир
 ХІярхІли дирап хІердиэс.

 Азиrrа биркІан чархла
 Диулихъалли духъна,
 ЯхІли бицІибси уркІи
 ХІебиахъехІе бухъна!

 Гіякъуличил беркалли,
 Агъура дарман бирар,
 Дазуагарвикалли,
 Варъара агъубирар.

ШАНТАЛА БЕКЛІС БАЛАГЬ

Цаличил гъайрик^Іули,
Царх^Іилліс линк^Ірік^Іуси,
Къаршириркур къумурра
Х^Іябэсил урк^Ілавси.

Къикъимай хъунул адам
Мусибатли уррулхъан:
Барили мух^Іли х^Іяйран,
Булъули бахъла иғъбар.

Къикъимайла мақрула
Дигайла ламартдешли
Игахъу хъали-Цара,
Дяг^Іли арху палдара.

Къяна-къалп дархси адам –
Шантала бек^Іліс балагь:
Къунбала гъе делг^Іули,
Бурчу сабухъ къавгъала.

БАХЪ СЯЙСИЛИ УББУЛХЪАН

Тамашала бурала
Лебгу халкъли бурули.
Мурхъси мяг^Іна сунела
Гъар адамли х^Іергъули.

Вац^Іала чирхлизи
Букъен къайзи х^Іеира.
Бухъна бец^I – жалладлизи
Я ил берген х^Іеира.

Пасих^Ісила духудеш
Аргъес багъандан гъаман

Адамтала г^Іякълура
Бахъ сяйсили уббулхъан.

Духути – гъайбик^Іуцад
Пасих^Ітиван кабилзан.
Абдулти – лех^Ікахъибцад
Мех^Іуртиван х^Іебилзан.

Пасих^Іли пикрибухъи,
Верх^Іна заки х^Іеръили,
Бираргу бахъ уктемли,
Пярг^Ія шинни бужули.

ЧАРХРА БАЛЛИ БИЦАХЪУ

Урк^Іи бех^Ісурбарили
Х^Іейублира ну вахх^Іи.
Цумбик^Іули цумъайзіб
Улхулигу гъар барх^Іи.

Цегъала урк^Іи нуни
Кабатурра ахирра.
Буц^Іар ц^Іала ламили
Биц^Іахъулигу илра.

Балхъарла чятла урк^Іи
Пикри леб кабатахъес;
Ламиагарси ц^Іала
Буц^Іардеш чекайсахъес.

Дигайличиб ц^Іакъси ц^Іа
Лебли х^Іебиэс, бик^Іар:
Урк^Іи цунра ах^Іенну,
Чархра балли биц^Іахъу.

Чякагъуна урк^Іили
Дигайла буц^Іар лами
Чекайсес ц^Іакъ агарли,
Улхулигу мар-марли.

Шис милигси вававан
Пях^Іидарну дигайра,
Малтабагу язихъли, –
Улхулрану милигли.

СЕПАЙДА

Шурмала къалагъуна
Ургар или гъанбикиб, –
ЩимицЦулала юртгъуна
Увухъунгу яхIагар.

Вавнала майдангъуна
Рургар или гъанбикиб, –

Занзбала къадагъуна
Уррухъунгу, дяхIагар.
Варъа къайда муриси
Рургар или гъанбикиб, –
Исиутван къудкъуси
Уррухъунгу, байтарман.

ПУЖБИРАР ХАЛКЪЛА ГЬАЛАБ

Къянала къуйрукъ къантIа
Бирар или аргъира:
ХъямикIули вамсалра,
Буцес хIейрар сеналра.

Къяшмира къантIа дирап, –
Илгъунара бакъира:

ДуцIбикIули бамсалра,
ХIейхъу гъуни бахъ халал.

ВерхIдехI унзала гIела
Сейфлизи кабихъалра,
ХIунтIен рангличил къяна
Пужбираг халкъла гъалаб.

МУСИБАТЛА АХИР

Ахъси шурла хъинжличиб
Чака лебри паргъатли.
Гляяркъянани тупанг
Къайкбариб дяхIагарли.

Чакали мер бархъбатур,
Ласалра хIябяхъили.
Арцур ил, кIайбяхIили,
Мучлара вархIерили.

Янсав хIябидиубвара,
Чячма чехIегибвара.
Яра чакала уркIи
Мегь-шанданна саб вара?!

ХИили кIантIкабикIули,
Глергъиси чакъ бучили,

Аркъулри чехIебиъна –
Душмайчибад гъарахъли.

Арцурлири багъадур
Цяб гъагултала гIела –
Душма шадси уркIилис
Мусибат чехIебиъна.

УркIи-дулекI илала
Лишанчини дяхъилри:
Ахъти шурмала урга
Кабикиб ил ахирра.

Душма гъалар усалдеш
ЧехIеяхъу чакали.
УркIилизир залумдеш
Зумадирах гъабзали!



❖ *Нушала гядатуни* ❖

Мяхияммад
КУРБАНОВ

БИАБ ИЛКЬЯЙДА

Анна Арсеньевнани сари мекъла мявализеб булхъути ункълиwan чебиэсли гъам-гъамли рукахъес тиладибариб. Ил набчи гъяхIлад ракIес хIядуррикIули рахъхIи лерсири ва, ахира, ишдус дуцIрум илини су-нела хъул бетерхахъур. РакIибмад дила тухумла мекъличи къаршира рикиб.

Ну Москвализив илала хъулив хIерирули хIябал дусра-сера калун-сири. Къаршиикибсири илав Анна Арсеньевнала рурсила уршилис мекъ бируси заманара. Кинолизиб чебиахъусигъуна мекъ чебаэс хIер-сири, амма камси заманала бухIнаб мекъличи цалабикиби держли дагърилизибад бухъахъун. Сецад илкъяйда биалра, гIурра бужес дайм-биуб. Нушаб дагъри гибти, нуша дунъяла шалаличи дураибти уруслы учительти, машгъурти писательти, чулира дунъяличиб бегIла жагаси ибси сипатбирути гъанбикеб. Белкъи абдалбиуси къукъяла барьуди секъяйда иргъусив? Нукиун цархIил тяхIярли пикрикIахъес бурсива-рибсира. Илкъяйда бяркъуртири нуну бучIахъути дурхIнира?

Сен бархъли хIебурусири Совет хIукуматла замана халкълизи улкали-зир лерти нукъсандешуначила? Нушала улкала душманта ил тIутIubarес къасбарили, нушачир гъар секIал чинаричирра гъяхIил сари или гап-чяхIдикIутири. Ва, хIера, лебил халкъла хIулби дигъунтиван, гъамадли душмантас нушала хIукумат тIутIubarес имкан бакIиб. Нура, учительла хIянчи бархъбатурли, ита Москвализи дураикура, къалтинти дирцан базриган ветауура. ХIявкъес гъямал аги: учительлайчир илини бучIахъути дурхIнала яшавла шуртIри итхIели имцIали къулайтири...

Анна Арсеньевна нушала халкъличи, гъядатуначи таманни гъяшикъ-риубли хIеррикIули сари, цацахIели сен сарил чаяхIдикIути нургъбира хIяршдирули, тамашариубли бекIли гъакIрикIули сари. ГIергъиси замана, гъядат бетаурсиван, дила тухумлира мекъ Избербашла ца халаси заллииб саби дурабуркIуси. Мекъличи цалабикибира урус хъунул ракIайчи гъяхIцадхIи хIядурбикIутиван цаличиб ца жагали булхъули саби. УркIи-уркIиларадти чархараби дурули саби, уруслы, даргала далуйти зайдикIули сари. Агара кепирузи. Заллизир сегъунти-дигара журала держлерли диалра. Жагати, дигичебти халкъ саби. Хапли Анна Арсеньевна набчи ласряхъиб, заллизир дяхъибти гъянциахъести

дям-дядла тIамаличибад чедибикахъес гъалли лихIиличи мухIира чесабаахъили, ахъли хъарбаиб.

– Чинара хIушачирти дурутгъунти зулмурти, къайк-къуйк?

– Илди гIягIнитира бургар, Анна Арсеньевна, амма гIямрула тIягIям, разидеш нушала халкълизирад керасес, адамти цIябдешлизи гIелабяхI арбукаес числар имканхIебикIур...

Пикрумани биалли гIяхIцадла гIелавяхI арухира...

– ОМОН-на хIянчизартги секъяйда дила мякъла гъамбиубал хIя-сибхIебарира. Марфинола базарличибан ахIи, Черкизовлайчиб илди имцIали къаршибиркниличила аргъибсири, амма авадай дяхIяхъиби жузазив халтIикIули, мяхIкамдешличила хъумартурра.

– Гъари, хIела документуни!

Нуни бекI ахъбуцира. Автоматунира хъуцIрумачирад сурдатурули, дила мякълаб ахIомакъти къаркъумала бегIти хIябал урус дурхIя тIашлири. Илдачил барх лебри ну узуси Марфинола къалтингата базарличиб бузути кIел дарганра.

Нуни паспорт бедира. Илизиб, гъайгъай, ну Москвализив хIери-ахъес ихтияр лебнила белкI аги. Къяна бурес хIебалас; ил секIал дила вяхIличи белкIунсиван дакIубулхъян. Сенбиялра, бурира учитель сайра, янила каникултас иша къуллукъ лебли вакIибсира или. Амма омоновецуни бирхIеур. Нуша хIяблизилра чус гIеларад гъайдиахъес буйрухъбариб. ИмцIаливан илдани нушала халкъ «маймунтала тIа-къназиб» автобусуначиб бирар бикити, амма нуша дашахъули аркулра. Гъунила ахирра агара.

Хапли наб Совет хIукуматла замана дураибси «Милицияла сержант» бикIуси кино, илизив дурхIя къачагъуна ца чилра агарси мерличи ару-кили витни, гIур арцла велтIниличила буруси анцIбукъ гъанбикиб.

– Чина аркулра нуша? – сабур каберхурли, хъарбаира нуни. – Ну гIур гъараҳъ хIякъяс.

Нуша илдани ца чилра агарси гаражунициун лерси азбарлизир тIашаира. Цали хъуцIарличибад автомат чебахъиб, нушачи бяхIчиали, тIашизур, гIур... гIур биалли бехIихъиб бирхIес, бурсибиахъес дари-бити начурбасван бирхъес...Ахирра ира:

– Ягъари, се сабаб лебли инжитбурулра хIушани гIяйиб агарти адамти?

– Гъа, учитель! XIу сен илав тIашсири? Гъари ваши къалабали иша...

БикIуливан, дила лезми – дила душман. Бирхъули бамсурли гIергъи, омонна хIянчизартга нуша умцIурра. Дила кисализир арц аги, аги илди ца дарган дурхIялара, амма кIиибил дурхIяла илдани гъал азир дурасиб. Урухиубси дурхIяли, гIур пикрибареси хIебалули, арц нуша хIяблалра сари или къяна буриб.

– Давлачерьли хIердирули дуилра ца бархIили кIел азир базарла хIеклисцун дедлугули, – някълизиб базарла квитанцияра гъакIикихъули, иб илдала халалгъунали. – Гъайла къантIа, ишдазирад шел азир.

Арцла вегI серил бурес вализур.

– ХIед базарличив сайра или гъанбиркулив? – омоновецли нясси гъай буриб. – БусягIят бакIахъили наряд, хIела кисализиб наркотикунала пакет баргахъили дигултив? Яра нушани гIурра «футболла» хIяз тикрарбаришав?

Ил набчи гъамиуб, къакъла шайчибад урцецуни лерси мер хахамбариб. Къаркъа цархIилти мерани сагъдарес къянни биалра виар, амма урцецунахи дяхъялли, шуцIали дус вируси дила илди сагъдарес мажахIят имканбакIес.

– Се бурида, учитель? – хъарбаиб хапли халалгъунани.

– Се буриша? Гъану шура дусличиб имцIали учительла хIянчи барни багъандан цIахбилзули саби.

– Сен? Вайси хIянчив?

– Белики, нуни бяркъурти бучIантазибра леббиэс хIушагъунти жаниварты.

Игъбарлисван, урцецуни мяхIкамдарес имкан бакIиб, амма илала хIергъи жумягIцадхIи вашес хIейрули калунра…

– Белый танец, – дила пикруми къябдердахъиб ахъли микрофоннинизибад чехибси тIамали. Анна Арсеньевнани ну делхъличи живарира. ГехIцIали дусличи гъамрикIуси хъунул адам вирххIеэсли кункли рулхъулри. Вальслизи чеимцIякъ чула халкъличи хости ишаратуни гъудурдухъахъи булхъути нушала халкъ иша бучили бархъиби хасси школала делхъчибиван жагали ласбикIулри.

Анна Арсеньевнала хIулбазирад гIурра нургъби чяхIдикIули сари. Сен илкъайда сабил, мажахIят, суненира балули риэс.

Делхъ тамандиубхIели, хъунул адамтани гъамбиубли ил кIапIурпцулри, илис баркалла балахъулри.

– Иш байрам ну мицIирли лерай пешкешбарнилис халаси баркалла, – гIяшли шивкIиврухъун ил дила лихIилизи, дам-дядла тIама ташдизурхIели. – ХIура набчивад чевверхи: чуйнал гIягIниагар шайчиб кам-хъяшси секIал багъандан итаб, Москвализиб, гъайира.

– Се биэса, ардякъунташила хIедугъехIе.

БекIлизир биалли гIурра гъанбikuни жургъдухъун.

… Сегъуна сабрил каҳси цIакъли тямхъбарили вагон лацлизи игъуб-сигъуна асар биуб, дила гIямрула юлдашра нура, цархIил вагонтазибти халкъван чIябарличи лайдакIира. Вяв-ЧIяр, биса, гъузгъалдидеш. Дурадухъес имкан бакIибхIели, багъурра бетаурсира. Нуша аркъуси поездличибра цархIил метрола поездличибра чили-саррил кIел бомба даргдердахъилри. ЧIянкIли кIинайсцун белгибиуб ил палакатдеш Да-гъиста хъунул адамли барбси бийни.

Амма, гъачамлис балуси агарли хъалли, метрола станцияличиби сен-сабрил нушачи чебухъун. Нушала хъунул адамтанигъунти дир-

глуми (уркъала) уруслы хүнүл адамтани хIедала, амма ца рухъна, цархIилтасра гIибрат чебиахъули, гымила цали итутигъунти хIулбира сарира, нушачи черухъун, дила пархкъяла гъез дуциб. Илис гIергъи чебухъун цархIилтира.

– ХIушагъунти халкъ иш дунъяличиб биэс асухIебирар!
– Саранча!
– Убийцы!

Иш гъакIис итцад наб вайбизурти омонна хIянчизартылра лябкъули биалри или гъанбикеби, амма милицияла хIянчизарти, тухтурти беб-кIибтазиб, бяхъибтазиб абархири, нушала шайчибахI хIералра билзули ахIенри. Дерцира секъяйда дерцес бикиб биалра.

Гъанбикеб Кавказлизиб чулахъбиубли някъби-къяшми чердяхъибы метролизиб садакъа тиладибурити уруслы жагъти дурхIни. Гъанди-киб илкъяйда Москвала телевидениели нушала халкъличи къаршили чедиахъути передачаби. Аргъ бурухIелира бекIил агарсиван Кавказ чебяхъили, Россияцун чебиахъни.

Анна Арсеньевна мекъяла тямадачи гъамириуб ва микрофон тилади-бариб.

– АхIерти, дила дурхIни! – рехIрихъиб ил гъузгъалдили ва урези гъудурси Тамаличиил, – ну ишбархIи Дагъистайзи бегI гъалар сарра ракIибси, ну гIяхIял сарра, амма ил заманара баиб наб гIямрулизир бегI гъалар дигай дирхъуси жагъиллисван Дагъистайчи бегIлара дурхъати дигай дихъес. ХIушала пергер халкъ, хIушала адамтачи дигичебдеш, рухIла жагадеш секъяйда хъумартес вируси гIямру лерай! Бухъянси, халаси талихIличи, даршуси гъуни ахъаб хIушала цIикрумани. Ахъабая илкъяйда ил хIуша лебтанилра. Нушала челяркъути гIямру цIябси пардавла гIела дебадарибти дигIяндешгъунти сари. ВирхIейрар ила хIеризесра, амма, сецад или биалра, баргабая илаб гIяхIсигъуна, шалласигъуна, лерилра хIушала гъанналаур детхIедерхурти гIяхIтигъунти далдуцунира къасанира детерхаб!

Секъяйда хъятбикIил заллизибти ил хүнүл адамлис!
Баркалла, Анна Арсеньевна, биаб хIу рикIуси, биаб илкъяйда хIела халкълисра!



Поэзия



Хамис МАЛЛАЕВА

ГЕХІЕЛ ТУГЪЛА

Азир дус хібебгъубси
Дубуртазиби гініз
Сабабли сари лерти
Хіезир дуціарти диги.

Азир гіязаб ахъили
Къарькъаван кабирути
Дубурланті сабабли
Саби уркіи чіумаси.

* * *

Дегъ ванза иркул марка,
Дашира, гіеббурисну,
Бархъдешличи биули
Руржуси уркіила зим.

Мяхітай ваваличицад
Кадизира, дурисну,
Адамдешла Гіяршличи
Ветиусила далай.

* * *

Далгунти дигайличи
Се хійчир ну хіерлирал,
Ил хіялличилси ахіи
Хіечи маркара мабаркь.

Дуціарти карціайличи
Ну гачриркуси манзил,
Хіясиббіубли ахіи,
Хіечи букімілра мабухъ.

* * *

Вавнала дубуртачир
Шараб-шинна гінзурби,
Мамала ніш хъяшасван,
Дармандириули хъалли.

Рерцілра шишимтани,
Лямціла ціали илхъиван,
Дунъяла излумани
Чакиули дяхъиван.

* * *

Диги цаладяхъили
Дубурла гінзурбицад,
Гіяхідешуни дулгули
Каспи урхъула шинцад.

Хіечи ну гъамриулра,
Дила дару-Дагъистан,
Ца зимлацад манзиллис
Архіяркъунси инсан.

* * *

Адам хъябизурхIели,
Тухтурти дакIубирар:
Малаикуначилван
Чархла гъав гъарзабирар.

Изайзибси хIукумат
Чинава арабиран?
Яра, изесбяхIяйчи,
Изала тяйдибиран?

* * *

БегI гъалар дарган девла
Зайли ну уркIаира,
Баркалла, далайахъес
Ахъри гибси тIабигIят!

Дагъиста дубуртани
Ясиризи руцира,
Баркалла, ясирилизир
Ну рихIуси тIабигIят.

* * *

Гъаладилзули сари
Наб гIяжаибти гIямру,
ХIу, ну ва ит ишбархIи
Чузир хIеркадируги.

Гязабла къадалар хIи,
ТIунтIри, цIа, цIябдеш, жярга,
Илад батбихъибти халкъ –
Илприв гIяламла балга?

* * *

Совет улкала халкълис
Гитлерла хIярхIубиван,
Мусибатли урдухъун
Ишди сага законти.

Ит дяв таманбиубгу –
Агъули хыхъбикIуси,
Иш мурт таманбирисив –
Балагъли чахъбикIуси?

* * *

Се у саби хIед гибси,
Зубар ахIебихъили?
Сен хIед Дунъя хIегибси,
Хъатлизи кабихъили?

Хура нура заклизир
Сен ласхIедикIутира,
КягIбала къаркъубиван
ШалахIедикIутира?

* * *

Уллучарала шила
Шантала чара лебу,
ЛугIянна хъинжличирти
КIел гIяшикъ хIясидирес?

Мегъала къакъбунала
Къакъбала пагъ биуру?
ХIясратли кIапIдашту
Ахъ шурмази гIярздирес?

* * *

ХIу варгес умцIуси ну
Ванзаличир цайлира,
Къидикъ кумекхIебариб
Гъуялира айлира.

ГияхIдеш чехIебаиси
Аркъулра итил шайчи,
Гъанна хIерли кариъус
ХIуни набзи жиайчи.

Ну хIечи хIеркарикIус,
БерхIиличи разили,
Неш-дудеш агар хъяша
Шадли хIерикIусиван.

ХIед гIеларадра рашусра,
УркIила хIял хIялалли,
ДахIбайчив бусурман
ХIяжлизи виусиван.

Цугмаркуд, дигай цIакъли,
УркIи шикъбулхъулину,
РубкIар или, тухтурти
ХIекъли уркIбулхъулину.

Машрикъ-Магърибти булан
ГIела тирхъдулхъулину,
Берцуди барга или
Ахъли гъайдулхъулину.

Зубри, урми, гъагулти
Дургъялра къай агарли,
КъумутIдизалра^{*} гIебшни
ДакIес гъайгъи агарли,

ЮхIерирус, хIерирус
ПяхIли дуахъес дигай,
ГIянжи ГIинидиайчи
ГIяндбушес уркIила ай.

Хабарла Хумай арсан,
Мадужид шараб хIулби, –
Нур агарти хIулбани
ХIекусну ГIямруличи.

КарцIайла цIа викIули,
Мадукад чакар уркIи,
УркIи агарси чархли
ХIергъуну дигайла цIакъ

Дунъя барсбяхъяллира,
Дурули бунагъуни,
ГIела-гъала агарли
Дашалра балагъуни,

Ахир кахIебилзуси
ГIебхIевдули хIечи хъул,
ХIу гъаннацун зайдикIар
Дила уркIила булбул!

Дунъя барс лугаллира,
Дигай дедхIелугира:
Базарла зайлизибад
ХIебикъисну хIела гъай.

Дунъяла мургъилистра
КарцIай дарсхIедирира,
БуцIар уркIилизибад
Белгъанну хIела сурат.

Фольклор

ДАРГАЛА ХАЛКЪЛА БУРАЛАБИ

Ца вайдешиличи гъяхIдешра камбируси ахIен.
Дирхала мургыла умхъу саби.
Аллагыли къадар лукIа, къадини магъар дирхъу.
Имкан хIясибли бирар къяш гъаркабалтуси.
Заманали вирап адам руркъуси.
ХIякимдеш – заманала, адамдеш – даимдешла.
ВегIла анкъилав вамкъурси гумайлavra вархъхIейрап.
МицIартани бебкIибти жаявли хъумурту.
Ца тIярхъила вацни цагъунти дирап.
МехIуртала хъу дерхъаб, духути чеббукахъес.
Гъарли-марси мурул адам вис, уришли акIинициун баибси ахIен.
Мискиндешлизибадра туснакълизибадра берцуди бааб.
Урехила хIулби халати дирап.
Хъулки талхъайчира цIакъси сай.
Гъар бархIи базар саби, гъар журала халкъ саби.
Дардагар далаихIейкIар, изалагар цIумхIейкIар.
Аллагыла БерхIира абалы дяхIра делтIути ахIен.
ГъяхIси галгала цIедешра мурити дирап.
Цаибси ганз мурткIал гъамадли хIебирарап.
Дунъяла яхIлис хяра хIари кабурхар.
Милигсила кIентI балан, гүнсила кани балан.
Агъ баркабан вегIла ши, биалра шахла вацIа.
МурчIхIели хIебелсунси, зехнихIели хIелусан.
Мякъи чIумати диалли, бухъала бирар тазаси.
Букуси беркалла беркалли, бируси хIебарили кахIевлан.
Къумур-алав хъалибарг уржили цалабиркалли, юртлизир
талихI ва баракат имцIали дирап.
КъацIли велкъунси чевхIергъур, держли велкъунси чевсаргъур.
ХIуни сен-сен бегIтала хIурматбирафдра, илкъяйда хIедра дурхIна чарбиру.
Сунела мерлаб бурес багъурси къяна ца унцлизи булхъан.
Гъай гъариси гъяхIси бирар.
Ванаси гъайли бяргIибси хурегла мер бурцу.
Шанти тубикIалли, шара бетарар.
Варъа – супIибу, агъу – тубибу.
Дубахъирив – лехIли вии, тудяхъирив – сахъли вии.
Лаг тудяхъядли – супиллизи, кат дарадли – музурлизи.
КIелра ярагъ хIяжатдиркур: гъаб – ризкъилис, гъай баркъудилис.
Пукъализи кабихъунси бецIла кани хIелукъан.
Сахаватти някъби духъянти дирап.
УмцIусини бургу.
ХIякимдешла тахличи ацIес къиянси ахIен, адамли кали кацIес саби къиянси
ГъяхIгъабзала къаралди къабачалабра бала.

*ГляхIси унра – дүлекI-даргла узичибра гъамли вирап.
ВегIла хIева вегIла чархлис гъамли бирар.
ГъакIбикIуси цула кахIебикили хIебуар.
Кысмат каберхурхIели, адамла гIямрула зубари билиуси саби.
ГляхIгъабзала күцла вегI, гъабзала хабарла вегI.
ВегIла мас – вегIлис душман.
Къиян агарли хIекъ хIебирап.
Къиян дугIли бетхIейхъур.
Вайна чили баралра, нягIна – шайтIайчиб.
ГляхIси адам адамтала уркIбазив даим зайнкIули кавлан.
Бархъдешли душмандешра дургу.
БегIла гляхIси садакъа – лезмила садакъа.
Ятимла хъу хIедухъар, дерхъалра миъба дулъа.
Духуси адам давлачевли хIеркайрап.
Агъула ругер декIарси саби, гүшдешла ругер декIарси саби.
ДурхIни агарли халатира хIебирап.
Буркъа изала заманали чебарку.
Къасла вегIла мурадуни мурталра гъардилзан.
ГляхIси баркъуди вебкIибхIели итил дунъаличибра багалабириуси саби.
ГляхIил башуси унц гъаршила дураб кахIевлан.
Изалагар чарх хIебирап, дардагар адам хIейрап.
Арадеши – адамлис тIабигIятли пешкешбарибси давла саби.
Цалис аба дигахъу, цалис – рурси.
Баркабан вегIла ватIан – биалра шахла вацIа.
– Ва балагъ, чинари? – Гъаб-уб леб мерла.
Биха ибси мерла бихуси къаркъа бирар.
Абулхъуси берхIили ванахIерибси, гIелабиркухIелира ванахIейру.
Сабур – алжсанала умхъу.
Авараагардешли вегIла децIра хъумуртахъу.
Халкъла цахIнабси шанг миъбачи кабизалра рурхъуси саби.
ВегIлис дигусилис хIебедесилра, вегIлис хIейгусилис хIебуресилра лебси ахIен.
БерцIибси къацIли кани хIейзахъу.
Щедешла бизидеш галгализибад дигахъу.
Азгъиндеши – мискиндешилис гъаббаишан саби.
Буцибси мерлабад хIаяван хIелугъа.
Ламус хяли хIебуга.
Я – эмхIе, лебихIи дех, я – дех лебихIи эмхIе.
Ца майкIуличив, итил биха викIули гляхIил чейу цацабехIта.
Сабурлара ахир лебси саби.
Лебси секIал мяхIкамбарес гъамадси саби, бетахъахъили къайцIикIесван ахIи.
Мурул адам мурул адамлми калалли, хъунул адам хъунул адамлира кавлан.
Душмайсцад иши агар, шаннисцад хъали агар.
БекI леб, киса агара, киса леб, бекI хIебиалра гIямал бирар.
МявхIебикIуси жистали гIяши халал буга.
ЧичIа кам белкIи бирар, адамла – варг.*

*ШяхI МЯХИЯММАДСЯГИДОВ,
Дахадаевский р-он, Гъуладтала иши.*

